

皇
明
輔
世
編

皇明輔世編卷之二

明太常毘陵唐鶴徵編纂 門人同邑陳廣謨評梓

李文達賢

李賢字原德河南南陽府鄧州人、生而器宇凝重、不妄舉止、嘗得劇疾、太夫人葉危之、有老嫗來視曰、此非凡子也、勿憂、言已卽去、明日而愈、人以爲神、七歲知向學、稍長入爲州學生、學業騰起、一時師友皆莫敢與齒、宣德壬子河南鄉試第一、癸丑舉進士、奉命察山西河津蝗災、時學士薛瑄以御史家居、賢往造之、叩質所疑、瑄亟稱之以爲英悟淳確、非流輩可及、英宗皇帝嗣統、賢上疏、言帝王之道在保民、禽獸夷狄雖聖人一視同仁、其施也必經親

及疏未有民不得所而先養禽獸者。今京師韃官不下萬餘。以俸言之。指揮三十五石。而實支一石。韃官則實支十七石五斗。是韃官一員。當京官十七員半矣。傳曰。朝無倖位。則食之者寡。况夷狄人面獸心。一旦有警。其執必不自安。前代五胡之亂。可不鑒哉。乞斷自宸衷。爲萬世計。勅兵部漸次出之於外。不惟省國家萬萬無益之費。亦可以消未萌之患。蓋賢筮仕。卽有志當世如此。雖議不行而已。已之變。畿內韃官羣起。煽亂。應虜。賢言始驗。正統丙辰。授吏部驗封司主事。會有旨。文武誥勅。三年不得請。必候九年。賢以職任所在。復上言。此獎勵臣下之法。若候九年。得者恒少。不得者恒多。廉貪不分。勸懲不立。乞仍舊便。後卒從賢言。賢又言。國家

建都北涼以來所廢弛者。其甚於太學所創新者。莫多於佛寺。舉
猶如是。可謂弊矣。若重修太學。雖鉅壯麗不多。一佛寺之費。兩及
精修。舉以取養賢及民之政。後數年。詔新太學。實自贊發之。乙丑
遷。將功郎中。踰兩月。丁母憂。久之。轉文選司郎中。候終制。赴京。廣
信東都。更三任。奉公嚴。素不釋卷。尚書王直。以公朝期之。而少師
楊士奇。每以不職。賢爲歎。南陽知府陳正倫。士奇友也。因邀賢往。
見。適賢不肯。曰。無干。固之。雜商道門。是求知也。士大夫。兩賢之。已
是秋。度冠。亦同。英宗皇帝親征。吏部侍郎。嘗屬從。以疾告。賢代
之行。士奇。於特選。從官。多推其難。賢頗屈。而景泰初年。士奇。本
貴族。勳望。顯赫。賢。素。與。士奇。相。善。士奇。嘗。謂。賢。曰。士奇。天。變。勉。

貴近擬出屬結民船米畧請開關應有開關事宜與修成中外
通言已辭然有關於主憂心者或畧臣以爲陛下一身國家
天下之本而心又一身之本也正其本萬事理惟陛下之心正
則國家天下之事可以次第推行乞留中以時省覽詔付外給事
李侃等以災異上疏謂李賢忠言宜賜覽納乃復取奏入命翰
林等寫置左右焉卒未虜遣使求通好有詔絕之今廷臣共議畏
難言止言虜所以敢輕中國者恃其弓馬之強而已中國長策惟
將所調戰軍若衛青之武剛軍者可以禦之而又有取勝之道則
夾槍是也臣觀軍製四圍箱板內藏人下留銃眼上開小窓長一
丈五尺高六尺五寸前後左右橫排銃頭每車前後占地五步若

用車一千輛、一面二百五十輛、約長四里、欲行則行、欲止則止、謂之有脚之城。內藏軍馬糧草輜重、以此禦敵、使馬不得衝陣、箭不得傷人、彼若近前、火炮齊發、奇兵繼之、彼若遠避、我勢益張、我威益振、備邊長策、莫善於此。然此策固善、又在將士者何如。夫今之將士、猶古將士、而朝廷於將帥、特彰剖封之典、於士卒、頻加賞勞之恩、待之厚矣。然不能一爲國家復仇雪恥、此忠臣義士所以扼腕而不能安寢也。乞詔加獎諭、仍飭中外將臣言、采取而行、是歲冬、以合廷薦陞兵部左侍郎。壬申、奉命察四川有司之不職者、癸酉還京、轉戶部右侍郎。賢以虜欲無紀、不宜終徇、上疏言北虜也、先近殺其主、併吞諸夷、包藏禍心、其志非小。若只聽其講和、貢馬

圖金帛之利。茂收順之誠。增數冒名。曾無定約。竭生靈之膏血。供
無厭之貪求。醜類日見盛強。中國日加罷敝。持此悠悠。實非良慮。
惟陛下奮仁者之勇。勵總戎之臣。惕然於心。不可自逸。觀變而
動。以挫長驅之勢。振中國之威。則夷狄之心自懾。方來之患自弭。
詔下兵部。少保于謙以賢言爲然。請下其章以勵重臣。甲戌。轉吏
部右侍郎。詔頒君鑑錄於羣臣。賢擇其中善可爲法者二十二君。
又詮其最切者數事。曰鑑古錄上之。英宗復位。輔臣多竄竄。遂
以人望召賢。兼翰林院學士。入內閣典機務。未幾。進吏部尚書。兼
官如故。左右有欲以汪后殉葬者。上問武功伯徐有貞及賢。賢
言景泰初。汪妃雖立爲后。卽遭幽廢。幸與兩女度日。若令墮去。情

所不堪况二女皆幼可憫臣愚以爲宜厚遇之上無然以賢者
爲是乃令出居舊王府逮巡撫大同副都御史年富下獄尋令致
任時富被石亨誣奏將石彪奏害自大同逮至京上問賢曰此
人如何賢對曰行事公道在彼能革宿弊上曰此必石彪被富
阻其所行不得遂其私耳賢曰陛下明見真得其情遣官體勘
果無實狀富遂致仕而歸亨因此與賢不合亨請盡罷各邊各省
撫撫及提督軍務等官山東奏民饑難得內帑銀三萬而不足
上復召有貞及賢議有貞持不可曰散銀有弊無益饑者賢言天
下之事未嘗無弊顧奉行何如耳散銀有弊而不貸是視民饑死
而不拯也因嘗廢食豈爲大上之理上深以爲然命增銀四萬

兩饑民全活甚衆時太監曹吉祥忠國公石亨以迎 上復辟爲
已功竊弄威福 上漸不能堪乃密語有貞及賢宜協心輔朕賢
自念遭遇不偶凡事一以至公處之吉祥與亨滋不悅亨率兵西
征御史楊瑄劾吉祥與亨縱家人奪民田 上嘉其敢言令吏部
議其名將擢用之於是十三道御史張鵬等合章糾亨不法亨遂
與吉祥謀此必有貞及賢所使相與懇於 上言已有迎復功爲
有貞賢等所傾將俾臣等無遺賴因伏地流涕不已乃傳旨收璫
及鵬等十三道御史下錦衣衛主使遂併有貞及賢下獄其日風
雷雨雹大作損殿宇公署瓦木吉祥之門老樹皆折亨宅水深數
尺其異 上知天怒在此亨等及言上天亦怒賢等雖解罪然

不自安、明日言於上、上雖欲詔俱請外任、賢請福、遂得致詞、發致
將歸、吏部尚書顧鼎臣、以五期是日、得專對語、有間、出曰、某將
自離同事、未嘗阿比、正期因頓首、力言賢、許可大用、上德之、
賜請改發南吏部、意令遠去避禍、上顧不喜、曰、南京遠、仍留
吏部左侍郎、事吉祥、又大恨顧、上意屬賢、不得已、匿怨、接殷勤、
得同召對、顧喜、獨召賢、即不喜、疑賢短毀之也、論月、承天門災、謂
復賢尚書學士、賢上章懇辭、不允、時石亨張軌、皆無朝退、頗入見、
或因小事私情、或無事亦雜入見、出則張大其言、使人畏而趨之、
上厭之、召賢謂曰、先生有文書整理、每日當來、若其餘總兵等、
皆無事、燕喜、則不宣、蓋賢自再奉命、上意通達、賢德宜召、然

往。上覺其意故召論之。上自此親信賢凡左右屬人必召賢問賢以爲可用之不則不用。皇太子將出閣賢請擇學術端良之士備輔導乃上劉詡等數人爲坊官。上仍命賢總之日授書正字於文華殿。上曰先讀何書賢對曰四書經史次第講讀先大學尙書。上曰經書有難讀者賢曰如二典三謨太甲伊訓明白易曉可先講讀時崇仁處士吳與弼以薦至京。上喜其來問賢曰與弼當授何官賢曰與弼純儒必能成就君德授春坊諭德專輔導官爲宜與弼固辭不受賢叩其故與弼謂教書太重以傳之禮聘之却以此職授之故不受賢謂如此亦固執矣且朝廷致敬盡禮待先生非輕初無不承權輿之意今必欲如傳說愛立

作相亦難。既稱衰病，務當大任，倘勢不能行人，皆失望。不若且就
官僚。若果有建明，則大任以漸而致。不然，所辭不允，亦當就職。以
答朝廷至意。與弼亦不從，乞歸田里，復請殉其志，以勵士節。上
思建庶人幽大內六十年，欲赦之，左右多以爲不可。召問賢賢對
曰：「陛下此一念，太祖在天之靈，寔臨之。堯舜存心，不過如此。
上意遂決。遣中官衛送，居之鳳陽，出入自便。初，石亨等輩去各
還文臣，巡撫軍官縱肆貪暴，士卒疲憊，邊徼騷然。上召賢曰：「自
朕初復位，奉迎之人紛然變更，今乃知其謬。卿與王翱、馬昂商議，
推選務在得人。」上定浙江布政白圭任遼東，山東布政王宇任
宣府，僉都御史李秉任大同，監察御史陳瑄任延綏，山西布政陳

裂任空夏陝西布政芮釗任甘肅以京官巡撫其地一時號稱得人尋命賢督修大明一統志翰林實儒紳所居非雜流可與景泰間陳循輩各舉所私非進士出身者十將四五率皆委靡昏鈍浮薄之流無繇而退至是重修通志惟擇進士出身者此輩自知不可居此托閹院達其意願補外職賢乃言於上命吏部因才補職翰林一清御史劉濟劾太傅安遠侯柳溥敗軍之罪上怒曰與賊遇安能保其無損且將較聞濟言豈不解體欲逮繫濟賢曰耳目之任職所當言惟明主用其是舍其非而已不當見譴石亨等因譖賢阿文臣上知賢深譖不行而以賢言薄責濟已而溥還自陝西上曰溥爲主將畏縮致敗不罪之何以警衆諭言官

然近臣之
弊最難

是効之奪其太傅景泰間三年一度僧數萬及天順二年如期來
集賢言於上曰此輩有損無益宜俟十年一度擅自披剃二十
以上者俱令還俗違者發邊衛充軍著為令上一日屏去左右
召賢從容言政治得失賢因言今天下頗安惟有一害上曰何
害賢言錦衣官輩差出抄提罪人勢如狼虎所至貪求無厭有司
不勝其擾上曰此害誠然今後非大事不遣或謂賢招怨賢曰
此弊尤重之過○創蘇得聞賢既得親近豈忍隱蔽不言乎若除此
害怨亦不辭初上於便殿屏人謂賢曰吉祥好預國政聞四方
奏事者多先若其間奈何賢曰惟在獨斷可以見之上曰非不
獨斷某事某事皆不從其請但聽之則悅不聽則怫然見於辭色

賢曰於理果不可行且從容論之自古人主權不下移若陛下果能自撓每事自斷以公處之則彼之勢漸消而趨附之人亦自少矣上曰朕意亦然會石亨敗家居其從子定遠侯彪出鎮大同譟大同巡撫薦已上廉其詐并逮亨置於法上一日從容與李賢言及迎駕奪門之功賢曰迎駕則可奪門二字豈可示後況景泰不諱陛下正宜復位天命人心無有不順文武羣臣誰不心願何必奪門且內府之門豈可奪奪之一字尤非順幸賴陛下洪福得成其事假使景泰左右先知此事亨輩何足惜不審置陛下於何地上曰然彼時何以自解方悟此輩非爲社稷計不過貪圖富貴耳賢曰臣使時極知此舉之非

正大之論

法行而他
思不起全
用此等妙

其謀者臣不從以臣之愚見若景泰果不起率文武羣臣請陛下復位安用如此勞擾雖欲陞賞以誰爲功老成耆舊依然在職豈有殺戮降黜之事致干天象而羣小之計無所施矣招權納賄何繇而得忠良之士亦無擠排之禍國家太平氣象豈不繇此而盛易曰開國家家小人勿用言其必亂邦也於此驗之爲尤信

上悚然大悟時法司奏石亨等冒報陞官者俱宜核究上召賢

曰此事可行否恐驚動人心賢曰若顯究則不可此等久不能安

欲自首猶豫未決若許令自首免罪則安矣上從之於是冒報

陞職四千餘人盡首改正或有議追其支過俸糧者賢不可而止

前此賢封贈恩諸京謝至是陞解上特賜寶鑑三千貫因

顧謂賢曰先生已盡天倫之樂乎賢頓首曰臣父子所以有今日者皆陛下之賜賜甲第一區實難辭上曰聞卿舊宅去朝廬遠特賜近居以便宣召不允辭遷居之日上及皇太子皆有落成之資賢以朝覲官黜陟之典往往行故事無以示微力言於上罷不職者數百人旌異者十人賜宴禮部上命賢與王翱生之吏部初奏擬賢銓爲戶部尙書上問賢賢以銓貌不稱對乃用爲右副都御史上命賢擇可爲戶部尙書者賢以山東副都御史年富執法不撓可居此職左右不悅實有甚衆謂賢曰上不喜此人不宜再舉未及言於上一日上召賢曰戶部之繁

任非一人可了賢曰臣亦不覺渾渾然愈見其賢上曰富之執法

是漢文細
柳棘門遺
旨

寡居此國計所關豈顧私情遂召用之四年庚辰虜酋字來寇大
同守將失利遂深入鴈門烽火徹於京師民驚道不可止上初
謂此虜弱之不過在邊掠牛羊而去賢言於上曰京師宜出軍於
紫荆關馬二關駐劄一則安撫人民二則使虜知懼不得久留深
大會兵部奏遣將統京軍赴大同殺賊上曰緩不及事徒勞人
馬駐關之說可行於是遣都督顏彪領兵赴紫荆關馮宗領兵赴
獨馬關虜既有復又我軍不動去而復來遂勅二關軍赴獨馬
特以不恐既而虜亦引去五年辛巳虜西寇涼州莊滿賢知上
以虜人爲憂陳邊事五條上從之遣懷寧伯孫鑑率兵往禦
用附北水加以師旅賢言宜有寬假之典遂罷天下所取花本

及變免。棟樂追馬清匠。制卷諸事。而採柴一歲。費銀三
千餘兩。上謂賢曰。今府庫錢糧所入少。所出多。卽軍官一乘。輒
銀十四萬餘兩。奈何。賢曰。自古國家甚畏冗食。今一衛官有二十
餘員者。在京軍官老弱殘疾者。宜令兵部漸調出外。却以軍補其
缺。以省冗員。上曰。此時恐難行。賢曰。宜安靜行之。如無事。然本
其不覺可也。上領之。賢又言。官軍有增無減。且天地間萬物有
長必有消。自古有軍功者。雖有金書鐵券。誓以求存。然其子孫不
一再傳。犯法卽除其國。或能立功。又與其爵。豈有累犯罪惡而不
革其爵者。今若因循久遠。天下官多軍少。民供其俸。必致困窮。而
邦本虧矣。不可不深慮也。上曰。此事固可慮。當徐爲之。吉祥從。

于昭武伯欽殺人事覺御史劾之。上雖見原而特下詔戒諭。臣欽益懼與吉祥養死士謀不軌欲幽上於南宮而立。皇太子因西師行乘機入內爲亂害朝臣之素有憾者擊賢傷首及耳且持賢謂曰某等迫於讒聞不得已爲此請入疏以申救賢曰爾既殺仇讐怨能止戈反正我當言之。上得疏乃知賢在甚喜既脫於難。上亟召之入宮手疏曰逆賊就擒此非小變宜詔天下一切不急之務悉皆停罷且言自古治朝未有不開言路者惟權貴蔽塞之以遂其非錄是陷於大惡而不悟自有等排黜大臣者豈能塞其流遂至此極。上悉報許下寬無餘而以開言路爲重。上念賢忠勤下勅加太子少保賢懇辭不受。上與賢俱

容論人才及工部尚書趙容賢曰此人可取如曹賊反時文職皆畏縮逃避况兵非已任誰肯出者惟容白奮被甲躍馬呼於市曰好漢皆來從我曹家是亂臣賊子我輩是忠臣義士不可退避於是從者數十百人容於陳前鼓舞獎勵士卒滅賊成功如此存心行事人豈能及上曰固忠臣也賢以西師未解而京師有變大軍不可輕出請復都御史王竑俾與兵部侍郎白圭分道禦虜虜引去邊臣尹旻請罷兵議者懼有後警賢上言兵在外可整而不可久整則爲壯久則爲老且虜安能保其不來若慮其復來更無休息之期况人民供輸疲困已極宜乘河開班師使民得屯種爲便上命廷臣議卒從賢言聖烈慈壽皇太后崩上見賢

所服斬衰與衆異。取視之。乃知賢服制合古。卽取賢服著爲法。命
官中悉易之。孟冬享太廟。適大喪禮未終。上以問賢。賢言宜
俟釋服後。庶人情事理兩安。上曰。微公言。幾昧於理。七年癸未
春。上以足疾不視朝。召賢曰。大祀將至而疾未愈。欲遣官代行。
可乎。賢曰。亦須至壇所。雖不能行禮。人心亦安。上至齋宮。召賢
曰。朕惟俯伏艱於起身。欲令一人扶之。若何。賢曰。陛下能力疾
行禮。尤見敬天之誠。遂竣事而還。二日晦夜。賢聞空中有聲。明日
密疏曰。傳言無形有聲。謂之鼓妖。上不恤民。則有此異。惟陛下
憫念黎元。凡一切不便於民者。悉皆停罷。則災變可弭。上覽之。
召賢曰。此事正須先生言。先生不言。誰復言者。其具寬恤事條密

封以來。賢遂疏十事。一請清淹禁罪人。二止銀場煎辦。三停歲造紙劄四蠲被災糧五弛芻米之徵六罷虧損馬匹七飭邊撫恤兵民八命有司存恤流移九戒御史察貪吏十禁外官因事科歛。上曰。朕締觀之。皆實惠也。卽詔天下。賢又請罷江南所造段匹。及燒磁器。清錦衣衛所監罪人。止各邊守臣進貢。止下番所遣使臣。停內外買辦採辦。上不從。賢執之數四。止取前一條行之。左右見賢力爭。皆寒心。同列亦爲賢懼。賢曰。古之大臣。知無不言。今雖不能盡然。至於利害。係於安危者。豈可默默以苟祿位。然上聖明。亦不以爲忤也。上以母后胡氏係宜宗族后因疾請問。尊號靜慈仙師。非令與欲上皇后尊諡。而左右以爲不便。一日召問賢。賢曰。

陛下此一念天地鬼神冥臨之然臣之愚必須陵寢享殿神主
皆如奉先殿之式庶幾稱陛下之明孝不然爲虛名上卽舉
行是時錦衣衛指揮門達有寵於上專理詔獄兼緝事中外道
路以目賢嘗以爲言達銜之會指揮袁彬爲其所誣下獄有彩漆
軍匠楊暄抹之上命達逮訊達欲并傾賢林暄使誣賢爲草奏
狀狀牽捕數十人勢危甚暄佯諾之且曰若多官廷鞠之我對衆
言彼無所逃罪矣上命廷鞠之暄遂大聲曰此達所教也賢以
事曰上疏力辭且以知足不辱知止不殆爲言上不允曰此細
故無用介意八年春正月時禁中有讒言謂茂陵不宜復在東宮
者上疑之一日上不豫卧便殿召賢諭曰今庶事頗寧而大

者反搖賢頓首伏地曰此國本也。上曰然則必傳太子位乎賢
又頓首賀曰宗社幸甚。上起立召太子至賢扶太子曰謝
謝太子謝上抱上足泣上亦泣讒竟不得行久之上
疾劇命中官以遺詔示賢十七日上賓天後五日憲宗嗣位
有欲專致隆於上生母者賢曰天子新卽位四海顚望凡事
宜悉遵遺詔庶幾順天理服人心脫或不然則當尊母妃爲太
后於皇后爲皇太后上加二字以別之卒如賢議尊皇后
爲慈懿皇太后貴妃爲皇太后尋進賢少保吏部尚書兼華蓋
殿大學士門達謫成嶺表不知者謂出賢意其黨相與爲匿名文
書指賢姓名欲中之賢不自安懇乞休上不允下令禁謗議者

時災異層見、賢請出官人以昭聖德、又上疏言人君一身天下之主、若行事合宜、中外順服、不然則人皆離德而欲天下治安不可得矣、治安之本在於德、輔養君德又在左右前後皆老成端謹之人、若輕浮生事、逢迎取悅、供耳目之玩、信佛老之言者、望即日退出、毋令隨侍、庶於君德無損、臣受朝廷祿位、爲宗社生民至計、不敢不竭忠盡言、惟陛下剛斷而進退之、五月五日風電大作、飄瓦拔木、上及郊壇、賢復疏言天戒顯赫如此、惟陛下勉加修省、雖在閒靜之中、譬如對越之際、不可與左右狎、亦不可聽其誘而寵用之、惟日與老成之臣講論修德行政、念茲在茲、頃刻不忘、庶回天意、賢以疾在告、詔免喪朝、尋降勅命知經筵事、及總

有定見亦
有妙用然
此時觀天
順初爲易
行矣

修 英宗睿皇帝實錄 有司請造國庫賢聞之亟入言先朝所
造車駕尚有貯內庫未經御者今恩詔方頒百姓甦息未久奈何
復爲此 上卽日寢其旨 皇后吳氏之廢小人乘機欲害賢者
益甚 上命錦衣衛嚴禁之且遣衛士夜宿賢第護賢以行有內
直將軍趙天順初因入直迎駕而陞今一切褻職非法意 上念
其久於後特復之而以迎駕奪門陞者紛然入懇不已賢言於上
曰自石亨輩此舉之後人以得富貴之易貪利者惟幸有事宜蚤
治之且復故少保于謙等官賜祭改葬以雪幽枉 上亟是賢言
命兵部按其以迎駕奪門陞者自太平侯張瑾興濟伯楊琮以下
俱奪爵蓋賢欲消患於未萌故於 上卽位極言之繇是洵洵者

衰息丙戌二月聞父喪詔起復賜賻甚厚復賜素弔備途中食用而令有司爲營葬事賢上疏言士見用於盛時者無分大小於父母喪皆得盡三年之制若臣以所任之事而不得盡恐無補於名教詔卿勿以私恩廢公義宜抑情違命以成大孝賢復疏言陛下必欲起臣以爲國家事重不得以彼易此但令內外大臣當任者皆忠正老成之人使臣在此不過贊成其事卽無臣一人事不廢臣之去就甚輕昔富弼累詔不起亦以朝廷有人不至甚不得已故也臣之踪跡類此乞容臣終制假使未填溝壑則驅策驚銳以報王皇上固有日矣詔賢當深念職任之重移孝爲忠不必固請遂遣太監林興輔行賢聞故鄉歲屢加以師旅請止官營葬

不從既抵家裏事興卽日促賢上道五月至京師入見上慰勞有加賢退卽疏言陛下謂臣可以委托堅使奪情而不知臣寔驚鈍不堪古大臣若張九齡寇準輩雖起復而人不非者良以其人之才足勝重任有益於天下國家如臣不過尋常之流無事之時亦招物議今不獲命則不知者謂臣心寔以此爲榮姑陳奏章免人之議而已乞察臣至情而矜從之奉詔勉留賢復疏言臣累訴衷情而陛下曲加勉諭終不矜允奉誦恩旨涕泗交頤所以不能遵聖訓者區區之心誠有所不忍况臣日迫衰朽縱起供職未必能副陛下盛意徒重臣之慚增臣之罪詔促就任又遣中官至第道上意乃供職修撰羅倫上疏請許賢終制歷陳古今

一生有議
此一誤至

起復之非反覆數千言辭甚切直倫復詣賢私第告以不可賢怒
力辭內批出倫提舉御史陳遵等文章乞留之謂倫所言誠爲天
下大計遠慮乞宥以開言路編修尹直引文彥博待唐介故事請
賢留倫賢曰潞公市恩歸怨朝廷吾不可累賢因上道中往來所
得軍民利弊八事乞重守令之選毋拘管格以免廢政留河南所
運之粟以備民饑停通州諸衛薪炭之徵以蘇民困蠲江南馬戶
而復本處民戶代之以均勞佚增天津諸衛及河南榮澤新鄉諸
處驛遞以便往來開衛學軍生歲貢以振淹滯上卽命所司議
行之是歲秋率廷臣言今天下盜賊未息災傷未止仰惟祖宗
創業垂統宮禁甚嚴內外不許混雜府庫克積金銀不肯妄費

宴有嘗所而不縱情實賜有常規而不濫及至於祖訓一書尤
爲明備惟陛下逐一省覽刻意恭儉以繩祖武以幸天下止
方虛已以聽而賢感疾浹旬不愈上遣中官臨問賜尚食及命
御醫日夕診視報狀凡閱月疾亟語第監察御史讓及子璋惟以
國恩未報史事未成爲念以是年十二月十四日卒於賜第享年
五十有九贈少師諡文達賢少卽有志聖賢之學爲諸生時謁
者問所志對曰爲學之道當如周子之言蘊之爲德行行之爲事
業其人大異之在吏部編書歲銘於座右與學士薛瑄更厚善
以性學相切劘而窮理之功益密故言益純學益克立朝四十年
不立黨與惟守一誠不知者始或疑而終大服之無異謬自茲

知英宗遂身任天下之重。知無不言。天下亦倚之爲重。雖憊護
謫處之泰然。登對之際。氣象從容。言詞簡當。將順匡正之力甚多。
英宗嘗論景泰不與大臣接言。賢曰。自古明君未嘗一日不與
大臣商確治道。所以天下嘗安。先儒謂接賢士大夫之時多。親宦
官宮妾之時少。於君德方有益。又言朕自復位以來。未嘗一日忘
南城時。每以此戒左右。賢曰。安樂不忘患難。古昔聖賢之君存心
正如此。又以戒左右。最善。又言飲食隨分。曾不揀擇。衣服亦隨宜。
雖着布衣。人不以爲非天子也。賢曰。如此節儉。尤見盛德。若朝廷
節儉。天下自然富庶。前代如漢文帝。唐太宗。宋仁宗。皆節儉。是以
當時海內富庶。非其餘可及。又曰。朕於四書尚書皆嘗遍讀。如二

內授之資
不可不察

典三謨皆是格言。賢曰：誠如聖諭。凡帝王修身齊家敬天勤民用。人爲政之事皆在其中。此時正宜玩味體而行之。英宗每爲首肯。愛惜人才。惟恐弗力。而以獎恬退。勵名節爲先。耿九疇、軒、旣皆以廉介聞。首舉耿爲都御史。軒爲刑部尚書。未幾耿爲石亨所排。斥軒以權貴侵官。託疾去。又屢言於上而還之。年富亦爲石彪所陷。彪敗。力言用之。禮部侍郎員缺。禮部郎中李和求近習薦陞。上問資何如。對曰：不知其人。臣所知者。學士李紹可任此。因進言：邇者士風不立。多夤緣以求進。如用紹請於黼座。召吏部面命之。庶幾士類知警。上從之。命下之日。領朝雙然。政務任九卿議擬。不相侵奪。時於上前酌可否爲行止。王翱、馬昂在吏兵部。皆

今日安得
此盛舉

上信任賢又能調護以是兩尚書得行其志其後任事大臣多
賢所薦已薦矣其人不知反有訾賢者或以告賢賢曰吾知用其
才耳人有善若已出不白之不已兩廣兵興編脩丘濬廣人具嶺
南事宜告賢賢奏濬言可用請付軍中爲平賊之助遇天變民瘼
憂形於色每以裁抑浮費蘇息民力爲本謂內帑財物非濟兵民
則人主必生侈心而移之於土木禱祠聲色之用自賢柄政前後
發內帑銀抹荒恤邊凡數十萬計人有亟難以身揀之而於植臺
諫慎刑獄尤惓惓焉有會試被黜者訴考官有弊上不悅以章
示賢賢曰此乃私忿考官實無弊如臣第讓亦不在中列可見其
公上意方解旨路慶闕屢闕而不至於銷鑠皆賢力主之惟成

本朝又有
劉鑑之事
矣

化初言者歷詆中官之惡謂不可使與國政得外補而或咎賢不
申揀者賢曰此事何可激也甘露之變黨錮之禍諸君子獨不知
之耶賢一日在內閣時太監曹吉祥管在左順門遣使邀賢往賢
語曰聖上宜召則來太監請不來也曹乃令二人者掖賢至賢
云太監誤矣此處乃天子顧問之地某等乃顧問之官太監傳
聖上之命有事來說自合到此豈可令人來召也曹云吾適病
足耳先生幸恕罪其不少徇於中貴如此凡朝廷大政令涉於軍
情邦計者必經賢議而後決天順初虜酋孛來近邊有言傳國璽
在其處石亨請發兵乘機掩取之上爲之動賢曰頻年灾荒府
庫空虛兵民困極宜與體恤且虜近邊未嘗犯塞無故伐之必買

囊况秦璽亡國之物亦不足寶。上矍然罷之。內府奏乏金用。詔下戶部議。請以蘇松嘉湖四府折糧銀折金五萬兩。賢曰。國家財賦仰給東南。而金非其所產。今欲折金。價必踴貴。聞雲南諸夷有歲辦金銀。若以銀折金。亦足以克國用。松潘羗寇亂。已勅三司調兵勦之。久不下。賢曰。三司頡頏牽制。自不能成功。若朝廷命一大臣統之。則事定矣。易曰。長子帥師。弟子輿尸。不可不慮。上問可將者。賢薦都督許貴。遂用之。而松潘羗始靖。賢每以盈滿爲戒。取小旻詩中語。扁其堂曰臨深。以寓安不忘危之義。雖位及三孤。不治田宅。不鬻侍女。自號浣齋。孝友敦睦之行。有人所難者。所居圖書左右口誦手錄。雖老不懈。每有得卽識之。有體驗錄一卷。雜錄

三卷所備顧問有天順目錄三卷有古穰集若干卷詩冲澹溫厚
有和陶詩二卷和杜詩一卷讀易記一卷南陽李氏旅譜若干卷
平居無疾言遠色其容粹然見者如在春風中浮躁者爲之自失
陰狡者爲之中沮論者謂自天順以來所以正君德恤民生進賢
才廣言路抑佞幸却戎狄皆賢之力云其不能無議者南京給事
中王徵等劾賢不職獲罪俱遠調都給事中張寧會大行申棟忤
賢復有忌岳正者爲岳正劾賢疏草賢亦銜之會兵部清黃官缺
尚書王竑偕部院大臣合薦寧堪任僉都正堪任兵部侍郎賢乃
假歷練之說擬旨各陞知府時論譁然爲之不平二人抵任未幾
並引疾致仕不復起不究其用士論惜之

太常氏曰。文達歷事三朝。皆虛懷受善之主委任。甚隆。蓋人臣
千古之一遇也。文達亦盡展生平。隨事効力。周旋於武功。曹石諸
人之間。力抗其鋒。雖取怨禍。曾莫之恤。卒能開明奪門之非。芟除
倖位。廓清朝宇。俾利國家之有事。以取富貴者。杜其邪心。功顧不
偉歟。一時文武大吏。多所薦拔。保全鹽山。懷遠均州。華容之得展
其志。說者謂有賴焉。何以於羅修撰岳太常。不可儼如是。余觀自
來。有能宰執。遇事多有妙用。以彌縫天下之耳目。而蓋其缺失。獨
於正人少左。獨甘心敗露。此大學於好惡一念。自誠意以至修齊
治平。不厭三復。爲人告也。文達所切磋於文清之學。又安在哉。

王莊毅竑

王竑字公度江夏人、成籍河州、正統四年進士、竑正直剛毅、有經濟才、初爲戶科給事中、郕王監國、初坐午門、南面視朝、百官劾王振誤國、讀彈文未起、錦衣指揮馬順振黨也、從旁叱言官去、竑奮臂起曰、順前黨振陷、上蒙塵、今日上前叱逐百官、又敢無上如此、卽粹頭髮、口咬其面、順倒地、百官因批殺順、上起入宮、猶倡百官慟哭不已、上令太監金英問所欲言、對曰、王毛二長隨皆振黨、請置於法、遂從門隙中出二人、捶殺之、血清丹陛、俄遣都御史陳鎰籍振家、并其黨、時餘黨尚多、皆惶怖不自安、而虜騎又克斥、朝廷欲姑安餘黨之心、而嚴慎防虜之策、乃令衛士傳宣諸諭

事者餘黨卽爲流言以恐諸論事者。竑與妻子訣曰：吾今事乃忠義所發，忠臣爲國以死爲安爾。爲吾妻子當死節耳。所遺幼穉，寧無尚義者爲吾育耶？遂與諸論事者入朝廷，論以前意。竑還，乃悉心經畫防虜之策。冬，虜犯京師，命竑監守北城軍。當是時，北城諸將獨戰勝追虜，京師解嚴。竑上言：虜去不大挫，必再至。宜亟爲戰守計，勿遂謂無事。陞僉都御史，守居庸關，訓練士卒。繕塞時，邊軍洶洶，竑以大義開諭，正色以率之。沉靜以鎮之，人心感動。北門屹然。尋病還京。蕭啓代之。景泰二年，總漕淮上。三年，兼巡撫，清理鹽法賑濟。時徐淮大饑，民流死者相枕藉。竑盡所以拯荒之術，繼而山東河南流民猝至，竑不待奏報，欲盡發廣運官儲賑之。戶部有

開城青州
發朱尤同
汶縣

仁哉

主者頗難之。竑曰：民窮至此，吾恐遺憂朝廷，故欲亟發而不吾從。有變必先殺爾，以謝衆。吾乃請罪於朝耳。主者不得已，從之。近者人日飼以粥，遠者量散以米。流徙者給米，以爲道食；被鬻者贖其人以還其家。共用米一百六十餘萬石，全活者數百萬人。擇醫四十人，空庖六十楹，處流民之病者，死者給以棺，爲叢冢以葬之。窮晝夜竭精慮，事事躬理，有所委任，必委曲戒諭，出於至誠。人人爲盡力，或述其行事爲採荒錄，世傳焉。先是淮上之饑，帝於被轡上閱疏，驚曰：奈何！百姓其饑死矣。後得竑疏，輒開倉賑濟，大喜。因好御史不然饑死我百姓矣。竑所至，政先除姦貪，墨吏聞風悉遁。其逮問者，無所寬假。聞閭閻豪右風肆侵橫者，必捕罪之，相戒不敢。

犯一時吏民畏之如神明。劾巡河御史王岷貪淫。謫岷戍開平。四年上疏言山東河南東昌開封抵江北徐淮。去年正月大雪異嘗。夏秋雨水。人民廬舍漂蕩。麥稻泮沒。老穉顛連流徙。邇者新春雨。連月寒沍。倍冬不識天意何在。嘗觀易泰卦象曰。內陽外陰。君子道長。小人道消。否卦象曰。內陰外陽。君子道消。小人道長。蓋陽爲君子。陰爲小人。今方春陽長。其候類秋冬。是陽盛陰微。殆食祿者。君子少而小人多故也。然小人之行。豈懦而無用。鈍而不敏。訥而無言。愚慝而冒犯天怒者乎。必其欺詐若誠敬。便佞若忠。饒太貪。若廉大姦。若愚。卽書所謂靜言庸違。孔子所謂色厲內荏者。是也。伏望 皇上念 祖宗社稷之重。上天咎徵之戒。責有位之臣。痛

自修省改圖。進君子退小人。俾忠良者任政。姦邪者屏處。又必省刑罰而止聚斂。節財用而抑貢獻。罷無益之工。嚴無功之賞。散財以收民心。愛民以植邦本。庶幾人事修而天變可回。然欲辨君子小人邪正。又必本於聖德之明。睿伏望皇上日親講臣。俾陳二帝三王與祖宗列聖養心修德之要。以清出治之源。則凡君子小人莫逃天鑑矣。臣濫處臺憲。致茲災異。無所逃罪。伏乞罷歸田里。上嘉納引咎。勅諸大臣修省。下有災郡邑賑濟。竝又上疏言饑民流徙就食。臣分遣屬吏。沿河贍賑。每遇過舟。董令出米爲粥。分給賴存活者一百八十五萬八千五百人。勸諭富有方家出米麥穀粟二十五萬七千三百石。銀三千七百七十兩。錢綿布半之。

量給被災者五十五萬七千四百七十九家。缺農具種子七萬四千三百九十三家。亦以官物賑給。民流去撫來復業者五千五百九十三家。他境流冗安輯者萬六百餘家。幸賴聖明盜賊稀少。顧鴻鴈之哀鳴。方息。鷦鷯之栖戢。未寧。更藉休養。庶底康寧。四年。少保陳循。戶部尚書金濂。皆言。竑心純政平。委曲調劑。弘濟民艱。况總督漕運。姦貪畏憚。兼理巡撫。兵民慕戴。陞副都御史。仍治淮安。上皇復辟。言者追論其犯闕事。謫浙江叅政。尋除名。編管江夏。居半歲。上覽奏疏。見竑有正倫理。篤恩義等語。顧左右曰。竑所奏多爲朕也。乃命還河州。天順五年。李來寇陝西。我兵再敗。京師曹賊反。傷二三大臣。李賢薦起竑視師。會虜退。再蒞淮上。迎拜。

道右者如蟻歡聲雷動會漕河涸禱祀輒大雨卽日江水漲溢舟楫通行凡所措注威行恩施聲望益重會歲大饑卽先發漕米數萬石賑後方具疏劾罪茂陵卽位收用名賢陞兵部尙書具奏令天下邊將各陳戰守方畧嚴簡兵馬勸屯種復武學時兩廣大肆劫掠陝西虜在河套四川道鐸作亂廣西湖廣兩省盜寇入境邊報日至竑居中調度規畫允合事宜都督趙輔都御史韓雍皆奉廟謨而行俱成功凱還時有條奏密雲古北之邊事者命下兵部議之竑謂其言可行遂以聞有忤上意越兩日不報竑具疏以待上不加罪或有爲竑慮者私謂竑曰自今凡事宜慎重事有大利害可不計耶竑曰自今不遇此等事則已遇此等事吾

亦如此處之使利害有其於此者害亦不計也言者想服既而上
疏復在京園管軍士舊額革除諸將私役宿弊及薦修撰岳正都
給事中張寧三事不報竝曰所謂大臣者以道事君不可則止吾
可以行矣遂五上章乞休以歸蓋竝守正嫉和人知嚴憚不能盡
行其志也正德間謚莊毅與李秉皆一時名臣比居鄉竝抗志寡
交秉出入里閭博奕諧謔竝聞之曰執中八座大臣胡逐細民戲
卿不自愛秉亦非竝曰所謂大臣者豈立異鄉曲矯激爲哉

太嘗氏曰詩不云乎惟其有之是以似之莊毅馬順之粹人以爲
一時感憤云耳不知惟其正直之節根於性生故一發之馬順再
發之司倉者當是時雖死生交於前不知也蓋與客氣之下盈午

涸者迫乎寥絕矣。世之譚經濟者。率謂以員融通變成之。而莊毅
乃執一而不撓。惟其有諸中者。真故動於物者。速令之必行。諭之
必信。俾姦貪聞其風。遁跡人人寔心任事。民生有不安。天下有
不治乎。又何必員融通變爲也。

商文毅輅

商輅字弘載淳安人。宣德乙卯登解第一。正統九年會試。明年廷試皆第一。爲翰林修撰。英宗命選辭臣。劉儀等進。學東閣。輅與焉。十四年。景帝監國。入內閣。陞侍讀。時北虜入寇。人心洶洶。輅力主議。請郕王卽真。以安反側。有議南遷者。唾而斥之。虜逼京城。輅與文式九條經略戰守。遣官撫輯。旬居之虜。徵各邊帥。選兵入援。揭榜賊營。購虜酋。僞爲喜寧報誘擒也。先書遺虜營。虜得謀。與書自相疑。遂遁。景泰二年八月。迎上皇於居庸關。九月。陞學士。時錫衣指揮盧忠。妄言南內事中官阮浪死之窮治不已。輅極言。輅有不可輕聽。以壞大倫。以傷骨肉之情。忠始坐罪。衆得釋。三年。

二語簡當
更不可少

初議易儲，輅謂此國家大事。有皇太后在上，臣下誰敢議此？明日有旨，會官議附和者衆。竟易儲，尋遷兵部左侍郎，兼左春坊大學士，仍兼翰林學士。五年，鍾同章綸相繼請復儲，禍不可測。輅因召對，力掄綸因得免。景帝不豫，與陳循等倡復儲，以繫人心。不允。繼具疏，輅援筆增二語曰：陛下爲宣宗章皇帝子，當復立宣宗章皇帝孫。他非所當立者。疏未及進，石亨輩奪門迎上。皇復位，召輅與高學士穀入便殿，慰曰：朕在南宮，知爾二人無偏向心。如今正要爾宜用心辦事，且計議改元年號。草詔頒勅，石亨密語輅曰：今歲赦文，須一抹光，不須別具條款。輅曰：舊例執敕擅改，亨輩不悅。騰謗輅欲附致於少保、刑案、太監興安和解。上

愈怒。興安曰：「當時此輩附和南遷，不啻將置朝廷何地。今有奪門功，卽復爾耳。」上怒稍解，乃坐削爲民。輅去。上每念商學士旁有擠者，久之不得召。成化二年，遣使驛召至京，以野服見。復官入內閣，首疏八事，勤政納諫，儲將材，飭邊備，革冗員，設社倉，崇先聖之號，以配天，開入德之基，以造士。又言文廟從祠諸賢，洪武中增董仲舒、正統中增胡安國、蔡沈、真德秀，但仲舒止稱舊官，安國等贈諡未稱，乞如伏勝等封伯爵。四年，議慈懿皇太后喪禮，得祔葬祔廟。是年彗星見，言官劾輅。上怒詰言官曰：「唐太宗用王魏，朕用輅，何不可？欲加譴，輅又力請宥言官。」上曰：「輅真大臣，言官得不問，尋陞兵部尚書兼學士。時王莊甚爲民厲，輅言：『天子以

天下爲家。何以莊爲。番酋滿四叛。官軍往討。未下。廷臣規再出師。遂功有危語。輅與彭時執不從。未幾捷至。五年冬。煥七年。彗星再見。天田入太微垣。輅上弭災七事。崇正道。謹命令。親賢臣。慎賞罰。納諫諍。勵官守。恤軍民。八年。天下大水。復請省科歛。減力役。寬兩稅。弛鷹禁。悉從之。十年。改戶部尚書。十一年。兼文淵閣大學士。上嘗召見從容議。及郕王監國。輅親縷言。景泰有社稷功。當復帝號。左右聞者皆泣。上亦泣。遂下詔。上尊諡。先是悼恭太子薨。上憂念已。而知西宮有子。六歲。避忌無敢言者。輅獨宛轉探引。東宮乃定。輅復上疏。略曰。皇子聰明岐嶷。國本攸繫。天下歸心。重以昭德宮貴妃撫育保護。恩踰已出。百官萬民皆謂貴妃賢哲。近

正論每能
委曲出之

代無比。但外議皆謂王子之母因病別居久不得見。揆之人情事體。誠爲未順。伏望勅令就近居住。皇子仍煩貴妃撫育。俾得朝夕之間。便於接見。庶幾遂母子之至情。愜朝野之公論。上召輅擬皇子名。逾月。皇子母薨於永壽宮。輅舉宋李宸妃故事。言得贈淑妃。殯殮悉如禮。是年十一月立。皇子爲太子。十二年。加太子少保。吏部尚書。十三年。建玉皇閣。宮內輅疏言。皇上爲此上爲。母后祝釐。下爲生民祈福。聖心誠敬。人所共知。但稽之於古。未爲合禮。昔傳說告高宗曰。黷於祭祀。時謂弗欽。禮煩則亂。事神則難。乞停罷神祠。送像宮觀。祭服祭器樂舞之具。盡送太嘗收貯。一應齋醮之事。悉皆停止。勿爲褻瀆。庶幾天心昭鑒。可以變

災爲祥

上從之。是歲進謹身殿大學士會黑青見條上八事曰

番僧國師不得重給符券。四方嘗貢外勿受玩好。諸色人許直言。自達分遣部使者。慮囚理冤抑。停不急營造。寔三邊軍儲。守沿邊關隘。增置雲南巡撫。時汪直開西廠羅織數起大獄。臣民恐悚。輅疏言。近日伺察太繁。政令太亟。刑網太密。人情疑畏。洵洵不安。蓋緣委聽斷於汪直一人。而直又寄耳目於羣小。如韋瑛王英輩。併條直十罪。又云。直不去。天下必危。上怒曰。一內監輒能危天下乎。太監懷恩傳旨詰責甚厲。輅曰。朝臣無大小。有罪皆請有收聞。渠敢擅抄札渠。一日擒械數十人。南京祖宗根本重地。留守大臣渠敢擅自收捕。諸近侍渠敢擅易置。直不黜。國家安得不危。恩

昨舌退奏上。上立命去西廠。諸內臣故忌輅。會前輔臣楊榮孫揚燁逮至京。語及輅。直中主之。輅不自安。同列又從旁切擠。輅遂請老。陞少師致仕。輅去。萬安得爲首相。遂復西廠。直益橫。諸大臣皆諂事直矣。輅家居十年卒。年七十二。贈太傅。謚文毅。輅方果好直言。與王文陳循高穀彭時萬安劉吉先後共事。每遇大議。能持正。吉嘗曰。余與商公處數十年。未嘗見其妄殺一人。馬文升曰。我朝賢佐。商公第一。楊文貞李文達不及也。

太嘗氏曰。自余有知識。聞秉均當軸之人。無不藉中人之用事者。爲與援。甚至以序預結相待而進。遂使權歸中人。閣臣徒擁虛器。賢者雖欲挽之。而無策。稍有異同。有去而已。彼汪直之在當時。可

謂用事而文毅乃直攻不少借。雖文毅竟以此去位而西。厥亦且
整革繼之。稍得其人。未必不終止也。蓋當時造膝納牖。上下之情
猶可竟通。豈若今日堂簾之隔。必於中人喉脰中取氣耶。然則欲
收均軸之權。令求通上下之情。又何道哉。文毅在景泰中。倡復儲
之議於天順中。稱景帝之功。亦人情所難者。昔人稱其直言。特
正良不誣矣。

項襄毅忠

即有作用
事非預料
理何以濟
急

項忠字蓋臣浙江嘉興府嘉善縣人正統壬戌進士授刑部雲南
司主事戊辰陞陝西司員外郎十四年乙巳扈從北征聖駕陷
虜忠被執忠初宿土木帳中有朝官言降胡禿堅能漢語今帶錦
衣鎮撫俸其二子在虜中俱用事忠心識之次晨詢左右得錦衣
國者悉其詳及師潰被執詣虜會前將害焉其會令舌人詰忠爲
誰忠憶前聞詭稱錦衣扈駕官而會固禿堅次子也問父留京
狀忠脩言之禿堅子故撫衛忠以見也先忠不屈也先曰奚不跪
令殺忠忠屹立如初徐曰願死禿堅子曰是非愛死者也先令撫
忠出禿堅子遂留忠牧馬於沙場忠詢駕安在禿堅子曰在伯

竟不請迎
駕何也

顏帖木兒營中無恙也。忠泣曰：王在，吾何敢死？禿堅子引置馬所，
竊防稍寬。禿堅子時遣人視忠，牧忠間與語，則敷揚國威，曰：我國
勢正當全盛，偶因王振弄權，輕敵喪師，非此殘金破宋，爲元俘虜。
仇恥難雪。王振旣死，謀臣勇士咸得自奮，精兵百萬一朝壓境。恐
爾輩不能如前得志矣。禿堅子亦憂形於色，應曰：我主言留爾主，
無用若中國來迎，必還爾主。忠喜，日盼使至迎。駕竟無至者，忠
且自計曰：吾走而被獲，固死矣。萬一不死，可以報朝廷。回。聖
君且萬死以走，遂胡服挾二良馬而南。越四日，馬疲棄馬步奔。
道板巖涉澗，凡七晝夜達宜府，視其足陷，瘡淋漓者數百。及至，
山東司郎中景泰二年，陞廣東按察司副使，按部高州，謀報賊。

男婦數百流劫村落部將請發兵忠曰流賊無携家理。慎無妄殺。及訊其俘果皆良家被掠者盡釋之。癸酉從都御史馬昂征龍水賊趙音旺等。忠入謁昂問計。忠曰。此徭倚大藤峽恃險播患。脅從者衆。難以進攻。莫若懾賊以威。諭民以德。民出賊則勢弱而成功易矣。昂喜。遂委忠監軍。時音旺等嚴守亟口關。忠同諸將率師攻破之。追至林家坊。溝藍洞。忠叱軍大進。斬音旺及從賊一千六百餘級。餘潰奔。忠命勿進。但諭之曰。今日項兵道在此。願降者免戮。賊聞忠名相率而降者千數。已馬昂慮巢穴餘黨伏匿。貽患將來。密令總兵勦滅。時有轉餉夫千餘。以夜近賊巢宿。忠憫其無辜而俱焚也。顧賊又難潰。遂沈同知夜往。給集點名。衆方赴點而勦。

減兵大至矣。所全活又千餘人。加從三品。是歲丁父憂。服闋。改山東副使。巡撫年富。事多委之。天順三年。陞陝西按察使。適陝饑。以拯民爲已任。不待奏報。發倉賑之。全活以萬計。壬午。聞繼母喪。陝西軍民赴闕。留者千人。召奪情還任。時有生員馬雲犯罪被黜。赴闕陳情不遂。乃詐稱錦衣鎮撫。奉命還陝葬父。時三司獻贖致祭。以訂忠。忠曰。吾爲朝廷持三尺者。可禮無賴子耶。事敗。三司皆被論。忠獨免。明年。以大理卿往。旣行。陝人復詣闕。借留。乃改右副都御史。仍撫其地。甲申。洮岷生熟番作亂。忠調兵捕撫之。日奏曰。番入寇。不據城邑。惟事擄掠。遽勦之。則傷生。頻撫之。則損威。乞聽臣相機勦撫兼行。上從之。忠擢甲督兵據要陣而待。示三

日○後○行○勦○先○期○降○者○聽○番○人○爭○赴○降○不○血○刃○而○平○時○徽○州○知○州○李○
佐○痛○抑○權○姦○盾○施○知○縣○王○鑑○以○侍○御○劾○奏○權○姦○左○遷○令○獨○持○清○白○
忠○皆○具○實○以○聞○上○命○超○拜○佐○漢○中○太○守○鑑○延○安○太○守○成○化○元○年○
虜○犯○延○綏○忠○與○寧○遠○伯○任○壽○調○兵○禦○之○虜○遂○去○疏○築○西○安○延○安○臨○
洮○鞏○昌○鳳○翔○五○郡○城○時○陝○大○饑○故○忠○所○在○具○興○大○役○使○民○得○食○其○
力○以○免○流○離○關○中○水○泉○斥○鹵○宋○有○龍○首○渠○歲○久○湮○廢○居○民○病○之○忠○
奏○開○一○渠○餘○三○十○里○詳○見○余○子○俊○傳○涇○陽○鄭○白○渠○亦○久○廢○募○工○
疏○通○於○平○地○則○度○勢○高○卑○而○穿○渠○遇○巖○則○聚○火○鎔○鑠○而○穿○實○不○二○
年○而○成○名○曰○廣○惠○渠○凡○灌○田○七○萬○頃○人○懷○其○惠○立○祠○祀○之○時○虜○酋○
毛○里○孩○爭○羅○忽○結○聚○爭○奪○遂○攻○堡○圍○墩○直○掠○榆○林○忠○曰○虜○因○我○累○

增設使不
得是矣
何不
理為久遠
計今毛里
孩遂得據
為穴也

為鄉導伺隙即入惟嚴防延綏靈蘭花馬池諸要地使不得薄堵
截河套使不得駐庶可無患請於河州等三十餘衛所抽選其銳
卒三之一又慶陽諸州邑壯丁一萬餘分佈戍守督各遊擊都指
揮等日行操演以振軍威上從之虜見套難入字羅忽遂擁眾
突入神谷及黃甫川諸境而毛里孩又大舉屯四柳樹木瓜園犯
延綏決旬未退會有旨令忠貞鎮守寧遠伯任壽會大同總兵官
彭武伯楊信寧夏陝西總兵李泉王英援延綏忠已調前屬衛及
鄯境官兵三萬會勦又自率奇兵至榆林內外合陣二年正月甲
辰虜三萬騎屯安邊營近境壬子虜八千騎入掠花馬池都督李
泉帥師連擊走之生擒十七名斬首十三級癸丑虜又犯白石壘

都指揮錢能擊走之、斬首三十級、虜逃過河、至清水川、遇陽和守備都指揮羅俊伏發、復斬首三級、追至巴川堡七十里、奪回原掠男婦及馬牛、羊無算、都指揮呂原又於河曲斬首五十級、虜復擁衆逼慶陽環縣、守禦指揮僉事周普等擊之、已有所獲、延綏叅將韓斌輕出馳擊、寧夏叅將王安帥衆策援、爲虜所敗、虜益盛、擁衆三萬人掠環縣石峽口、都指揮林盛擊走之、追至山城原、斬首九級、日久虜勢重大、往往深入搶掠、得利而去、上降旨切責、適會師延綏、斬獲虜五十有餘、李來又與毛里孩自仇殺、乃遣忠請班師、然毛里孩已據套爲穴、烟火不絕矣、上仍降勅切責、忠遂疏請設總督、本兵與忠意不合、從中止之、虜竟深入、忠五上疏請之、

大學士李賢謂套非虜穴而毛里孩突據分犯不盡逐則邊境亦必不安諸預儲芻糧及行各鎮撫選精銳造戰車期以明春或今秋大舉搜套其總制將官宜如忠所請上從之仍以楊信克總兵官統京營兵一萬二千五百神礮神鎗諸器大同宣府寧夏兵一萬屯延綏境而以忠爲總督時毛里孩入掠花馬池伏羗墩李亨忽阿羅出塔各不花又駐近邊一敗之柳溝再禦之羣牧所斬獲甚少虜深入掠而副總兵張榮兼將王安游擊趙英等皆擁重兵逗遛不前忠疏劾之本兵請逮治朝廷皆置弗問乃上疏曰今毛里孩糾合李來擁衆五六萬占駐河套日夜窺伺倏忽聚散在我未至而廣徵士馬則徒費芻糧既至而調兵應援則緩不及事

延綏等處地既通套。牆又極瑕。一攻便破。拒堵殊艱。近又擄掠。得志。勢必長驅西犯。宜急預備。以臣相度。惟靈州乃寧夏之襟喉。固原之門戶。東至萌城。北至興武。城堡二十餘。皆虜出沒重地。靈州不守。則寧夏隔爲外境。而固原勢孤。無固原是無陝矣。臣故與楊信。裴當。統大同官軍。居中調發。酌令趙英。統涼州官軍。秦傑。許軍。統宣府寧夏官軍。分屯延綏要害。三道截殺。慶陽環縣則遣都指揮李富。陸雲。選京營頭班官軍屯駐。聽調。泥河。倒柳樹一帶。及柴兒關。樓子水泉等處。則遣都督王信。會合偏頭軍馬。併力交攻。或慮其西奔也。又遣趙勝。湛清。統甘肅官軍。於莊浪。蘭縣屯駐。截殺其都指揮張瓚。則統延慶。榆林官軍。聽調策應。游擊魯俊。則統

此時如此
其易

宣大官軍俟虜入境卽趨套搗巢臣等誓滅此而後朝食以紓
陛下西顧之憂疏入上尚恐兵力不敷命劉聚李榮會師協勦
又命守備西寧都指揮孫鑑練所部官軍及屬番士兵候調策應
先是虜至延綏穴城填溝而入游擊魯俊徑直走入套據之砲發
忠督集諸軍合陣環擊虜大敗奔投小龍州淵忠又嚴督游擊秦
傑奮擊擒斬二十六名顆又敗虜於三眼泉又敗之於小龍州淵
獲其僞右丞把禿等十一名斬首二十八級以聞上賜勅獎諭
時關中東西形勝內險外坦毫無屏蔽所恃惟墩堡而舊堡二十
五錯列不齊相距有百二十里而遠者有四五十里而近者軍馬
屯操反居在內人民耕牧竟山在外故遇警無暇清野盡被掠去

竟作不了
事件

及烽傳援至而虜飽出塞矣。其西南直抵慶陽五六百里間。烽火不接。人民莫知防避。其北則臺疎難瞭。忠請移建舊堡十九座於外。增建新臺三十四座於內。靈州往南二百八十里。并東西二路。共增建墩臺五十八座。庶聲勢相聯。緩急有賴。上從之。忠以毛里孩雖北遜。然與孛來阿羅出不相能。必復還套。請更調宣大精銳騎卒與原統騎步卒。湊合十萬。以明年三月初旬刻期出勦。會套虜東遁。西師解嚴。三年召還佐院事。四年固原土達滿四反。蒲四者元萬戶把丹孫也。高皇帝下陝。把丹率衆歸附。授平原衛正千戶。散其屬居開城三岔溝。號蒲家庄。土達今自耕食。仍胡射獵。弗受役。以故各擁馬牛。卒以千百計。而蒲四尤以資力雄其屬。

中有李俊則素以桀黠稱者也。往往藏匿亡命，行劫殺人。先是李來大舉入寇，俊獨以羊酒迎迓。李來喜，賜以馬。俊遂有北徙意。丁亥春，陳价撫陝，以事急捕四俊等。會新設靖虜叅將劉清至固原，守備馮傑門歛諸士達馬匹鷹翎致餽。衆士達皆怨俊，遂乘間激四倡亂，曰：「卽不成，投虜。」四因集士達三百餘據石城。石城東西皆山，左山壁數千仞，無徑可上。曳繩而登，右山頂平，可居千餘家。前一山曰砲架，尤峻絕。又一小山曰炤壁，高數仞。山旁及後悉築高垣，叅錯嵌側，其東西各留一門，僅容一騎。形勢甚險，疑卽唐土番石堡城。王忠嗣所謂石堡險，非殺數萬人不能克者也。城中無水，鑿五井如池，深丈許，外設棧道引水中注。而下則築小城護之。

俊復乘諸土達之怨一呼而集者千餘人散遣劫甘州官馬逆殺土官攻固原千戶所勢甚猖獗上聞命寧遠伯任壽同巡撫陳价急勦之戰輒陷沒都指揮邢端死之上怒停价壽俸裁罪殺賊四復糾隆德寧靜會寧開城安定各土達與遠近失業者烏合至二萬餘人中外震駭兵部請益兵上令寧夏延綏會勦又令廷臣會議別推文武重臣以往大學士商輅首舉忠上因命忠總督京營及三邊七郡兵同都督劉玉及都指揮夏正等討之忠未至前所召寧夏兵至有輕土達心陳价任壽不俟延綏兵輒深入抵城下賊猶乏器械僅持木挺關官軍復大敗指揮蔣泰申陞皆死之軍資袍械馬匹皆爲賊有上聞逮壽价清下詔獄起大

理寺卿馬文升爲右副都御史、巡撫陝西、與忠協勦、忠至軍、申明號令、分兵爲五營、忠與劉玉駐中軍、時彗出台斗、尾指西南、占者謂木在秦、分不祥、忠曰、賊毒害生靈、惡貫滔天、今仗天威問罪、師直而壯、何堅弗克、兵家禁祥去疑、昔李晟討朱泚、焚惑守歲、卒以成功、是在謀、不在機祥也、時京師武臣爭欲出師邀功、勅忠計畫、忠奏曰、臣蒙勅諭、慮官軍數少、今臣所調集三萬三千有奇、已足滅賊、今秋深天寒、再調京邊各軍、非惟路途往復勞苦萬狀、而冬初河凍、賊得遠遁、虜且入套、邊軍斷難久留、擇於九月十九日、督率諸將分路而進、近巢而屯、隨機應變、上從之、初、忠與馬文升議會勦方畧、諸將皆曰、石城四面阻山、復有子城爲障、險不可

攻昨再攻再失利。須以計徐滅之。忠令畫工圖其形勢。與文升手
指進攻之路。列戍爲七。環石城山谷爲營。陣忠與文升。劉玉。劉祥。
及左布政余子俊等屯中路。延綏巡撫王銳。叅將吳愷等屯酸棗。
溝。甘肅鎮守毛忠。陝西鎮守白玉。監軍御史鄧本端。屯木頭溝。叅
將劉清夏正。右叅議嚴憲等屯打刺赤。寧夏副總兵林勝。叅議崔
忠。屯紅城子。都指揮江盛。屯沐家堡。都指揮張英。華昌。同知羅豫。
屯羊房堡。去石城各十餘里。忠期三日。各出精銳先嘗賊。且探地
利。迺大舉。是爲九月壬辰也。乙未五鼓。胡愷兵。繇李俊溝進。毛忠
兵。繇木頭溝進。夏正兵。繇亂麻川進。姜盛兵。繇黑城子進。林勝兵。
繇好水川進。張英兵。繇驪毋川進。而中軍則繇金佛溝進。比抵城。

賊擁衆分道接戰，而延綏軍恃勇奮而前，少却亡二十餘人而賊死傷者亦多。己亥，忠復督兵往探山勢，水頭賊逆戰，佯敗去，追逐至城下夾攻，大敗之，斬首二百二級，其墮崖澗死者二千餘，還銅砲百計，神鎗千計。時賊多城外居者，官軍貪取其牛羊馬，賊遂得歛入城。是日，毛忠簡銳卒四千直趨占木頭溝上流，擒斬奪獲比諸軍獨多。庚子晨起，毛忠令於軍曰：「賊易與也，且能有所。」鄧監軍曰：「項公有令，賊營勿深入也。」毛忠嘆曰：「忠老矣，奮跡降。」爲朝廷守西陲五十餘年，卽強虜親擊殺數千百，故蒙賜姓名，而錄千夫長歷大將錫世封，何有此鼠輩哉！叱諸軍急擊，弗失於。弓等並發，直抵砲臺山北，督其從子海孫燈，首冒矢石先登，遂奪

此時一退
氣不復振
矣

其北三峰頭及其東二峰頭克之焚窩舖百餘處生擒二十四人
斬首七十三級墮崖死者千餘奪獲神鎗火炮弓箭牛全馬無算
賊窘迫皆號哭有自縊死者而毛忠竟乘勝入險賊奮力拒之官
軍死者甚衆毛忠中流矢而斃時文升亟督騎兵五百持束芻往
焚柵而西路賊乘勝復東官軍不能支頓潰都指揮周璽費澄死
焉都督魯鑑傷神鎗劉玉被圍於城下中流矢陣亡家丁三四人
忠帥師援之亦中流矢兵稍却忠手斬甘州退縮指揮丁某以殉
衆懼復登山銳攻圍解劉玉始出馬文升命所部破空填列以張
聲勢敗軍猶欲遁忠令曰凡逃卽斬其傷者歸各營責人調護之
衆遂定時忠恐其連虜憂其文升曰勝敗兵家之常矧賊多戰死

勢已奪且黃河未永賊安能遽北連虜哉願徐圖之忠乃遣舍人
陶璽上聞併述毛忠陷陣狀仍令璽言賊勢孤危蕩平在即以慰
中外甲辰都指揮劉晟先二日統騎兵三千人自甘州至是日忠
復會兵攻城依山而陳顧山險難克日短易晡兵在山巔者數千
人未能掣方懼賊自危而賊恐我再攻山亦自危詐請降忠佯許
之山巔兵已退四等同邀總督總兵俞坐城下受降忠不擐甲直
單騎赴之僅以二卒自隨四出數百人露刃繞門外以待而輕騎
往來矢疾如雨以示武忠抵城下神色不異劉玉亦馳至四同姪
璿帥黨三十餘出跪訴曰四等本良民被劉叅將馮指揮所苦以
有今日乞宥死請降忠曰朝廷待爾輩恩渥矣既爲劉叅將馮指

揮激變。今朝廷已械赴京治罪。爾輩尚反耶。果降必悉釋四等。羅拜。期明日出城降。仍訴要巡撫俞來。文升曰。不去。是示之怯。乃從數十騎列陣而來。近城溝。遣官大呼曰。賊奴何無理。天朝文武大臣咸在。爾逆賊也。豈應精騎四外旋繞。叱去之。四等訴如前。文升曰。此二人詔獄久矣。爾輩其速降。朝廷止詰首亂。爾輩固皆脇從。悉宥弗治也。毋疑畏。四等又皆羅拜。忠顧璠曰。汝被脇入。非反者。璠乞命。乃先携之出。璠蓋初奉陳巡撫令捕四。而爲其所脇從者也。初忠與劉玉赴城下。久之不歸。諸將愕顧失色。馬文升語太監祥曰。賊窮。感無信義。真一兩公被留。不大損國體耶。吾儕且何辭於朝廷。及見忠從容自若。文升嘆曰。真大勇也。東南有此人。可謂

不爲風氣所局者。四見忠後，自幸可通誅，歸告李俊。俊笑曰：汝卽
亂首。試思一伯三都指揮，三、四、千軍民皆喪汝手，朝廷有赦首亂，
終不殲者乎？慎勿爲所誑，自投死也。四乃又設柵自衛，飭戰具，不
復言降矣。明日，有一人從城中來，代瑋賁服馬至者。左右告忠曰：
此隨前院軍牢張馬六兒也。乃從賊。忠呼問曰：爾可回否？馬六兒
懼不敢對。因留詢城中事，竟不吐寔。顧復譁張詐誘，欲陷我軍。忠
遣人押發固原令前至山溝殺之。十一月丁巳，先是忠與劉玉周
文升親督精銳繞石山巡閱，以覘賊虛實。見城之北有一間道，通
步不通騎。是日西北風大作，忠乃命諸道軍各持燕尾炬，火球飛
竿艾草登高乘風縱火飛炬入城，燔殿棧柵，火焰貫山，熏塞營壘。

傷死甚衆。賊不能支。乃奔馳下山。忠督官軍邀擊。斬首五百七十餘級。生擒二百二十四人。獲馬四百餘。忠以捷聞。上賜勅獎諭。已未。文升與忠謀曰。賊城中乏水。近芻粟亦漸乏。若絕其芻汲。坐若金魚。當卽斃矣。忠遂令官軍盡焚近境山澤草。賊馬死者殆盡。則又盡以死人填塞城外水泉。賊夜汲者。設伏掩捕之。多被獲。忠曰。賊窮蹙無慮矣。益急攻。賊竟嬰險自守。時軍中聞廷議主益師。而廟議則否。劉玉曰。師應益否。忠曰。兵有合變。吾據賊水草坐扼其要。勝之必矣。京兵弱不任戰。卽簡練盡得精銳。馳數千里來塞外。此自疲耳。何益於攻取。獻議者意在邀功。冒賞止之便。馬文升曰。若止益兵。萬一賊不平。誰任之。第上請。朱末率宣大兵五千循

邊而西。賊平則返。果未平。則星馳協勦。非晚也。請之便。忠乃手疏以請。下兵部議覆如忠請。上令遊擊許寧統宣大精兵三千往助之。然忠自日夜爲謀。不待援也。因石城南門近東山中營。往來恐爲所乘。乃令都指揮孫璽帥兵五百駐山上。覘賊出入。以定我軍往來。時中營軍行未畢。而璽兵先掣。賊據前山。矢石雨下。中營軍阻不能出。時指揮魯鑑帥莊浪兵一千出爲前鋒。入爲後殿。被襲亦阻。至夜分始回。忠曰。此非賊能。璽兵掣蜚故也。明日令璽俟中營軍行盡且遠。乃掣。自此賊不敢出。襲中營軍得結陣而回。獨延綏軍與賊對壘。日被攻圍。不能支。忠曰。彼處當發兵邀擊。攻其所必據。賊若上山攻我。我以精兵衝其脇。賊必敗。劉玉從忠計。乃

遣其子文同。其州達官指揮赤撒率土兵五百候賊上山。卽繼進以邀其後。賊自是不敢復犯。延綬軍賊信胡神迎巫問成敗。巫曰夷夏原非敵。須知舉事艱。要知成與敗。今日戰爭間。是日賊果出生力兵上山銳攻我。期必勝。以符神讖。劉王依忠計。擣之遂斬首三十八。賊大敗。又惑神語大惡。時天氣大寒。諸道軍日攻城。頗生怨。忠聞之。語文升曰。師老矣。恐生他變。卽黃河水虜入套。我師不能久駐。倘賊乘間突出奔套。與虜合。忠誠不可言。亟攻城爲上策。文升曰。如城堅何。忠曰。向日火攻時。賊死填壑。水卽不流。吾固知上流可塞也。今四郊兵困。賊無從出。汲惟塞其流。則斃在旦夕。城卽不攻自破矣。乃命都指揮劉清率兵三千斷好水川。已巳。令諸

道軍晨餐會山下賊山上矢石如雨諸道軍仰攻忠振甲仗劍親立矢石間督戰文升勸忠持重忠曰奉命討賊師久無功死何惜諸道軍聞之人人前奮無不一當百矢至面無敢避者殺傷千餘但不獲斬級日暮撤兵明日又蚤會山下則用大將軍礮擊之賊死傷殊衆竟占險不出庚午忠取土填城外濠又取各城上圍杆木數千縛成天橋置去廂車軸上軒昂隨人低其前以避矢石驅車至城下賊乃開所立木柵懸大石以防忠欲舉此臨城衆恐多傷人文升曰豈有攻城不傷人之理諸公終猶豫乃止賊大恐逸出者日衆忠戒諸軍曰此輩不可追也欲散之使歸務先招之使出出卽給免死票令旗牌手送出營聽其歸自此逸出者日衆賊

雖嚴法禁之終莫能遏忠又令人四出招之王申賊有楊虎狸者西域人也驍勇健闘且知兵四倚爲謀主四苦渴甚謂非虎狸莫能汲虎狸乘夜出汲爲伏兵所擒縛至中軍忠方秉燭與馬文升劉玉籌攻取虎狸至甚恐忠叱斫頭來虎狸哀鳴乞宥忠曰汝死已遲顧不足污我刃耳虎狸曰出聽招耳忠曰爾旣聽招而來不必懼爾肯自效乎虎狸伏地哽咽願受命忠曰爾能生擒蒲四或殺四首獻否虎狸曰能忠目劉玉劉玉起折箭與誓曰爾如擒斬四有朝廷賞格在金百兩銀五百兩世官指揮使卽示以格虎狸曰四王堅壁不輕出顧內鬪未易也必誘之出戰乃可擒忠卽解所束金鈎賜之以昭信仍數慰遣之尋復屏左右問曰何日可戰

虎狸曰只在明晨。又問曰何地可戰。虎狸曰只在東山。忠曰慎勿
爽。信。虎狸曰萬不敢。第恐天雪耳。雪則有水。遽難爲力。但四最畏
神鎗。若放卽退入矣。忠曰四精銳尚多。爾可計移其兵上東山。乃
信復約明晨戰。諸將曰。柙中猛虎。暫爲搖尾憐耳。奈何縱之。忠曰。
我推誠待彼。彼不敢欺。虎狸泣謝去。癸酉五鼓。忠督諸將整兵而
出。至東山口。係延綏兵信地。忠恐機泄。乃給衆將胡愷曰。爾兵連
日傷且瘁。轉休矣。今日中軍代爾守。愷卽自撤。忠令登高峴之。見
一乘白馬出城者。乃四也。尋果有甲而馳者數百人。立東山土壘。
始信虎狸不欺。劉玉麾兵急進。忠曰未可。兵一進。彼必退矣。如此
者三。頃者忽報今日賊矢多仰射。忠叱曰賊多詐。毋輕信。國知虎

地奇險非
內閣未必
即破

狸倒戈意也。已而衆漸覺然。賊黨殊強。恐玩之以自敗。忠乃督其
下亟前戰。久之。殺傷相當。我軍伏發。賊大潰。斬首七百餘級。生擒
五十餘名。滿四已爲忠家丁擒矣。忠曰。四旣擒。城中膽裂矣。乘勝
逼之。破可必也。劉玉曰。師久且疲。旣得滿四。姑少休。連攻之。恐賊
堅守難拔。遂以四歸營。時李俊已死。衆復推四姪火敬爲主。旋亦
就擒。賊遂平。忠曰。石城險極。後有叛者。必復據爲穴。非盡平之不
可。乃發萬人平之。是役殺賊前後七千六百有奇。我軍死者亦不
下萬。因命收瘞戰骨。左布政余子俊躬祭之。立石爲記。爲善後計。
請改固原爲衛。兼設兵備。道以西安廢城爲所。設千百戶守之。忠
進右都御史。馬文升王銳加左副都御史。劉玉加左都督。興修險

賞有差。文升每語人。士達驚猛。關中根本。四未平時。朝野洶洶。使
其得志。天下事未可知也。項劉二公畢竭心力。凡宿原野者六十
餘日。躬冒矢石者二十餘戰。始克殄平巨寇。而止各進一階。較諸
趙輔劉聚王越。封拜如寄者。不無功懋。賞薄之疑。庚寅秋。京畿大
水。民饑。命巡視順天河間永平三府。忠發官廩。又勸分得米十六
萬五千石。銀布牛半各萬餘。全活不可勝計。是年冬。荆襄流民復
亂。李鬍子名原。河南新城人也。僑居葉。時流民蟄集。從劉千斤石
和尚王彪乘勢爲亂。劫掠荆襄。兵部尚書白圭奉命帥師討之。雖
嘗移文散遣。而有司虛文勘報。實無一人還鄉。幸而劉千斤石和
尚就擒。遂班師論功。晉太子太保。顯魁惡未盡蕩也。且其竊在郎

九變是一
大病

介楚蜀秦雒四省間地曠民雜中有草木實可採掘食一遇年荒
民飢輒徙入不可禁四省官互諉非其境故原與蔣虎復糾小王
洪石至膊等流劫南漳洵陽內鄉渭南諸邑衆至二百萬餘原自
稱平王而署所部爲總兵先鋒遠近騷動巡撫荆襄右都御史楊
璿奏臣率督叅將王信調兵三萬各道進討兩被挫敗臣才不勝
任乞簡命素負威望曉暢軍機大臣一員爲總制上乃命忠總
督荆襄軍務同都督李震往討之七年正月忠至襄深念流民逃
入山谷其始不過苦飢欲糊其口豈甘爲寇聚集旣繁強黠者遂
相雄長迫脅衆庶不得不從卽有善長頓不能自脫忍槩兵之耶
乃大書聖旨詔諭榜文數十紙遍示山谷有能去此自歸農者

解亂當如此然非在
成劫之亦不能動

誓勿殺且復其家五年今雖爲賊而能自新者亦宥其死時其黨
多願出者李鬲子輒殺之督衆列營拒守忠謀諸李震曰衆爲暴
賊所制又爲浮言所惑故弗出耳茲欲孤賊勢宜執言盪平而實
事慰造一面馳檄四省都司會兵聽調一面飛檄保靖永順土司
刻期齊到一面遣父老土人進山開諭生路復懸檄發旗再四傳
諭蚤回鄉井又移文四省三司守巡官各樹招安大旗於通衢遇
流民出山者卽給與黃榜口糧還籍歸農流賊出降者發四川克
戍而各山口要害出沒所必經者俱令見在官軍沿山操習分屯
把截大震兵威於是各山流民相率告曰大軍烈於猛火進則不
分玉石焚矣况榜諭我生路何不蚤出而坐受戮也疊疊扶携老

幼出山禁之不可得赴轅門訴歸者日千餘自春初至春仲有貫
址姓名報數登册者四十餘萬其脫籍貼戶四出不聞官者又莫
勝計忠喜曰賊易擒矣先是本兵白圭曾遣錦衣百戶吳綬爲參
將王信贊畫乃說信曰總兵一招而瓦解如是功何易成也當置
吾儕於何地因相與煽浮言以撓軍機忠方苦浮言至是圭又請
止調土兵忠聞之驚曰流民之出雖以恩諭招之亦以兵威脅之
耳今出者未靖伏者尙多若止土兵則彼無所畏出者再入賊復
猖獗矣前此旣誤豈容再誤與其保位而稔禍毋寧冒罪以除兇
乃抗疏論吳綬之惑亂軍機奉旨勒回又請仍調土兵上從之
四月土兵省軍俱至共二十五萬分屯八路進勦忠與李震移營

駐房竹界有土人報賊已徙匿深山所留精銳數萬爲力抗計忠
因嚴督前哨土兵突進大戰斬首五十餘級生擒二百餘人賊遂
奔入房阜山中忠曰石門庸城房阜諸山皆賊藪其出入所必經
者且多險可伏兵乃簡精銳六千分兩翼埋伏仍約諸道軍一聞
砲響奮力夾勦故令餌兵馬皆解鞍散牧以疲卒守之賊闕狀擁
衆出掠砲發諸道軍四面環攻之賊奔潰伏起邀之斬首二百餘
級生擒五十餘人驅出山居男婦三萬六千有奇分遣歸忠知連
戰勝賊衆必離復遣父老入山曉諭限以旬日流民出山者又五
十三萬八千餘人李鬍子小王洪率衆劫掠如故忠嚴督諸道軍
防守要害俄有賊子二更時突出殺死官軍燒燬營寨前據營城

山時連雨，螭嶼溪漲難進兵。忠乃移營近溪，佈橋於溪上，戒令湖廣按察副使余珣督都指揮李震帥兵設伏，候賊渡溪，卽發信砲。外軍撤橋，內兵出擊，賊果夜至，諸道遵令大戰，墮溪死者千計。忠督諸道軍入山，併力奮擊，李鬍子擁衆堅拒。都指揮李震直入擒之，并擒小王洪等二百三十九人，斬首二千八百餘級，驅出家口二萬八千九百三十二名。內選壯丁充戍湖廣邊衛者五千餘人，其餘族屬悉隨附籍，收管給田屯種。捷聞，上賜勅獎勵。丁月，流賊盡平。省諭出山復業男婦劉興等五十萬七千七百名。日擒獲賊首王安、王通等二百八十八名，斬首六百四十餘級。編成張燈等器，并草書餘名。日辛酉，賊陳春殺十事，詔暫留撫，進左都御史。

史會有星孛於天田言者謂荆襄殺戮所致忠烈疏自陳言爲國任怨未嘗妄殺因乞骸骨上溫詔慰留且召還之後荆襄三十餘年牙孽不作跡摧創之力未必非撫綏之功也十年陞刑部尚書逾月改兵部尚書忠曉暢戎務簡賢屬以自輔不敢玩愒廢事自戶兵分曹分彼此莫知實數忠一至部卽以團營軍糧冊親自磨對但見在籍操練軍比景泰初已減七萬五千七百有奇而月支如故嘆曰團營改設僅二十五年伍旣虛而餉不縮故曰吾非度支也坐視彼輩乾沒邪具疏以聞曰前此無論矣今以往如再不追究非惟民脂日削國課日靡抑且戎行愈耗根本滋空其何以資緩急之用上命忠會戶部從實秉公究明十三年錦衣百

戶韋瑛者挾汪直爲伺察屢興大獄至擅執京朝官中外重足莫敢言其罪會輔臣疏直罪惡上恚甚吏部尚書尹旻掌院李賓皆胸縮不前忠乃奮筆具疏草倡諸公卿奏之瑛坐謫戍邊且革西廠天下稱快既而以御史戴縉言復命直坐西廠其黨競仇忠不置又千戶吳綬時亦用事極力朋搆欲置之死忠廷辯慷慨不少屈直不能難僅坐落職以去久之陷忠者皆敗上洞察其枉復兵部尚書致仕自去官家居者二十有六載中朝縉紳推舊德宿望可當大任者蓋未嘗不屬望焉弘治初吏部侍郎彭韶巡按兩浙嘗薦其可用而遭疾竟不果起卒贈太子太保諡襄毅大嘗氏曰襄毅始從馬公征瀧水馬問計襄毅曰莫若懾賊以威

諭民以德民出則賊弱而易成功。澆水竟以此平。旣而荆襄流民
聚衆至二百萬。勢蓋河湊矣。公亦以此平之。大都內地之盜多。繇
脅從其敢行稱亂者。能有幾哉。故一懾一諭。而衆自離矣。其於土
達頗用全力。單騎受降。視汾陽尤難。非李俊止之。滿四果降矣。余
謂日者寧夏之變。總督能單騎抵城下。諭之利害。劉哮諸人且迎
之以入矣。何至殺人數萬。費帑金數百萬哉。蓋其初一念之悖逆。
但亟求洩憤於撫臣。故不暇再計耳。非有他難。亦非有大志也。撫
臣死。則憤心洩。懼心生矣。迎機誘之。焉得不從。卽不從。必無加逆。
總督之理。奈何其不出此也。京軍之出。以馬端肅之練達。猶有賦
不平之疑。襄毅力辭之。非庸情可及已。顧毛里孩之爭河套。方戰

而魯俊得徑直走入套。據之如此其易也。卒不及收套以入版圖。惜哉。襄毅可取而不取。襄愍難取而欲取得。無兩失之乎。

彭文憲時

彭時字純道，江西吉安府安福縣人。自少端重寡言，不與羣兒狎戲。正統戊辰會試第二，廷對賜進士第一。己巳秋，英宗北狩，廊王監國，被命同商輅入內閣，與陳循諸老同事。時雖晚進，積學素履，爲上所眷注。時繼母余卒，乞終喪，不許。尋陞翰林院侍讀。景泰元年，復上疏力求終制，忤旨去。三年服除，不得入內閣，遷左春坊大學士兼侍讀。七年，襄宇通志成，遷太常少卿，仍兼侍讀。英宗復辟之元年九月，岳正許彬謫罷。上召時見文華殿，令近榻前，問曰：爾是正統十三年狀元耶？時對曰：臣不才，誤蒙聖恩，拔擢因叩頭者三。又問曰：第二陳鑑，第三岳正，乎？對曰：然。又問：今年

幾何對曰臣犬馬四十二上笑曰正好用事賜酒飯出是時內閣進退甚輕惟時召見後命下以太嘗少卿兼翰林院侍講復入內閣典機務以前職兼翰林院學士上方倚任李賢數召面議賢退必謀諸時時竭忠據理以告有不可者未嘗詭隨或初意相忤久之賢服其諒直語人曰彭公真君子也戊寅春二月上皇烈慈壽皇太后尊號詔告天下詔草已進訖時謂賢曰此事前所未有宜有恩典及人賢曰一年兩赦數赦非宜時曰非謂赦也但行優老之政爲宜若朝官父母年七十者與誥勅百姓年八十者與冠帶是卽老吾老以及人之老意如此恩典斯與上徽號相稱賢喜曰是卽擬仁政數條進呈上大悅命卽行之庚辰春廷試

進士第一甲得王一葵等三人以後數日。上召李賢諭曰。永樂
宣德中。咸教養待用。今科進士中。可選人物正當者二十餘人。爲
庶吉士。止選北人。不用南人。南方若有似彭時者。宜選取。賢以語
時。時疑賢欲抑南人進北人。故爲此語。因應之曰。立賢無方。何分
南北。賢曰。果上意也。已而太監牛玉復傳。上命如前。令內閣
會吏部同選。時對玉曰。南方士人。豈獨時比優於時者亦甚多也。
牛玉笑曰。且選來看。是日賢與三人同詣吏部考選。得十五人。南
方止五人。而江西惟張元禎得與。天順末。錦衣衛指揮使門達。目
見寵任。忌李賢與相軋。陰中傷之。上曰。賢去專用時。中貴以語
時。時愕然曰。李公有經濟才。何遽至此。因爲力辯其誣。且曰。李公

去則時不得獨留。語聞，賢得雪。又河南有衛官強橫凌人用事者，誣其謀反，門達煅煉成之。時曰：人可輕殺耶？且言於上，竟得從末減。活其家數十人。及憲宗嗣統，進吏部右侍郎兼職如故。議上兩宮徽號，內臣夏時倡言曰：錢久病，只尊所生母爲太后。李賢曰：今日當遵遺命。景泰間事例不可法。時曰：李言是朝廷所以服天下，只要正綱常。今爲此舉，反遺所當尊，豈不乖戾？大失人心。於聖德所損多矣。李言是夏時曰：待請命。既入，少頃出，傳仁壽宮旨曰：子爲皇帝，母當爲太后。豈有無子而稱太后耶？宣德自有制，李色變。因時曰：爾執筆。時曰：今日事宜與宣德間不同。胡榮后曾上表讓位，退居別宮，故正統初不加尊號。今日名分固在。

豈得不尊。夏時曰：既如此，便昭側爲止表。牛王亦助其言。時曰：正統天順初，未曾如此行。今日誰敢爲人臣子者？若阿諛順願，是萬世罪人也。夏時見諸人不言，乃作色曰：偏公懷二心，恐追從來不好。時拱手向天曰：太祖太宗之靈在上，誰敢有二心？錢娘娘已無後，何所利害而爲之爭？所以不敢不極言者，爲欲全上聖德，非有他意。若推大孝之心，則兩宮同尊爲宜。衆乃曰：如此是好。遂再入請命。良久出曰：上再三勸諭，蒙允矣。時執筆將書，又曰：須昭。上聖例加二字，不然無分別。夏時曰：既是同等，又何分別？時曰：二字好稱呼，非有尊卑於其間也。衆曰：然。乃以慈懿二字加其上。是日同議者懷不測，俱默惟。李閔端時繼之力爭，遂數

日。單包至閣下言曰。同尊二母。乃。上本心。但苦不知禮者。逢迎其間。非二先生力爭。幾誤大事。大臣之道。當如此也。彼默默者。何爲至營山陵。時言於李賢曰。日者周折如此。今玄宮宜從權作正位。庶兩全耳。賢曰。然。遂具疏言之。已而傳旨曰。所言固有理。但洪武以來。制度只雙穴。未可輕易。仍令諸大臣同議。又議。夏時堅執不可。衆顧望不言。乃已。是秋命同知經筵。成化元年。加兵部尚書。二年丙戌。乞歸省。詔馳驛往還。致道里費。遣長隨護送。抵家未踰月。手詔促還朝。丁亥二月至京。上慰勞之。六月。以四川宣府遼東地震。上疏陳六事。皆規切時政。八月。總裁英廟實錄。成進太子太保。兼文淵閣大學士。尚書如故。時侍講江朝宗楊守陳以寔

頂官爵是
入臣事

錄成陞洗馬久之不兼翰林不得與院事不喜疏乞兼舊官且言
祖宗來官僚未有不兼翰林者。下內閣時言諸君考滿時咸有
寧無兼官得陞二級足矣。復有此疏謂予不練朝章乎。永樂中再
楊以翰林學士改左春坊大學士。未嘗兼舊官也。竟不許。四年戊
子夏李賢陳文先後卒。時爲閣僚首疏乞妙選出衆才賢。擇居前
任。上曰。卿輔導有年才識老成何以辭爲。會慈懿太后崩。諸大
臣議葬所衆相望莫敢先發。時曰梓宮當合葬裕陵。至當耐廟。此
一定禮。無可議者。禮部尚書姚萼贊之曰。此正理也。太監夏時歸
不可慈懿無子且有疾不宜入山陵。時曰太后母儀天下近至其
年爲臣子者。豈忍議廟葬。此寧關係非小。皆或乖禮。何以示天下。

後世諸內臣不以爲然。時謂同列曰：「此事當力諍，不可使上有失德已而。」上御文華殿，召內閣與諸內臣至前面議。上曰：「慈懿太后葬禮當如何？」時對曰：「只合依正禮行，庶全聖孝。」上曰：「朕豈不知依正禮行是好，但與周太后有礙，故令爾等會議，務要處置得宜。」商輅曰：「外議洵洵，若不合葬，則人心不服。且於聖德有損。」劉定之曰：「孝子從義，不從令，雖聖母有言，亦不可從也。」上默然良久，曰：「合葬固是孝，若因此失聖母心，亦豈得爲孝乎？」時曰：「皇上大孝，當以先帝之心爲心。」先帝待慈懿太后始終如一。今若安厝於左，虛其右以待後來，則兩全其美矣。後來指周太后也。上雖未允，而無怒容。時因言臣等意未盡，欲具本言之。

乞 皇上再三申勸 聖母以終大事 上領之卽日晚時等具
疏進備言祔葬祔廟所以體 先帝篤夫端之懿昭今 上全子
母之情斷不可有異議又議夫有出妻之理子無棄母之道此事
關係綱常不可有失招萬世譏漢文帝合葬呂后宋仁宗合葬劉
后此實綱常典禮萬一有違在廷諸臣將有言之豈得保其終無
據理改而從正者乎 上猶重違母后之意未允時與在廷文武
羣臣伏文華殿以請或至嗚咽泣下 上爲之感動卒從禮制是
秋善星見越三台時上疏乞痛加修省而謂外庭大政固所當先
宮中根本尤爲至意凡歲時年過四十則無子雖有所生亦多不
育豈因祔葬母后宮中數多宜生乎亦慮然素年無一生育者

必愛其所專其所專者必過生育之期故進伏望舍其舊而新是
國務正名分均恩愛以廣繼嗣爲宗社大計則人心安而宋興
矣。又言大臣進退情宜斷自宸衷不宜專任臣下如平昔察知其
人或召吏部面議或召臣等叅詳庶權出於上上肯嘉納恭
七月間陝西奏報平涼府土達滿四糾衆劫掠四出勢甚張皇時
疑此徒服役既久今忽反必有不得已者請勅鎮守官追問激
之故行間叅將劉清遇賊敗績報至兵部請命陝西寧夏延綏三
處合兵殺賊已而聲息已亟復請調京軍往以都督劉玉總兵以
副都御史項忠提督軍務項忠未至寧夏陝西二處官軍不待其
報兵至輕進大敗死者千人軍器悉爲其所得後至興情益熾

彭公類知
書達書後
時時解
取達時達

時賊雖再勝。聞朝廷遣將出師。遂保石城山。副將毛忠恃勇。率銳卒登山仰攻之。復敗。事諄項忠傳人。皆以爲安史復出。兵部尚書程信又請命撫寧侯朱永再領京軍及遣邊兵四萬以往。命已下。撫寧難其事。奏定賞格。謂如生擒賊首一人。與世襲指揮使賞金一百兩。賞銀五百兩。數人共擒者。其實亦然。時見其張大。欲止之。且策項忠必能平賊。然難於遽止。請令姑整軍裝。待有急報。起行。頃忠知別命將亦不敢止。但奏宜令總兵星夜馳赴援。倘不日破賊。則一面奏報。比奏至。上命內官三人召兵部於閣下計議。聞此事急。疾行不可緩。時曰。前者賊若四出攻劫。誠可厭懼。今入羣賊自保。就糧餉守關塞。不此而攻。賊必窮困。可擒取也。京軍何用。

夏敗蓋滿
李初志原
在特險耳

項傳固有
止兵之說

再行程信意不平曰項今退在平涼亦不可知何謂固守耶尚書
白圭侍郎李震相顧不言時曰彼分佈已定無故何以退且京軍
行何時可到程信曰來年二三月時曰如此則緩不及事矣事之
成敗只在歲終然以項奏詞觀之勝可必也京軍不行爲宜諸內
官皆曰然因問邊軍去否時曰邊軍亦不必去商輅曰邊軍去無
害也乃令邊軍行京軍管將皆不遣程又遣緹騎往偵動靜時曰
偵之無益徒失將士心程忿忿出危言謂項忠若敗必斬一二人
然後發兵衆羣然和之以軍不行關中必失相知者咸爲時懼私
問曰止軍不發何所見時曰觀項疏曲折知賊決可平但彼既聞
遣將亦不敢自任故未言止兵耳衆猶洶洶未幾捷至賊寨悉平

矣。是役也。省軍與之供億。免仰縣之騷擾。與軍士涇寒之政涉。其得失可勝計哉。次年正月。解州四至京。稱被劉清馮傑之剝削。且追捕不已。非有他也。果如時言。因下清傑獄。誅之。上喜。賜俘奴一人。改吏部尚書。五年己丑冬。無雪。上疏言。自古旱災。緣下民困苦。怨災之氣。感動天變。近日光祿寺之買辦。各城門之抽分。括刈太甚。而獻珍珠寶石者。私賄估值之人。倍增其直。以規取府庫。以萬民之供輸。而爲姦人之所侵奪。伏望盡革其弊。以惠生民。上是其言。京師爲之踴躍。七年辛卯十一月。其復見上。疏言。德政之要。其一乞崇正道。而毋惑於佛事。其二乞謹命令之傳。庶事出於一。而無詐僞。其三請退朝之暇。延接大臣議政事。問軍民休戚。訪

人才賢否察治體風俗之得失其四言近聞嬖倖無故而受金帛者多工匠無故而冒官職者衆是賞太濫也或罪不應謫而謫或罪不應死而死是刑太深也宜節賞慎刑以遵成憲其五乞以古之聖賢爲法聽受羣言勿惡其切直勿忽其迂違苟當理者宜卽行之其六言股肱之臣耳目之司多主於承奉而嫌於違覆直行已意而不加斟酌乞戒勵各官慎修厥職股肱者事有不可宜再三執奏毋率意而行司耳目者遇事爲民靈宜卽劾奏毋徇情而黜庶百官知勵興起事功其七乞清理三營草場減退勢豪莊田嚴有司拮据之禁庶軍民得所邦國永寧上然之且曰卿等宜勉佐理太監劉永成沒或言其有軍功宜追封爲伯時力爭之

或曰自古有封王侯者。時曰此豈盛世事耶。祖宗成憲具在。雖
敢違之事。遂寢。八年壬辰。天下水旱相仍。時復上疏言。時政闕失。
乞放歸田里。不許。十一年乙未正月。陞少保。尋復病。蓋自己丑以
後。凡七在告。上輒命醫視疾。遣內臣致猪羊雞鵝酒米之賜。踰
日不出。則必再遣焉。三月病革。衣冠端坐。徐言曰。死生常理。不足
驚。但冒居大位。上不能報國。下不能養老父耳。無一語及私。聞之
亦不應。是夕遂不起。贈太師。謚文憲。時資稟既異。加以學問之純。
自少聖老。敬謹如一日。閒居無情意。行則兩手如端拱。飲食不聞
七箸聲。尤不喜紛華。先後賞賚白金幾千兩。綵幣數百。鈔十萬緡。
冠帶衣服。書箱器玩。鞍馬飲食之類。有加。而時處之泊然。終歲不

一二宴會。會未嘗有音樂於物。尤愛惜。雖片楮寸墨。未嘗輕擲。非其義。一毫不苟取。與人接。有和色。無疾言。無喧笑譁聲。至於論辨事理。則確然有不可拔者。交朋友久而益敬。人有善。稱道之。惟恐其不彰。論薦人才。未嘗私以語其人。嘗一典應天鄉試。一主考。會試。四爲廷試讀卷官。皆稱爲得人。大臣間爲新進所媒孽者。必反覆辨析。且以愛惜人才入告。言官被譴。亦必委曲救護。賴以全者甚衆。

太常氏曰。余觀閣僚。精忌成習。蓋權利所在。勢無不爭。况揆地尤權利所最重者乎。爲首揆者。志在總攬。堅絕布公。爲次揆者。中實操戈外。惟磨折其來久矣。文達文憲。相咨相謀。不嫌同異。文達被

議文憲力爲昭雪豈非宅揆之盛事乎爭慈懿之徽號葬禮於母
子之間而典禮之重賴焉策項襄毅之成功於危疑之際而勞費
之免無算其亦無權論思之職矣然典禮猶文臣所易成敗之爭
則幾於運籌決勝子房矣詎不難哉

余肅敏子俊

余子俊字士英，青神人。景泰二年進士。幼孤，有大志，爲戶部主事，陞員外郎，開齊精緻，有吏才。兩勢家爭田久未決，以其地名與其姓同，執爲故產。子俊曰：「然則張家灣盡張產耶？」爲直之一時，能名聞於上下，出爲西安知府。西安關中會府，民事戎務，諸節鎮大臣使車往來，極冗繁難治。子俊酬酢從容，上下孚悅。西安民苦城中水鹹，飲輒病。日汲水西門外，子俊以爲關中險要之地，使城閉數日，民何以生？其城故有龍首渠，水獨甘。漢所穿也。宋陳堯咨引之西，流入城人得戶汲。然水道依山，遠至七十餘里，歲修殊艱。且利止城東而西北居者無從汲也。其西亦有秦漢隋唐舊渠，違城僅

一舍許久廢。巡撫項忠與子俊相度。講求疏請於上。東濟龍首渠導之西入西鑿廢渠。導之東入而鎬。鎬二水自丈八頭。斃兩崖。置十閘行十五里。貫城中。與龍首渠會。漦水會爲經流。潛行地中。市徧城市。迤邐作井口。乃得戶汲。至今利便。號余公渠。漸橋圯壞。行途旣阻。民田因折。子俊營修堅固。水患永息。涇陽山高水下。溉田病迅不得蓄。子俊出府金。責清強吏。鑿山開水道。轉灌田千頃。使者奏其德。行爲關中第一。歷陞叅政。布政。歲儲數百萬。皆手畫心計。不爽毫髮。志在卹民。培剋更無所措手。陞副都御史。巡撫延綏。延綏自正統中。命都督王禎鎮守榆林。未城也。禎始城榆林。及十八寨。移鎮榆林。尚未衛也。成化七年。置衛。八年。子俊廣榆林城。增

三十六營堡。子俊請釐陝中人有伍籍詭落者。及舉謫南戍。子孫不耐南風土者。實榆林衛。又請將延慶二州縣民戶。每糧二十石。免其輸納。僉兵一名。自買馬匹騎征。謂之免糧土兵。又擇俊子弟教之讀書。請建學立官師。爲弟子員。俗多棄地不圃藝。令吏教之樹蔬果。開界石外地興屯田。遂得數萬石。自是榆林始爲重鎮。東渡河連大同。西接寧夏。虜不敢復肆出入。子俊又上疏言陝西三邊延慶寧夏甘肅三邊之中。延慶爲內地。國初逐出北虜。遠道黃河外。至正統初。渡河犯近邊。始於沿邊立界石。創管堡築墩臺。天順以來。虜知東西諸邊各據險以守。難於窺伺。惟延慶一帶地無險阻。可以馳突。屢來犯邊。人爲鄉導。遂知河套所在。入屯其中。自

是虜顧居內而我列屯守禦反在其外。臣以爲莫若於沿邊一帶
墩臺空處築爲邊牆立砦堡其舊界石一帶多高山陡崖依山形
隨地勢或剗削或繫築或挑塹綿引相接爲邊牆便報可於是東
起清水營紫城砦西接寧夏花馬池東西二千里每二三里間爲
對角敵臺。崖砦連比不絕空處築短牆橫一斜一如新月狀以偵
敵避射凡爲堡十有二。崖砦八百一十有九。小墩七十有八。大墩
一十五。兩月而成功。自是虜寇益稀。按後之議者有云成化間虜未住套邊疆少微使當其時
以築榆林之工移置河南之地因河爲城守易百倍奈何舍此不
爲而區區榆林之築十有餘里沙漠是宅懸懸斷絕糧餉難移
近志遠以致賊得潛滋。惟我河套而延綏將士因界此牆遂分彼
已亦拘拘然積弱之是依而不知守之尺寸失之尋丈矣。又有云
延綏一帶地勢延漫難以沙離民居隔遠苦於荒涼况以十五百
餘里之地未易責成於三年之工。縱使能成亦難爲守與肅敏之

說前後事件功之難成亦顯然有別如此亦可怪也惜
余未嘗親履其地而不能折衷之姑記之以俟議者
鎮陝西會詔議弭盜安民之策選將練兵之方子俊具奏一曰衛
國二曰保民三曰弭盜四曰安民五曰選將六曰守隘臣聞陝西
城池自古無水成化六年西引潯河之水到於西門穿城而過足
克居民之用餘者洩出城壕然年復一年積滯過多渰沒之患不
可不慮莫若於本城西北角地勢低窪之處開渠一道以達於渭
不過三十餘里此衛國之計也延慶境外卽係河套正統初年守
臣貪圖深井之地圍牆空濶易於打獵水草利便易於孳牧土地
肥饒易於屯種因而築城取名安邊營以爲守備之處其實窺利
營家之意多保障地方之意少厥後建賊踏米入套所在守臣不

過束手閉門而已。成化以來，官軍委靡，又不如前後守臣計議，量
撥官軍看守深井舊城，以爲截殺之所。將安邊營大勢軍馬移入
中山坡深溝兒，就險守備。夫深溝陡崖，邊牆牢固，官軍易於戰守，
軍民易於輪轉。縱有達賊在套，而我軍且耕且牧，無復爲慮。邇者
陝西布政司欲將各縣成化十三年馬草起運新安營利倉，民皆
稱便，而乃爲延綏守臣所阻，欲以此草仍送深井，百姓不堪。臣覽
所告，隨攷得寧晉伯劉聚都御史王越建議安邊之策，內云：延綏
西路定邊二營，正統初年開創，以平漫沙漠，雖立牆壁，近年於
定邊東空添築永濟小堡，伏按馬匹及鎮靖堡軍馬原守塞門，今
移於畢家堡，前項五營堡俱各水苦且遠，人馬多病，至內定邊新

興安邊永濟四營堡賊易窺見虛實軍馬難於出入但鎮靖堡已
行奏允仍守塞門其餘四營堡俱各那移就險而守定邊營連接
草夏花馬池我固便利彼無降援不可動也惟將新興堡移於迤
南古迹海螺城安邊營移於迤南定邊營中山坡永濟堡移於迤
南上紅寺鎮靖堡不必那回塞門却移於迤北白塔澗口海螺城
中山坡上紅寺多是削山爲城俱有門禁即可搬移逐漸修理其
白塔澗口就快灘河迤南之險其河深二三丈遠百餘里事成之
後則定邊新興安邊永寧塞靖邊鎮靖龍州八營堡之地以守則
固以戰則利况常年必須民間運納穀草今只令納戶就被採野
草自足供給此保民之計也淳化縣三山里其地切近石門山與

鳳翔鞏昌漢中等府并蘭縣俱山林曠濶實爲藏賊淵藪所在流
民多有隱匿罪犯拋離鄉土倚恃山林刀耕火種以成家業官司
區處嘯聚煽旣况蘭縣親藩所在知縣正官不及百戶品級難與
軍衛抗衡莫若於淳化縣大義等十六里開設三水縣隸汾州陞
蘭縣爲蘭州以隸臨洮金縣卽隸蘭州令流移之民各附籍於本
州縣各克里甲自置田地從輕起科此弭盜之計也延慶沿邊一
帶正統初年埋立石界軍民依界種田不敢纖毫違越近年營堡
多有移出界石之外遠者七八十里近者二三十里越境種田致
賊寇迭出旣已懈弛民人動遭殺戮况自邊牆至烟墩如清水
營一帶中間多有百里者此弊一開未流其可防乎萬一被把總

官員將土地霸占、派令軍人代種、或因歲年旱澇、人有逃亡、而徵租如故、則往時覆轍可鑒、堅壁清野、古人禦寇一策、卽今陝西地方、災異非常、人心洶洶、時政未宜、合行嚴禁、此安民之計也、有十萬人之將、如都指揮已上之類、有萬人之將、如指揮之類、有千百人之將、如千百戶之類、陝西地方十萬人以上之將、能稱厥任者、雖不多見、其萬人千人百人之將、容或有之、此等官員、非軍功不陞、但中間或有故被姦徒排陷、構禍不能伸理者、或遇勘問官員、避嫌疑不肯辯明者、大至禁錮誅戮、小至帶俸差操、在在缺員、職之故、今後此等官員得罪之後、果能改過自新、撫按從公奏保、不許輕易施行、其所保官員、或仍違犯者、終身不錄、如此、則人

人有自新之路矣。此選將之計也。商州所屬山陽縣坐落地方鄧陽鎮所管西裏地方南有箭河口。北有竹林關。地里隔遠。山林險惡。人烟稀少。俱係客商往來上津鄖縣必經之處。最爲要害。賊盜竊發。常被阻截。往年王彪火蠟兒等已有不軌之謀。去年張才李文學等又有殺擄之跡。幸而先機覺察。皆已就擒。卽今無藉兇徒私販茶鹽。仍無忌憚。及招鎮安縣地方兩河口要害大略相同。乞將山陽縣附郭鄖陽巡檢司移於箭河口。將鎮安縣附近三岔巡檢司移於兩河口。其三分原隸鎮安縣管轄者俱各不動。及於竹林關開設巡檢司。僉撥弓名一百名。商州四十名山陽鎮安各三十名。竹林關與鄖陽俱隸山陽。則兇頑失山林之勢。地方無腹心。

凡事只在
留心

之患此守隘之計也。六議皆行之。著令十三年入兵部爲尚書。子俊在邊久。知虜情。及將校勇怯。地里險易遠近。虜所出入。凡邊臣奏請從中調度。輒中機宜。又能選屬官賢者委任之。其拒汪直索永樂破安南軍數。及選補府軍衛卒。具見劉大夏傳。未幾致仕。召加太子太保。改戶部。子俊又能知錢穀經費。曲算盈縮。諸吏少年敏悟者。自謂不及也。於地方災傷。上聞必請蠲卹。十八年會宣太多事。命以本官兼左都御史。總督宣府大同山西三關軍務。言禦戎利用戰車。自古命將出師。誅暴禁亂。見可而進。知難而退。進退之間。非車不可。臣奉命以來。熟看大同地方山川平曠。宣府地方一半相等。門庭寇至。車戰爲宜。今爲軍之計。大率以萬人爲一

軍戰車五百餘輛用步軍十人駕拽行則縱以爲陳止則橫以爲
營車空缺處用鹿角柞補塞凡戰士器械不勞馬馱乾糧不煩自
齎若是虜賊合衆對壘彼用弓矢止有百步技能我用鎗砲動有
三四百步威勢如相持過久彼將分散搶掠我則出兵或首遏其
驕橫或尾擊其惰歸前項車營取便策應運有足之城策不餉之
馬此億萬年守邊簡易之法也復具尚本五其一下兵車營尚其
二檣兵車營尚其三檣鹿角柞營尚其四下椿繩營尚其五檣椿
繩營尚其具疏甚詳上可之遂造戰車數千輛爲練武所以教
士卒二十二年再出宣大還京以左都御史致仕復召爲兵部尚
書力疾視事上言四事一均選法謂人材之生不以地拘今銓司

多以美官私所厚請如會試分南北中三等均任之不得有所偏
一廣儲積謂民田屯田南北科徵皆有定制今皆廢弛以致國用
不足所在缺乏預備倉糧歛散之法及漕運利弊宜命所司議處
一修武備謂北虜擁衆近邊蠻寇肆掠江西各邊斥堠不備神機
營提督久虛宜蚤圖之一慎刑罰謂近者知縣王汴知府許聰以
捕盜受顯戮僉事郝志義叅政劉瑀以捕賊得遠謫人皆惜之請
復志義瑀官錄濟等之子孫詔所司議處以聞北虜將入貢兵科
給事中夏祚上言今逆虜外稱納貢而內蓄姦謀恐譯字通事宜
并虜中走回人等貪其賄賂以中國事情告之爲害非淺乞勅兵
部楊諭從之予俊復奏以爲虜使來京中間未必無人恐彼窺知

兩言皆人
臣事君要
道

所奏全文以爲待之欠厚而傷其向化之心但乞榜示京師軍民
不許欺侮且聽其公平貿易爲便已得旨祚等遂劾子俊柔懦不
振故違前旨偏執自用上曰虜情叵測固宜防範而開市貿易
亦是舊例但毋令私交漏洩事情而已卽行禁約所司其知之弘
治三年卒於官子俊凝重簡默外和內嚴正不詭俗廉不近名每
奏對符檄揮筆立就會文切理不事文飾平生仕宦多在西北邊
榆林修邊之功最大其在宣大欲推榆林法盡修兩鎮邊牆已有
緒忌者論其糜財命工部侍郎杜謙偕給事中御史往按其事令
子俊致仕其功竟不就至今人以爲恨嘗曰人臣事君當隨事盡
力凡有建樹卽近且小亦必爲百年之計又曰大臣謀國遇有大

利害當身任其責。豈得養交市恩。爲達怨自全之地。以故鎮榆林時。怨謗紛起。堅執不撓。卒能成功。垂利百世。卒年六十一。贈太師。謚肅敏。公巡撫榆林時。羅山徐廷璋巡撫寧夏。亦浚壕築壩繕亭障。有功賞。當是時。鈞陽巡撫陝西。稱關中三巡撫。廷璋繇選舉爲工科給事中。以副都御史巡撫。

太常氏曰。肅敏之才。於甲兵錢穀。隨所投之。無不奏績。余獨怪其於張瑾之求進。鎮撫司而不能執奏也。守溪長語載。憲廟時。張瑾以寶石求進。鎮撫司。上命內臣懷恩傳旨。恩曰。鎮撫掌天下之獄。極武臣之美。選也。奈何以瑾得之。上怒。別令傳諭兵部。恩曰。倘外庭有言者。吾猶及止也。時肅敏方爲司馬。恩諷令執奏。肅

敏謝不敢恩曰吾固知外庭無人也夫此亦司馬常職耳卽執之
未必觸 聖怒卽觸 聖怒罷司馬亦未爲不可而肅敏乃爾余
觀自古才士喜於才之見用故其意嘗欲無拂劇於其主乃李弘
意得意之策終身用之而有效者肅敏得無意乎

王襄敏越

王越字世昌，大名之濟人。少補諸生，軀長七尺餘，風骨奇邁，博涉書史，爲詩歌文章，援筆立就。而藻思溢發，爲人多力，善騎射，好談說經濟大略，睥睨顧盼，有天下志。二十六舉進士，方對策大廷，忽有旋風起，攝其策，雲表已而不見，皆怪之。監試御史爲請，得再給卷。及秋，而朝鮮貢使附越策來，而曰：「其王方視朝，有旋風捲一物，示者則進士卷也。」敢以聞。景皇帝閱而得姓名，謂吏部曰：「識之，此當任風憲。」於是錄進士，選得監察御史。英宗復辟，視朝，覲越進止與奏對數目屬之時，冠深掌都察院，東濕僚吏無可當者，而越於臺事精，所建畫必出深意，表以故愛異之，留骨諸道章奏久。

之推山東按察司聲藉甚尋大同有虜警當置巡撫吏部以其薦
上嫌其貌寢罷不用而喟然曰安得如韓雍者而任之時雍方
撫宣府而以兵部侍郎留用吏部乃請徵越召見便殿越故偉服
而短其袂上熟視良久曰非故快御史耶可將也遂擢右副都
御史以行會虜稍徙去越飭兵政繕器甲簡士伍修堡寨爲經久
計尋以病告召還京病良已明年協理院事久之以總督視師延
綏輕騎襲破虜於惟塞外俘四十九人鹵首加伯遷左副都御史
又被之於黃草梁俘五人鹵首百二十進右都御史前是文臣視
師者多從大軍後出號令行賞罰而已至越始多選驍勇跳躡武
騎爲腹心將而與虜搏始有戰矣然尚不敢與虜軍鋒角惟以間

後來將官
多以此立

功

此特不叙
套左矣

謀探虜累重所聚而刼之或剪其零騎用是得數成功名越再設
伏徽虜破之俘斬百餘獲馬牛羊器械稱是詔武靖侯趙輔爲平
虜將軍統大軍與越相繼逐虜輔行則已病而越復謀知虜蒲都
魯字羅朮加思蘭三酋自河套渡分寇西路其妻子營於紅鹽池
乃率總兵許寧等以精騎五千襲之兩晝夜行三百三十里至其
地分兵千餘爲十伏以相掠而身與寧等分兩哨薄其營遂破之
擒斬三百五十餘級獲其女稚駝馬牛羊器械不可勝計焚其帳
而還時蒲都魯等行剽至韋州頗有所獲欲歸而遇諸鎮兵邀而
敗之斬首虜一百四十九奪所鹵男婦二千馬騾牛羊十三萬甲
仗千六百餘賊旣以失利歸則廬帳妻子畜產皆蕩盡相顧慟哭

建徙不復居河套故地。提聞再賜璽書褒諭。俄召還京。論功加太子少保。食從一品俸。同李賓掌都察院事。兼提督十二營兵馬。復兵部尚書缺。越意必見屬。而余子俊自外鎮得之。忽忽不樂。乞歸不允。乃上疏陳紅鹽池之戰。謀皆自己出。爲故尚書白圭所阻抑。錄功在諸將後。而部曲亦有未陞賞者。下兵部。余子俊爲請。進兼兵部尚書。以餌之。乃已。明年復加太子太保。時上所寵信中貴人汪直。方領西廠。得訶察中外事。威福傾一時。而年少好言兵。越乃乘間與之納好。甚密。直方欲誅建夷以爲功。而遼東都御史陳鉞賄之重。且始謀也。以故直川保寧侯朱永總兵東討。而身監其軍。俾陳鉞參焉。而不及越。尋破建州夷。永至封保國公。陞賞優渥。

出其不意

越益斃之、乃謀於直、以虜酋面犯邊、詔保國公永爲平虜將軍、率師西討、越爲總督、直仍監其軍、越念直之誅建夷、永與征行而不先露、使陳鉞擅其功、恨之、乃爲直謀、令永將大兵繇南路、身與直將輕騎繇宣府大同、俱會於榆林、榆林虜已大掠出塞、越語直曰、受命出塞、無俘獲、何以班師、既至大同、謀虜在威寧海、則選二鎮之勁騎二萬餘、分道乘風雪薄之、虜狼狽出戰、遂破之、斬首虜四百三十七級、鹵男婦百七十、馬駝牛羊以數千計、旗纛甲仗萬餘、捷聞、詔班師、越遂進封奉天翊衛推誠宣力守正文臣、特進光祿大夫柱國威寧伯、歲祿千二百石、予誥券、子孫世世承襲、越既封、不當復領都察院、而御史許進等上章稱越功德、請玉璽楊善例、

請仍領院事而越亦不肯就西班欲仍故列大學士萬安吏部尚書
尹旻下俱許之自是益精心事汪直而陳鉞得爲兵部尚書上
嘗曲宴而內伶爲戲者以貴人裝兩手各持金鉞恣睢前問爲何
人曰汪太監所持何物曰兩鉞耳不仗此不能一步上笑而弗
罪也當是時保國公未師至榆林甫三日召還毋論有司供億百
費卽戰馬萬七千匹死者已五千亡功自如於是亦懼而與越比
事汪直矣尋復命越等出師至大同適虜從山東等墩入境剽掠
越縱兵擊之擒十人斬首百十三級獲馬七百餘匹詔進越太子
太傅增歲祿四百石復錄一子官是役也斬級少於法僅下賞而
封拜橫溢則上以直在事欲貴重之故而越改掌前軍都督府

總督五軍十二營兵馬蓋越以文臣爵不得侯改右班或可得侯不復有薦紳念而萬安劉吉等稍側目越矣汪直亦爲其儕所忌惡遂復命越掛平胡將軍印直仍監其軍駐宣府調度擊虜虜已退越等請班師不許遂巡延綏而虜入寇河西清水營等處越等使游擊將軍劉寧敗之於塔兒山叅將支玉敗之於大衆梁延綏總兵許寧敗之於三里塔擒十二人斬首虜三百十七功最多虜亦創懼不敢近邊而捷聞僅加祿五十石汪直賞亦薄尋改越征西將軍填大同不復稱大帥而猶與直共一鎮大學士萬安等乃請移越師延綏以離之而命延綏帥許寧鎮大同言者以寧直不相能遂改直於南京御馬監旣行則姦事大露上乃命給事御

事直自是其罪殺虜自是其功

真是將才
特不當發
身科第耳

史論紕直八罪因併紕越詔削越官爵追誥券徙置安陸州而盡
奪其諸子錦衣都指揮等官越之敗錄汪直然直尙得爲奉御一
時朝士大夫雖快越之去而有謂其罰太重弗平者越最名能知
人其在臺所旌拔御史屠濬侶鍾等皆爲大官以至同列而故吏
將佐多賄貴時時稱越才弘治初赦還鄉尋上書自列冤狀會有
爲左右之者得復左都御史致仕越居恒喜奢華自奉若諸侯王
而其御軍能恤下財來往若流水不之問籠罩顛倒豪傑不知所
從人皆願爲之死機事百端閃倏變幻出沒百端故不復持名簡
軍行過陝西秦王宴之奏伎越語王下官之爲王吠犬久寧有以
相耐否因盡乞其伎女歸一日大雪方坐地爐使四伎抱琵琶捧

如何不得
人死力則
其乞諸王
亦非專自
爲也

皆是得人
心妙用

賜侍而一千戶討虜。與談虜事甚晉。曰寒矣。手金
卮飲之。復。喜。作酒卽併金卮與之。已又談則又
喜。指其中最殊麗者曰欲之乎。以乞汝。自是千戶所至爲効死力。
積功至指揮。而其夜襲虜帳也。將至而暴風起。塵翳目。衆或欲歸。
一老卒前曰。天贊我也。去而風使虜不覺。歸而卒遇虜入掠者。還
而我上游皆是風也。越不覺下馬拜功。成推卒功以爲千戶。越之
在安陸與還。涪田池射獵。帳飲聲樂如故。而其功名志不少衰。會
蒙近京得通於中貴人李廣爲上言之。中旨召掌都察院事爲臺
諫所論阻。時西虜犯邊急。巡撫吳珙不能禦。兵部言宜得一重鎮
控制之。庶於進止便。再薦凡七人。弗稱旨。時屠瀟爲吏部。德越而

李廣從中右之以越名上遂許之。陛見上慰勞有加。進太子太保。仍兼左都御史。總督甘肅。寧夏。延綏軍務。諸鎮守巡撫而下悉聽節制。仍許以便宜行事。勅諭之云。賀蘭山後乃虜賊巢穴。累次寇邊。皆自彼而入。使其居住年久。熟知地方。或引誘北虜大衆。或招來野乜克力等夷爲患不小。命越運謀征勦。毋令滋蔓。越至自寧夏。遣將分路發兵。延綏副總兵都指揮同知朱瑾領兵一千出南路。寧夏鎮守太監張綱總兵都督同知李俊領兵二千出中路。副總兵都指揮使張安監鎗右監丞郝善領兵二千出北路。越居中制之。張安郝善分爲二哨。北哨行五十餘里至花果園遇賊擊之。斬十三級。南哨至蒲中溝賊望見畜產遍野棄不顧。亟從沙窩

遁去七人不及走斬之其一人衣甲居幙甚整意其酋也合兵追
大把都賊集其衆分爲三面併力馳突我軍下馬用鎗銳禦之賊
稍却騎乘急擊之斬十級日脯張安收兵回伏兵道旁賊來襲遇
伏走郝善領兵截其去路復追斬八級又進至柳溝兒斬三級賊
西遯乃還寧夏城凡得賊首四十二駱駝十九馬百二十二牛羊
器械千數因加越少保兼太子太傅左都御史如故張安郝善等
陞賞有差越又上處置哈密事宜大意謂鎮邊疆者當率舊章服
夷狄者當用世族哈密乃我太宗開建之國陝巴實故忠順脫
脫之族孫土魯番不道劫而殺之致勞王師遠征今阿黑麻悔罪
陝巴來歸若棄哈密而不復則非所以率舊章置陝巴而不用則

非所以用世族故臣等以爲仍宜封陝巴爲忠順王先令率其所部還居哈密朝廷原賜陝巴金印冠帶表裏銀絹等物收貯肅州者請皆給之其哈密所夷衆所須修城器具及口糧牛具穀種之類臣等當量濟之又回回頭目寫母虎仙等及罕東赤斤所屬城堡番達頭目人等或協守哈密或互爲聲援并小列禿等夷素與哈密輔車相依者請各給賞以慰其心更請賜陝巴貴重服色以示殊恩至於哈密都督奄克孛刺等宜令與陝巴和親他種頭目迭力迷失等宜令仍居苦峪其給陝巴之物皆卽受封所併付之不必遠勞差官齎送哈密章下兵部會官議奏請如越言上從之命加賜陝巴大紅蟒衣一件會中貴人廣自殺言者皆首攻越

上雖雅重之，不爲報而越坐憂悴病劇，遂卒。年七十四，贈太傅，謚襄敏。祭葬如禮。越之再起，欲還伯爵，竟不得，而諸子多官，環列者。

太常氏曰：世之才略氣魄，有能萬一襄敏者乎？使遇漢武，衛霍何足道也？史稱衛霍出塞，海內爲之虛耗。襄敏不聞繁費，衛霍却下或迷失道。襄敏所用未必皆名將，所至成功，其紹朱末亦青之迂李廣哉！余以爲卽不從中貴取寵，自足豎立，何至盡毀冠裳以規左腹也！最可笑者，冢宰尹旻率諸卿貳詣直屬襄敏爲介，尹問跪否。襄敏曰：安有六卿跪人者？襄敏入見，尹密伺之，長跪而出。尹等入跪，襄敏尤之。尹曰：吾效人耳。於此一時，亦何必用此機械，豈其

知魏而求掩。或繇其作用已熟。發念無復直心乎。陳曲逆曰。我多陰謀。道家所禁。雖然。世謂其功不掩罪。則過矣。世之小人。但有其罪而無其功。則又何如耶。彼一時不有陳鉞乎。余惟以王文恪崔文敏之論爲公。故併附之。王文恪公曰。世昌紅鹽池劫虜取勝。本兵家奇術。議者往往黜其功。崔文敏公曰。少聞世昌文武大畧。比入翰林。人多謂其任術不足數。及修泰陵實錄。得見國史。知其塞上功甚偉。世昌姿表奇邁。慷慨自許。論議英發。見事風生。久膺師寄。歷西北諸鎮。身經十餘戰。其於邊徼險易。虜情真僞。將才士勢。定諸胸臆。覈如示掌。出奇取捷。慮成發中。顛倒才智。柔馴辨強。皆樂爲之用。効之者皆自以爲不及。其識其力。壯老一致。雖催挫切。

而志不少衰。善獎拔士類。嘗特薦揚守隨。侶鍾屠蒲王。睿四御史。健將武較多出其門。又長於吏事。判斷章奏。口占授吏。曲當事情。博學多聞。凡兵法射藝。輿緯堪輿之說。罔不該究。爲詩歌雄邁跌宕。者不屑意。睦族敦舊。關窮恤貧。援接卑幼。如恐不及。

劉文靖健

劉健字希賢，雒陽人。天順四年進士，改庶吉士，授編修。成化中，陞修撰，歷諭德少詹事。皆事泰陵於東宮。東宮卽位之年，陞禮部侍郎，兼學士入閣。四年，進禮部尚書、文淵閣大學士。健初在翰林，閉戶讀書，交游希寡。衆謂健木強人，已入閣，益練習國家典故。人又謂健有經濟才。當是時，萬安、劉吉相繼去，徐溥、丘濬與健在內閣。正色簡言，廉靖不肯依違。七年，進太子太保、武英殿大學士。明年，徐溥去，健薦李東陽，謝遷入閣。十一年，大明會典成，進少傅、太子太傅、戶部尚書，謹身殿大學士。內監蔡昭爲已故太監李廣請祠額葬祭，有旨許之。健等言：「內臣例無祠額祭葬。」近年以來，雖或有

之乃朝廷獎善褒忠之意實非常典今李廣之死欺罔之情脏盪之迹悉已敗露衆皆謂聖心昭鑒必正其罪以爲姦邪不臣之戒而乃賜祭葬又賜之祠額是使欺罔脏盪之人與忠謹善良者無別誠恐上累聖德下拂人心其於國典政體開碍不細所乞祠額及祭文臣等未敢擬進上命祭文仍舊撰進祠額已之時清寧宮新成有旨命番僧設壇作慶讚事三日建等上言佛老異端聖王所禁我朝雖設僧道錄司而出入有清規齋醮有定數未聞於宮闈之內建立壇場聚集僧道蓋祖宗宮禁之制至嚴至密雖文武大臣勲戚貴人不得輒入豈可使胡羯邪妄之徒羣行喧雜連朝累日以腥羶掖庭驚動寢廟祖宗法度一旦蕩然其爲聖

德之累不小矣。若謂聖祖母太皇太后在上，必欲曲爲承順，以祈福壽，則皇上修建宮殿，不日而成，間安視膳，無間朝夕，純誠至孝，通於神明，自天降祥，有願必遂，豈必假異端之術，干宮禁之制，然後爲卒哉？伏望速將香壇撤去，胡僧盡行逐出，使宮闈清肅，政教休明，臣等平居無格正之功，臨事乏規諫之益，此等詔旨，不得與聞，尸素之罪，萬死莫贖。今事出倉猝，不暇從容論列，不勝待罪俟命之至。時府部科道等衙門亦各以爲言。上曰：爾等言是，但宮殿新成，慶讚亦先朝永樂以來舊典，其置之。自戊子以來，上御極已久，益明習機務，凡國家大事，率召見輔臣，健亦以身任天下之重，與李東陽謝遷二人同心輔政。上數至文華殿平臺。

暖問面議大政。如吳一貴張天祚。徽宗皇后陵寢殿進退五府。四管公侯伯。災異去留大臣。皆上前相可否。少有間諂。健輒盡言。健確直。見事少遲。東陽才敏。達謝方質三人同心。時人語曰。李公謀。劉公斷。謝公尤侃侃。十四年。延綏達賊擾邊。王師久駐。累請缺餉。健言。題者糧餉缺乏。致屢廟議。屢遣廷臣計無所處。開中鹽引。則鹽法已壞。商賈不前。鬻賣官吏。則名器徒賤。實用亦寡。鄰方糴買。則貨輕脚重。運送艱難。至附近它運民。已不堪逃亡。相繼外患未除。而內地先敝。夫官軍一出。輒闕乏如此。設使經冬及春。賊勢未解。不知何以給之。一方用兵。尚且窘急如此。况遼東虜勢張大。邊患方作。湖廣貴州軍旅繼動。不知何以處之。臣等每思至食。

不下咽。竊惟天下之財。其生有限。若非節蓄於平日。豈能驟集於一時。近年以來。用度太侈。光祿寺支費。增數十倍。各處織造。降出花樣。動千百匹。顯靈朝天等官。泰山武當等處。修齋設醮。費用累千萬兩。太倉官銀。存積無幾。不足給邊。而取入內府。至四十五萬。宗藩貴戚。求索田土。占奪鹽利。動亦數千萬計。他如土木工作。物料。派傳奉官員。俸錢皂隸。投克匠役。月糧布花。歲增月益。無有窮期。財用之匱。率繇於此。當緊急闕乏之時。猶不爲節省之計。將至大壞極弊。禍可勝言。向來大小衙門。陳言會議。事有干碍內府。及親主貴戚者。無問可否。槩令炤舊。臣等屢嘗規諍。未盡采納。伏願皇上念國計之艱。憫民力之困。躬行節儉。減省供應。絕異端。無

益之費。停內府不急之工。仍勅各衙門。凡有採荒華弊之策。盡一具奏。特賜准行。上嘉納之。上欲差內臣武當山送像掛磨。修設齋醮。傳令閣臣撰勅。併祭文。健言神之有無。事之可否。臣等始未暇陳。竊聞此山官觀像設富麗已極。增添易換。徒見勞擾。實爲無益。況今四方災異迭出。順天河南山東等處沿河一帶雨水泛漲。田禾滄沒。人民窮困。州縣驛遞本等應付尙不能堪。湖廣地方苗賊肆亂。軍旅方興。糧餉供餽猶恐不給。如又動此大役。撥船必至千百。撥夫何止十萬。非惟逼迫逃亡。抑恐激成禍變。又況陝西遼東虜情猖獗。軍餉尤急。外患方殷。而內地民生愁苦之情。地方凋敝之狀。君門萬里。恐皇上不得而知。臣等備員輔導。深切憂

懼近因邊需窘急。請節財用。亦嘗論及此事。荷蒙采納。不數日間。乃有是命。臣等若有阿諛承順。罪將何逃。伏乞停止。上從之。時虜入套。聲言入犯。內官苗達等率兵數十萬。不能防禦。虜旣渡河。乃以擣巢爲名。僅斬首三級。熾張功伐。乞賞無厭。有旨令擬陞賞。擣巢功次。欲將奮不顧身二百一十一員名。特陞署職一級。健言臣等看得兵部三次議擬。極言軍功陞職。必論首級。係祖宗定制。彼處所獲首級。止於三顆。今擬陞七人。賞四千餘人。其奮不顧身等項。又比常加賞。已爲過厚。足以激勵人心。若陞職太濫。則恐將來軍前俱各倣效。冒名勇敢。當先奮不顧身等項。以圖僥倖。誰肯著實向前殺賊。此誠爲國大計。若臣等苟且阿順。則是該部爲朝。

廷守法而臣等乃反壞之罪無所逃。以此不敢輕易改擬。伏乞聖明採擇。上納之。十六年。加少師太子太師吏部尚書華蓋殿大學士。是年五月。一品滿九載。當是時。國家治平無事。上顧健喜。諭曰。勞卿久矣。兼支大學士俸。十七年。有旨。朝陽門外建壽塔寺。健復率同官言。竊惟人主信佛。莫若梁武爲甚。卒餓死臺城。信道莫宋徽宗爲甚。卒囚斃虜地。求福反爲致禍。往事可爲鑒戒。我祖宗相傳以治天下者。堯舜周孔之道而已。似此異端。蠹財惑衆。何關於治。佛塔之設。非所以訓天下垂後世也。又令撰真人杜永祺等誥命及封號。疏言。誥命乃朝廷所以獎貞勵能。雖師保大臣。必待秩滿考最。乃得頒給。况祖宗廟號不過十六字。親王及文

武大臣有功德者。謚號止一二字。此輩何賢。何能封號。至十八
字。流布朝野。傳聞後世。皆曰。此朝廷所賜。予儒臣所擬。撰天下後
世。其謂之何。疏入。俱報罷。時朝政稍懈。健等言。陛下卽位之初。
百度一新。遠近欽戴。邇來勤勵之志。漸異於前。每日蚤朝。不過數
刻。而起鼓。或至日高。官中奏事。止得一次。而散本。或至昏黑。待衛
接本之人。筋力疲憊。不得休息。百司庶府之事。文書壅滯。不得施
行。一事之決。動逾旬月。一令之出。隨輒廢弛。羣僚玩習。視以爲常。
如此而欲久安長治。保無禍亂。恐亦難矣。臣等屢嘗言之。施復如
故。夫禍亂未形。固宜言不見信。若禍亂旣作。誠恐悔亦無及。此臣
等所以憂惶慚懼。不能自己者也。伏乞 陛下順養精神。於暮夜

晏息之時。奮發勤勵於旦晝。清明之際。視朝聽政。省覽萬幾。一如卽位之初。則威權在已。姦弊不生。刑政日清。災異自弭。又言竊惟天下之事。有輕有重。有緩有急。不得其序。則亂而所不當爲者。勿論也。夫事之重且亟者。不過親賢。憂民。賞功。罰罪而已。近時以來。奏事之期。日漸遲晚。散本不及禁門已閉。內外章疏。動經累日。甚者或延至半年。或終期不出。因循積習。遂以爲常。仰惟皇上於聲色貨利。無所嗜好。宮禁嚴密。人不敢知。但恐佛老鬼神之事。有妨聖政耳。夫心之所當察者。不過天地宗廟山川社稷及古昔聖賢而已。其禮有時。不妨於政。其用有節。無害於民。若佛老之教。邪妄不經。空虛無益。蠹政害民。非所當務者也。竊聞寺院宮觀齋醮。

無時。佛書道經刊寫相繼。甚者或掛袍於千里之外。或白晝散燈於大市之間。朝野傳聞無不駭異。夫寵向僧道。則親賢之體疎。耗費錢糧。則愛民之意闕。以慈悲爲寬容。則壞法失機者得逃重罰。是當急者反緩。當重者反輕。凡政之弊。皆繇於此。願皇上以萬幾爲重務。速賜施行。以異端爲蠹政。不勞聖慮。實宗廟無疆之慶也。疏入。上皆嘉納之。十八年。進左柱國。吏正一品。俸一日。上召至暖閣。健等因素曰。今公私困竭。鑄錢一事最爲緊要。其餘若屯田茶馬。皆理財之事。不可不講也。東陽因奏曰。鹽法尤重。今已壞盡。各邊開中。徒有其名。商人無利。皆不肯上納矣。上問商人何故不肯上納。健等因素論奏討之弊。上曰。奏討亦只是幾

家東陽奏曰。奏討之中有夾帶奏一分。則夾帶十分。商人無利。正坐此弊耳。上曰。夾帶之弊。亦誠有之。健等又言。王府奏討亦壞鹽法。每府祿米自有萬石。又奏討莊田稅課。朝廷每念親親。輒從所請。常額有限。不可不節。上曰。王府所奏。近多不與。皆對曰。但乞今後更不輕與。則不敢奏矣。健因奏曰。臣聞國初茶馬法行。有歐陽駢馬者。販私茶數百斤。太祖高皇帝曰。我纔行一法。乃首壞之。遂寘極典。高皇后亦不敢勸。此等故事。人皆不敢言。上曰。非不敢言。乃不肯言耳。因言鹽法須整理。健等贊曰。請下部查議。上曰。然。明日降旨云。祖宗設立鹽法。以濟緊急。邊儲係國家要務。近來廢弛殆盡。商賈不行。各邊關中雖多全無實用。戶部

通查舊制及今各項弊端明白計議停當來說於是中外知上
勵精無不稱慶上因欲盡革諸煩苛弊蠹召對輒屏左右左右
不得聞大懼竊從屏隙中觀但聞上數數稱善上仁慈敬慎
尤欲守成法惡恠核健等亦見太子未壯上體清癯恐一旦禍
起不測務却謀遠顧省機密發使天下陰受其福至上語及宮
中事毅然欲制抑盡刷洗近侍權復高皇帝舊然亦未敢輕動
也先是北虜小王子來求貢甚急既而不來有走回男子報說虜
中有異謀欲搶黃衷黃衷者謂京城也又云朵顏衛頭目可見乞
蠻領二百人往北虜通和小王子與一女寄養似有引誘入寇之
跡於是遣官赴大同宣府併往各關預整理糧草以待出師健等

上禦虜安邊事宜。一大同出戰軍少。而京軍又止。可助爲聲援。不若邊人習戰也。合於彼處。不分舍餘鄉民人等。但有勇力。可備出戰者。多方選募。給與糧餉。盔甲器械馬匹。仍賞養贍銀二三兩。令其隨軍調用。大同馬匹。兵部雖曾俵給。尙不足用。亦多不堪戰。聞彼中亦自可買。合發太僕寺馬價銀三五萬兩。就彼收買。稍寬價值。則人皆趨利。馬自至矣。一大同糧草不敷。近雖已准開中引鹽。緣近來鹽法廢壞。上納者少。恐不濟事。合發太倉官銀一二十萬兩。召商中納。以應亟用。彼處武職官員。生長邊方。多有勇畧過人者。但爲資格所拘。不得超拔。合着總兵等官。用心訪察。但有才勇。隨宜取調。領軍殺賊。仍一一奏名上聞。以備簡擢。一彼處將官畏

怯退縮。誤事者多。僅有一游擊將軍張俊謀。勇頗聞。近又能以寡
禦衆。合特勅獎勵。以勤有功。一兵部原擬再選京營官軍一萬員。
名令都督李澄孫貴統領。以備後援。臣等訪得二人皆非統馭之
才。恐不勝事。近有取回都督神英。原任大同總兵。頗諳彼中邊務。
堪領前項官軍。合令兵部再訪如英者一人。以備任用。一京師天
下根本。京營官軍所係至重。今選一萬聽征精銳已少。近該各官
請查選營衛軍士以實行伍。事無急於此者。伏望速賜施行。一京
營坐營把總等項官員。勝任者少。在外衛所武職。或有可用。乞令
兵部詢訪。不拘資格。但有才勇。疏名具奏。以備任使。一各處守邊
官員。有誤事降級帶俸差操。及爲事罷黜者。多係曾經戰陣。諳練

邊事。合令兵部咨赴軍前立功。一近日兵部奏准招募軍士。號令已出。應募者少。今京城內外無名籍之人甚多。合令兵部設法挨查。但有年力精壯。原無名籍在官者。取具貫址明白。收充軍役。庶營伍得充。一虜寇變態不常。近聞大同拆牆入邊。通管駐劄。雖大同附近州縣城堡消息。與城內猝急不能相通。若必得彼奏報。然後處置。誠恐緩不及事。合令兵部選差慣騎曉事之人。前去探聽。星馳回報。庶邊情易達。事機不悞。一虜衆入寇久駐。肆行搶掠。我軍未能少挫其鋒。合令總兵等官。詢訪彼諳練軍事之人。從長計議。多方設策。或招募敢勇。掩其不備。直搗巢穴。或設伏出奇。乘其零散。相機截殺。務使痛遭挫。畏威遠遁。上深嘉納。令各部議

行時西北之事方厯聖慮屢見咨訪故於此亟行之七月上召
健至暖閣出大同鎮巡官章奏言虜賊勢重近又擅殺墩軍延綏
游騎兵累調未至乞增兵補馬情詞甚急上曰墩軍皆吾赤子
乃敢擅傷朕當作主京營已選聽征六萬可再選一萬整理齊備
定委領軍名目即日起行健等奏曰皇上垂念赤子一言誠社
稷之福京師亦須整點但未宜輕動東陽曰用兵事須令兵部議
處上曰兵部既有新例亦不敢擅開須自朝廷行之耳遷繼曰
邊事固急京師尤重上意未釋東陽奏曰近日北虜與朵顏通
潮河川出北口甚爲可慮今聞賊在大同稍遠欲往東行正不知
何處侵犯若被聲西擊東而我軍出大同未免顧彼失此須少待

其定徐議所向耳。健因備言大同險遠，本鎮尚可支持。潮河川去京師不過一日，最爲切近。上曰：今亦未便出軍，但須預備待報，乃行。免致臨期失措。復召兵部尙書劉大夏面諭出師之意。大夏亦力言京軍未可輕出。上納之。當是時，三人者在內閣。馬文升在吏部，劉大夏兵部，戴珊都察院，韓文戶部，同心戮力，天下仰望風采。文明年，上遽病，外議藉藉謂禍本有所起也。上大漸召健等三人，乾清宮受顧命，力疾起坐寢榻，語在李東陽傳中。康陵卽位，冬至節，靈濟宮祭金闕玉闕二真君，遣尙書李東陽行禮，建宮佛老二教，聖王所必禁，儒者所不談，好仙得禍，史冊甚明。若靈濟宮所奉二真君，乃南唐徐溫二子，知證知謬，謹按正史所載，徐溫

養子知誥、篡僞吳楊氏諸子，皆爲節度使，知證天死，知諤病死，五代石晉時，無故廟稱之爲神。國朝雖有廟宇，然亦止稱爲真人，令道士供奉香火。咸化末年，加爲上帝，禮官失職，不能規正。先帝初年，革去帝號，天下傳聞，以爲聖政。至於神父神母、僊妃，皆是僭叛家屬，邀冒美名，尤爲非禮。每歲三大節，分官祭祀，復遣內閣儒臣、臣等初承遺命，未敢固違，因循至今。近者文華殿所供佛像，令臣等撰文祝告，臣等據禮上陳，荷蒙聖斷，卽時撤出，靈濟真君生爲叛臣，死爲逆鬼，而冒名僭禮，享祝無窮，惑世誣民，莫此爲甚。伏乞將前項祭祀，通行革罷，庶祀典不愆，治體無累矣。上曰：二真君之祭，據禮當革，但先朝行之已久，姑仍其舊，今後不必遣內閣重

臣止令太常寺官行禮時新政猶肅未幾劉瑾等導上遊戲廢政、健因與李東陽謝遷言、昨司禮監通出吏部戶部兵部都察院各一本、傳示聖意、令臣等擬斷、臣等據理論事皆不可行、遂一從公擬票上請、又蒙發下不從所擬、臣等惟今鹽法之壞極矣、譚景清等肆行賄賂、假公營私、既不肯奉詔還官、又不肯領回原價、沮壞鹽政、累及母后、論其情罪、死有餘辜、况皇親之家、既自辭退、家人引目、此商人者已不相干、乃以巧言曲爲庇護、寧廢國法、誤邊計而不顧此不可者一也、軍法之壞極矣、大同隨征所開衝鋒破敵三次、當先二項舊制俱不准陞、况經侍郎等官勘實京軍職居陣後、無顯功、無明証、姓名差錯多寡不一、依擬給賞、已爲從厚、乃

欲踵近弊。陞冗員。至於數百。其買功賣功。事疊置對者。皆小官賤人。又以特恩有免。使姦人得計。法令不行。壞名器。糜廩祿。皆不之恤。此不可者二也。刑法之壞極矣。神英侵賣官馬。賍餘十兩。爲監督等官所劾。下巡按御史勘實。而乃占松其子。不甘就鞠。欲係釋其家人。自來武臣無敢玩法抗上如英比者。英縱有微功。亦當別爲議處。若通免究問。止令罰俸。堂堂朝廷。不能制一武夫。何以控制天下。威服夷狄。此不可者三也。選法之壞極矣。御用監書篆缺。人吏部送青考選。送用。今乃令已黜人員。通送本監。考較優劣。不信銓衡。而信寵幸。祖宗舊制。恐不如此。况黃緣傳奉者。奉詔裁革。曾不幾時。而遽開此例。則匠官術士。倣倣成風。以邪路爲當行。

視明詔爲故紙其所關係亦非細故此不可者四也凡此四者該部掌行或會官議奏朝廷任賢圖治責在有司不宜以一二私恩壞百年之定制以一二人之邪說廢萬世之公論况皇上春秋四盛政令維新而地震天鳴白虹貫日恒星盡見太陽無光盜賊縱橫夷狄猖獗財匱民窮怨謗交作內外臣僕方且持祿固寵乘機作弊排忠直如仇讎親姦邪如骨肉日復一日愈甚於前禍亂之來恐亦不遠臣等受知先帝久侍青宮若顧惜身家共爲阿順則欺君誤國之罪無所逃於天地之間矣所有前項四本不敢別議謹將原票封進若以臣等迂愚言不足信則當乞身避位以讓賢能不報健等又上疏自劾失職辭避重任言臣等俱以庸愚

遭遇先帝簡任內閣委以心腹臨終顧命惓惓以陛下爲托卽位之初詔書一下天下延頸相望太平而朝令夕改迄無寧日百司庶府倣倣成風非徒廢格不行抑且變易殆盡建言者以爲多言能幹者以爲生事累章執奏則謂之奏擾查革舊弊則謂之紛更憂在民生國計則若罔聞知事干近幸貴戚則牢不可破臣等叨居重地徒擁虛銜或言從中出畧不顧問或有所擬議徑行改易累有論列輒留中不報使臣等趨向不明進退無據深憂極慮寢食弗寧若談顧命之名而不進輔導之實天下後世其謂之何乞賜罷不報又疏言詔書不信政令失中十事視前四疏事又加詳焉一日商人附托王親秦討殘孽二曰隨征按伏人員乞陞冗

濫三曰多收淨身男子賞賜無度。四曰內監書篆濫收革退人役。五曰皇莊地土既令御史查數又復差官騷擾。六曰皇親家人奏訴輒奉駕帖出外拿人。七曰韋興齊玄盛惑先朝未正典刑。夤緣進用。八曰內府占役管兵奏准赴營仍留炤舊。九曰內庫支銷累數百萬不行查算。司鑰庫銅錢久不支發。十曰饒州磁器詔漏二年。又令起運兼之項者。臣等所陳。奉有聖諭處治。至今未有奉行。今奉聖諭云。待斟酌行事。必言無可採。又使之炤舊輔導。亦不過仍前失職而已。用是再伸前請。乞賜罷歸。疏上。上付各衙門查奏革之。於時風雨雷霆。傷正殿鴟吻。太廟作獸。天壇樹木。禁門房社。各有摧折。健等上言。近日以來。視朝太遲。免朝太多。奏事漸晚。

遊戲漸廣茲當長夏盛暑之時經筵日講俱各停止臣等愚昧不知陛下宮中何以消日奢靡玩戲濫賞妄費非所以崇儉德彈射釣獵殺生害物非所以養仁心鷹犬狐兔田野之畜不可蓄於朝廷弓矢甲冑戰鬪不祥之象不可施於宮禁夫使聖學久曠正人不親至言不聞下情不達而此數者交雜於前則聖賢義理何繇而明古今治亂何繇而知民生困苦而莫伸政事弊壞而莫拯其所關甚大○大臣等寔切憂之○京師災變比之四方奏報者事體尤重○天心示警蓋已甚明○伏願陛下勵精圖治○屏去玩戲○放逐鷹犬○凡諸司所開利弊○詳加納采○斷在必行○庶可以消弭災沴耳○上曰朕聞帝王不能無過而貴於改過○覽卿等所言俱見忠愛之

誠朕當從而行之。健等又言臣等勘得府部等衙門災異陳言有臣等所不及知者。竊恐萬幾之繁。不暇徧覽。謹摘其要語。開具於後。一單騎馳驅。輕出宮禁。一頻幸監局。泛舟海子。一鷹犬彈射。不離左右。一內侍進獻飲膳。無不曲納。此皆今日所當切戒者。伏望置之座隅。朝夕顧諟。以成聖德。健等又言先該臣等具題視朝太遲等事。奉旨以忠愛見獎。且許施行。近者兩月以來。或至日高數丈。侍衛執役人等。不能久立。俱縱橫坐卧。棄仗滿地。四方朝見官吏。外國朝貢使臣。衆所共見。有傷國體。文武官員疲於久候。非但精神困倦。抑且廢時悞事。又當天變民窮之日。恐懼修省。猶恐不及。若君怠於上。臣荒於下。禍亂之來。似亦不遠。故敢冒死上陳。

上曰知之矣時太監王璫崔杲以織造奏乞引鹽工部爲之請勅
健等言祖宗舊制鹽法本以備邊近年奏討數多成法盡壞先
帝深知其弊特令該部查處龍馭忽升事功未就恭遇皇上漁
頒明詔痛革弊端奈何清理之使方行織造之命隨下生財之源
既塞蠹政之弊復生前勅決不敢撰寫况太監崔杲奏討引鹽不
過變賣銀兩若戶部支與鹽價尤爲省事若仍給之夾帶必多鹽
法之壞愈甚於前矣於是五府九卿科道等官亦上疏論其不可
上意猶欲全與鹽引乃於日講罷召健等至暖閣問南京浙江
織造乞長蘆鹽一萬二千引戶部半與引半與價何也健等對曰
戶部亦是爲朝廷撙節用度上曰該部既欲節用何不留此半

價却以引鹽與之聽其變賣可不兩便乎。健等曰：價銀有限，不若鹽引之費爲多。上曰：何故？東陽對曰：鹽引一紙，夾帶常數引，以此私鹽壅滯，官鹽不行。先帝臨終銳意整理，正是今日急務，也不可不爲遠慮。上曰：夾帶事覺，朝廷自有法度。東陽對曰：此輩若得明旨，卽於船上張揭黃旗，書寫欽賜皇鹽字樣，勢焰烜赫，州縣驛遞官吏，耐應少誤，卽加笞辱。至於鹽商竈戶，雖凌虐萬狀，誰敢呼冤？所以不若禁之於始。健等亦共言之。上正色曰：天下事豈專是內臣壞了？譬如十人中，也有三四個好的，言之至再，蓋是時已有先入之說矣。上復謂曰：此事務要全行，健等至閣復上疏，極言自古帝王以從諫爲聖，拒諫爲失，國家治亂常必繇之。顧順

人未有甘
心就死昔
死朝夕卿
駑庸愚之

百之言易入。逆耳之言難受。故治日常少。亂日常多。臣等每以此
說進於陛下。今文武公卿臺諫合詞伏闕。皆爲鹽法不可壞。而
聖意堅執。排羣議而行之。就使織造有益。姦弊不生。然上虧朝廷
納諫之明。下失羣臣守法之義。所得幾何。而所損者不可勝計矣。
上曰。昨聞卿等面奏。今復覓疏。朕心已悟。引鹽不必全與。可支
與十分之五。餘如議與價銀。先是科道皆交章乞請急除羣姦。以
保聖躬。司禮監至內閣傳旨云。聖諭已悟。痛加修改。所劾太監馬
永成等。姑示涵容。健與李東陽謝遷上言。此數人者。蠱惑誘引。罪
大惡極。得罪祖宗。非皇上所得而赦。再上疏乞誅未成等。
上未允。於是健等以去決之。各上疏求退。持言官章不肯下。諸

人豈得無
變奈何不
慮

此輩一
左右遂無
流為欲置
之法易易
矣

閣業已窘相對涕泣會大臣韓文等疏又入於是上遣司禮八
人請閣一日而遣者三而健等卒持不肯下內司禮監王岳亦東
宮舊臣也剛直頗惡其儕所為獨是閣議諸閣益窘業自求安置
南京司禮太監陳寬李容王岳同至內閣議有發瑾南京獸房閑
住之說健厲聲曰先帝臨崩執老臣手付以大事陵土未乾嬖倖
如此他日何以見先帝於地下寬容辭去時王岳與司禮太監范
亨徐智亦助文等奏於上言外朝多官論劾不可不從上不得
已允之會天晚待明發旨捕劉瑾等下獄瑾等聞之趨至上前
環跪伏哭頓首觸地訴岳等交通外臣欲害某等上為之動瑾
因曰夫狗馬鷹犬何損於萬幾今左班官敢譁而無忌者司禮監

無人也有則惟 上所欲而人不教育矣 上怒立命瑾入掌司
禮監兼提督團營而收岳等繫獄設內行官較巡察丘聚等並司
營務分據要地先是瑾等嘗言內閣專執朝權納賄行私及言文
官欺壓內臣武職之事至形於雜劇 上久信之至是因瑾乞致
仕遂與謝遷俱去八人者惟恐瑾等去之不速 上以瑾數有直
言逆耳遂聽之雖賜勅給驛猶循舊典而眷戀之意斬然矣惟留
李東陽蓋前閣議時瑾嘗推案哭遷亦嘗瑾等罔休東陽不出一
言遂得懇留既而王岳李榮范亨徐智並發南京克淨軍仍遣人
縊殺王岳於途繇是大權一歸瑾等勢傾中外莫敢誰何文臣慘
禍始此矣初舉朝共攻瑾等欲誅之閣議方堅持必克兵部尚書

許進語同事者曰此屬得疎斥之足矣果竟其事恐有甘露之變時不能從既而果如其言識者恨之健與謝遷瀕行東陽祖餞欬歔泣下健正色曰何用今日哭爲使當日出一語則我輩同去耳東陽默然無以應瑾尙恨健不已矯旨奪健官罰輸粟瑾欲起大獄盡殺諸不附已者矯勅羣臣指內官王岳范亨徐智進及謝遷韓文戴珊楊守隨林瀚郎中李夢陽主事王守仁王綸孫槃黃昭簡討劉瑞給事中湯禮敬陳霆徐昂陶諧劉滌艾洪呂紳任惠李光翰戴銑徐藩牧相徐暹張良弼葛嵩趙仕賢御史陳琳貢安甫史良佐曹蘭王弘任諾李熙王蕃陸崑張鳴鳳蕭乾元姚學禮黃昭道蔣欽薄彥徽潘鏗王良臣趙祐何天衢徐鉉楊琯熊倬朱廷

聲劉玉爲姦黨榜朝堂健益懼杜門謝客瑾誅得復官致仕比
上數巡邊幸江南輒泣不飲食曰吾死無以見先帝矣進士何景
明年少能詩人咸以爲首相同鄉必選入翰林無疑健曰此子福
薄能詩何用不取後景明除中書舍人遷提學副使不壽卒自來
居內閣不私故鄉惟健一人嘉靖初健年已九十降詔存問又遣
撫臣卽其家賜束帛餼羊上尊酒官健子爲中書舍人健年九十
四卒贈太師謚文靖健骨相奇古學問深粹行履純正偉識宏材
蚤際聖明晚罹姦佞進不盈侈退不窘戚爲近世賢輔嘉靖二
十一年又官其曾孫一人爲尚寶司丞
吳常氏曰劉文靖蓋古之遺直也毋論其言之人與不入而知則

無不言。言則無不盡也。然當孝廟在御。則天下並受其福。武廟崩
登。則一身幾於不保。晏子謂一心可以事三君。然歟否歟。

李文正東陽

李東陽字賓之，湖廣長沙府茶陵州人。曾祖文祥，以戎籍隸金吾衛，遂居京師。東陽蚤負奇氣，四歲能作大書。景帝召見，命書龍鳳龜麟十餘字，書奏上，甚嘉之，抱置膝下，賜上林珍果及內府寶鑑。六歲八歲復兩召之，試講尚書益稷篇，惟荒度土功一段大義，命肄庠。天順壬午年甫十六，舉順天鄉試。甲申登二甲進士第一，選庶吉士。劉文安公見閣試炎暑賦，嘆曰：此文殆絕無而僅有者，觀子之志，殆欲爲世用，吾老不及見矣。成化元年，授編修。三年，與修實錄。十年陞侍講。十九年癸卯，進侍講學士。二十年充東宮講讀官。二十二年丙午，主考順天鄉試。尋丁憂。弘治二年己酉起。

復遷左庶子侍讀學士四年辛亥預修實錄成陞太常少卿仍兼前職掌翰林院事克日講官會久旱求言東陽奏曰臣職在講筵不關政務惟君心爲化理之原經傳乃致治之法其勢似緩而實急其功似淺而實深願講讀有時章句有限宏詞奧義未易悉陳嘗慕范祖禹講月令而深論識於奉天之道林機講禹貢而極陳勤儉爲治之理又聞唐崔郾半歲不問經義則謝以無功李絳踰月不訪理道則自慙飽食臣之瘼癘實又過之近臣以經筵輪誨孟子兩年日講亦用此書謹摘孟子格言切於君心治道而未盡愚見者析爲數條極論其理而軍民利病時政得失如陛下所欲聞者以類附焉一孟子曰至誠而不動者未之有也不誠未有

能動者也。臣伏見弘治紀元以來二三年間，天地降祥，雨暘時若，咸應之理，昭然可觀。近二三年，休徵弗應，繇冬入夏，旱虐尤甚。意者於初政之善，有未盡合乎，抑應天之政，或以文而不以實也。臣願陛下齋明此心，勵精圖治，賞一物必思天命所當予，罰一罪必思天討所當加。御一膳必思民飢，服一衣必思民寒。災異之奏，自郡縣者彙爲卷冊，以備觀覽。章疏之付在有司者，限以旬日，必令覆奏。使議朝政者不爲作舍道旁之空談，拯民災者不爲紙上裁成之故事。若齋醮一事，誑誕尤多。凡事關所禱，悉加屏絕，亦應天以實之一端也。一孟子曰：君仁莫不仁，君義莫不義，君正莫不正。臣按人君一心萬事根本，正心必先於意識，意識必先於致知格。

物講學者格致之要也。宋蘇轍進端午帖子曰：始學深宮夏日長，只將無逸鑑興亡。王巖叟因侍講進曰：陛下退朝無事，以讀書爲樂，天下幸甚。臣願陛下當此盛暑亢旱之時，澄慮保和，暇卽取累年講官所進直解，時一審閱，則義理融徹，根本不移。不然，則雖發言盈庭，積疏成案，旋置度外，何所益哉？一孟子曰：詩云：經始勿亟。庶民子來。今諸營官軍操練日少，工作務殷，見在之數不敷於坐派，停止之詔遽移於陳請，使其精消氣憊，嗟怨不堪。比者諸司屢嘗執奏，量爲停免，如金水河昌國公墳等處，特令儉完。夫有司以停止爲請，朝廷以督併爲名，名實相違，無以昭示天下。乞俟雨澤旣降，再圖修治，其餘不急之務，一切停罷。一孟子曰：不違農

時穀不可勝食也。數罟不入洿池。魚鼈不可勝食也。斧斤以時入山林。材木不可勝用也。今天下民窮財盡。其勢已極。姑以三者言之。山東之地。草根樹皮掘食殆盡。繼以人肉。荆汭諸湖水竭。魚荒。河泊諸課率多折納。易州山廠林木已空。漸出關外。其他賦稅大抵皆然。天下之地無一處而不貧。萬物之利無一物而不貧。苟據圖按籍計口數物於都邑之間。臺省之內。可以知之。而況於九重之上哉。至若京師市鋪。光祿寺科派太繁。供應之物。急於田賦。買辦之役。亟於催徵。官價不克。動踰時月。國門之稅。曩因戶部委官張鑑過於侵削。嗟怨盈途。商賈幾絕。陛下降旨切責。然後質還。不滯。但其起例太重。今雖漸減。猶未甚輕。茲欲蠲租減稅。則國用

不克二者之外。別無長策。惟雜泛差役。與額外科派。請下有司。痛令裁省。而節用一事。乃萬事根本。我太宗文皇帝所服裘衣。敝垢納而復出。謂侍臣曰。朕雖日十易新衣。未嘗無。但是念當惜福。故每澣濯更進。昔皇妣躬補緝故衣。皇考見而喜曰。正可以爲子孫法。朕嘗守先訓。不敢忘。宣宗章皇帝載在五倫書。蓋將爲萬世法也。願陛下遠稽前代近法祖宗。一轉移間。天下受無窮之福矣。一孟子曰。飢者易爲食。渴者易爲飲。臣切見山東等處。災傷已極。近者廷臣屢請漕運官糧。量留賑濟。未見准行。臣惟京儲固重。歲給尙贏。若限數借撥。量價雜賣。計歲還納。似亦無妨。乞命戶部借撥數十萬石。及運船米盡之日。扣計後船於臨清等處水

大倉納分。令收糧委官監糶以濟其急。而留貯價銀以俟豐熟糶還。後年運舟分帶至京。惟在糶糶之間。稍加調停脚價之耗。別爲計處。使還官雖遲。不失本數矣。况運軍貧窘愈久愈困。使得稍免半途蚤還。暨息以圖後功。亦未必無益也。一孟子曰。仁政必自經界始。切見畿甸等處。姦民惡黨。競指空閒田地。以投獻爲名。藩王勢家。輒行陳乞。每有賜予。動數百頃。得請之後。標立界石。至包羅村落。發掘墳墓。訴訟之牒。纏綿歲月。冤號之聲。震動遠邇。夫生齒既衆。地豈有遺。凡以空閒爲請者。皆欺也。朝廷雖屢頒禁令。俞允繼之投獻者。謫罰相仍。而陳請者終於得地。歲復一歲。何時而已。臣願以後除官有冊籍者。上俟處分。稱爲空閒。更不賜許。使陳

請者無效。則投獻者自止矣。一孟子曰：君行仁政，斯民親其上，死其長矣。臣聞廣西近因軍糧不足，以致官軍盤閑，幾成大變。及至出軍，蠻賊截路，總兵方面等官橫被戕害，固繇紀律不嚴，事出意外。寔亦教養失道，氣沮心離。故顛沛之間，視爲秦越。人心國勢，所係非輕。今賊勢方張，攻圍州縣，版籍雖存，人戶漸耗。有司畏罪，不敢悉聞。數年之後，此地之患，未易言也。今官軍士兵尙皆可用，惟糧爲之近歲頗豐，請下撫臣亟議儲蓄，務使有餘。然後可以責斬馘之功。臣又聞西北諸邊軍糧折價十分爲率，給不二三。禁制雖嚴，莫知改革。臣請申明禁約，依本地時價量爲增給，使人情少慰。兵氣漸揚，則攻守之間，惟所用而無不效矣。一孟子曰：省刑罰，今

之五刑最輕者爲杖爲笞。然杖有分寸，笞有多寡，極爲詳慎。獄訟既多人，苦難制，乃有矯輕以從重者。在京法司密邇輦轂，尚少過差在外諸司，或倚法立威，笞杖之罪，往往致死。補立卷案，旁引醫症，縱令事覺，不過以因公還職。於是筆人重者爲能吏，殺人多者爲好官，以極輕之刑置之，不可復生之地，傷天地之和，壞國家之法，莫有大於此者。欲令以一時之蹇，諉諸過誤，理或有之，而多者數十，甚者數百，槩以因公自解，豈復有所懼哉？故勘平人有抵命之律，刑具非法有除名之例，偶不出此，則謂之因公。一以公名，雖多無害，則此情重而律輕者，不可以不議也。請凡榜訊輕罪，卽時至死，累二十人或三十人以上，本律外仍令吏部法司議行降調。

或病死不實者。醫証人等并治以罪。且律不可易而例可增。今科罰銀物不致殺人。尚有降調之例。以此罪當此情。似不爲過。亦可以爲殘民者之戒也。一孟子曰。欲爲君盡君道。欲爲臣盡臣道。二者皆法堯舜而已矣。堯舜之世。人人得言者。以堯舜能容之也。中古以諫名官。言者亦少。願治之君。嘗勸其直而容其過。陛下卽位之初。大開言路。先朝諫諍之臣。如汪奎、蕭顯、徐鏞等。次等叙遷。如林俊等。特加超擢。皆以爲堯舜復出。間有言事狂直。上煩譴責者。詞雖太戇。心實愛君。旣示磨礪。宜加杖拭。近者羣臣交章請赦彭程。已蒙恩旨。今該部看詳。切見任儀所坐。亦以扶國體。非爲私謀。未蒙前雪。今當陛下求言之日。而不宥以言得罪之臣。天

下之人孰知所嚮。陛下旣以復數人於前，亦何惜不有此一二
人於後，以荅羣臣之請也。一孟子曰：尊賢使能，俊傑在位，則天下
之士皆悅而願立於其朝矣。臣切惟今之內閣六部察院諸衙門，
所謂大臣講讀臺諫所謂重任，近年以來三司得以訟巡撫府縣
得以訟巡按小官百執事得以訟尚書侍郎都御史，事下有司互
爲勝負，此風旣行，漸不可長。況其所奏多涉誣罔，上煩聖聽，下駭
物情，非聖世所宜有也。請自今以後，凡有屈抑止許據實自陳，本
事凡懷挾仇忿，故爲誣罔者，槩勿施行。庶幾委任得專，體統不紊。
臣又見經筵爲講道之地，與朝署不同，故凡奏對之時，雖師保太
臣必行跪禮，惟講官拜稽之後立講於前，以示優異。此祖宗定

制而古之大儒猶有致譏於坐立之間者。以聖賢之道在故也。近日講官小有遺誤。遽遭糾劾。荷蒙聖恩。特置不問。朝廷優之以講道之禮。而有司律之以奏事之儀。自開設經筵以來。未嘗有此。臣伏觀累朝所定儀注。止有侍儀官御史二員。序班二員。無所謂糾儀者。先帝臨朝。極嚴。奏對之禮。御史等官不敢毫髮縱貸。而如大學士陳文傳講尚良臣等進講。差錯不開糾劾。朝廷亦不以責糾劾之官。臣又復見先帝念通政司鴻臚寺奏事繁難。特命一二字差錯不必來說。欽遵至今。卽是故事。臣愚以爲經筵之職。較諸通政司所奏鴻臚所引事體尤重。而講讀之詞。動以千計。繁文倍之。臣請自今進講一二字差錯者。炤先帝所降通政鴻臚恩例。勿得

糾劾以仰承 陛下優禮儒臣之盛意疏入 上命所司議處以
聞癸丑主考會試得汪俊爲第一七年甲寅擢禮部右侍郎兼侍
讀學士典誥勅八年乙卯命兼文淵閣大學士預機務時安南侵
占城國奏請命官往問 上欲從之東陽會同官上疏曰春秋王
者不治夷狄安南雖奉正朔修職貢然恃險負固積歲已久今若
遣官往至其國海島茫茫徒掉寸舌小必掩過飾非大或抗命若
置而不問損威已多若問罪興師貽害實大宜勿聽十年丁巳秩
滿賜金犀帶時中官李廣以燒煉齋醮被寵東陽復會同官上疏
極言其非時武 州知州劉遜逮繫科道會奏 上震怒俱下獄
東陽復上疏揅之 上爲霽威召至平臺奏事始復舊制戊午

皇太子出閣加太子太保禮部尚書五月復召問親定團營總兵官九月清寧宮災東陽上疏曰近年以來災異頻仍內府火災尤甚或以天道茫茫變不足畏此乃慢天之說或以天下太平患不足虞此乃誤國之言或以齋醮祈禱爲弭災此乃邪妄之術或以縱囚釋罪爲修德此乃姑息之謀焚惑聖聽莫此爲甚且賄賂公行賞罰失當紀綱廢弛賢否混淆工役繁興軍民困敝下情不達上德不宜愁嘆之聲上干和氣災異之積正此之繇越二月有爲李廣乞祠額者東陽以爲不可又召能仁寺僧入大內慶讚東陽又以爲不可上俱從之己未程敏政典試給事中華景劾之命東陽覆試壬申會典成賜玉帶十六年癸亥改兼戶部尚書謹身

殿大學士甲子命祀孔子於闕里還朝上時政疏上命有司議
行十八年乙丑孝宗不豫召入玉几前受顧命武宗登極凡
詔冊謚議諸大制作皆出其手是歲之詔興革利弊禁治姦宄最
爲嚴正天下誦之尋加光祿大夫柱國少傅兼太子太傅戶部尚
書謹身殿大學士丙寅上倦於政近習引爲馳騁荒淫等事東
陽同劉健等上疏詳見健傳會府部科道疏請誅劉瑾不遂瑾矯
詔逐劉健謝遷獨留東陽尋加少師兼太子太師吏部尚書華蓋
殿大學士丁卯劉瑾擅權適尚寶司卿崔濟御史姚祥主事張偉
爲邏卒誣執枷號於長安門外東陽上疏力拯之命戍邊時聞內
苑御船獵獸上疏曰今歲自端陽後金鼓砲火聲徹都邑麋牧廩

其後
廟竟以所
致疾

役紛克禁庭。大臣畏忌不敢言。小臣震懾不敢諫。不知祖宗分
職設官。朝廷糜祿養士將焉用之。昔漢司馬相如諫擊熊豕以爲
軼羣之獸。輿不及還。輶人不暇施巧。非天子所宜近。薛廣德諫御
樓船以爲乘船危。從橋安聖主不乘危。伏望鑒古道以端好尚。視
朝加蚤則炎暑不侵。進膳有時則元氣日盛。上褒荅之。憲廟廢
后吳氏薨。李東陽等言。漢成帝廢后許氏葬延陵。交道阨西。光武
廢后郭氏葬北邙山。凡皇后廢黜。史冊猶稱廢后。書其葬地。未有
降爲庶人之理。廢后吳氏原奉 憲宗皇帝詔書止云。退居別宮。
閑住。累朝以來。服食供奉皆從優厚。今日之事宜令禮部斟酌儀
節。凡事宜從簡省。而殯歛祭葬皆不可闕以存 皇上敬老念舊

之心播之天下傳之後世亦美事也。上諭禮部倣英廟惠妃故事太常寺以祭儀。上請命歲時用素羞別祭於墓所給事中安奎御史張域等忤瑾盛暑枷號垂絕東陽上疏抹之獲釋爲民都御史楊一清逮繫至東陽又力抹之是月蚤朝罷有文一卷委於丹墀侍班御史奏請查究乃錄瑾等過惡者。上退坐東角門留百官不放班尋傳旨今晚赤日中瑾等面詰莫肯承認申刻詔下獄究問者三百餘人東陽奏曰匿名文字出於一人其陰謀究計正須於稠人廣衆之中掩其形迹而遂其詐術也各官倉卒拜起豈能知見况一人之外皆無罪之人今并置縲絏互相驚疑炎暑薰蒸人不自保矣惟。皇上先行釋放而後密加體訪實之典刑

真有救濟
當時亦少
此人不得

上從而釋之。是日暴而死者，刑部主事何鉞。順天府推官周忱，禮部進士陸伸鳴而病者，無算。瑾行新例，逃軍連坐。高主降佑皆籍沒克軍，遠近騷然。民不堪命，又強盜日衆，欲并其家屬。發遣克軍又連坐親屬，禍且甚。又錦衣邏較於近京州縣，捕盜不得，并其無服親屬俱執送法。司法司承奉風旨，槩坐籍沒克軍。又山東梁姓者，自陳嘗捕盜七十人，乞炤例陞土官巡檢。都察院覆奏請查舊盜七十家，高主降佑皆炤新例籍沒發遣。東陽奏曰：皇上比來勵精圖治，威令大行，中外臣民罔不悚懼。但霜雪之後，必有陽春。雷電之餘，必有甘雨。此固上天之道，君人所當法者。臣姑舉其一二：上塵睿覽，如逃軍及拐馬人犯，謫今戍邊，而裔主降佑火

欲取姑與
此爲經練

甲發戍近衛雖亦懲姦至意然罪有差等請量情擬坐或責限令
其自首如各衙門有犯通查歷年經該僉書職名追究懲治雖亦
懲姦至意但以一時之失而窮一二十年之遠以一事之差而累
數十人之衆非惟人才難得抑且情有可矜請於侵盜錢糧并受
贓人命重情不宥外其犯公錯者罪坐本犯經手者止坐該年選
官去任者依律發落如各處查盤糧草虧折泡爛者罪逮巡撫甚
至加倍追償雖亦慎重錢穀至意然職有大小責有專否陪補虧
折律有明條管糧管屯等官固難辭責若巡撫之職督理欠嚴別
無侵盜情節請從輕罷黜如各處見差官較真僞莫分聞有假名
撓法罪逮各官雖亦杜絕時弊至意但遠邇驚疑請於輕犯責令

撫按問擬前項官較罷其差出真者不差則僞者無繇而作疏入
上深嘉其爲國計切於輔治見此官員并虧折糧草諸事倘令
該部斟酌以聞然一時所全活者不知幾千人雖欲巧取橫歛因
以窘迫文臣凡有公錯計誤者假以姑免提問爲名各罰未以實
邊儲士大夫畏其凌虐亦甘於從罰初自一二百石後漸增至千
五百石半是武家者衆東陽委曲開導雖執不從乃從邊倉移爲
閩倉地雖稍近猶不能堪後因瑾欲積天下司府州縣預備倉糧
因各官罰納者其在閩倉亦不免不若令於原籍預備倉上
納卽爲實用遂免輸運之苦其隨處應變潛消默奪使天下陰受
其福者類如此四川鎮守太監羅汝璣使軍行事雖實主之東陽

力言不可。因奏曰：太祖高皇帝設官定制，外都布按三司都司掌兵而不掌錢糧，布政司管民而不管軍馬。又有按察司管糾劾問刑名，而軍馬錢糧皆不得管。其權益分而不專。此祖宗防微杜漸之深意。求樂以後，漸差都御史在外巡撫，兵有番夷去處，則置鎮守總兵官。又後差內官一同鎮守，撫安軍民，防禦賊寇。其權則同而不專。故敕諭之詞曰：會同計議，停當而行。毋得偏執違拗。未有一人專制一方者。且如四川所奏，則王府宣慰皆其綜理。夫以親藩之隆重，土官之強悍，彼心不服，則嫌隙必生。又如舊有草寇生發，則調兵征勦。土官必須奏請，所有關係尤非細故。今既革去巡撫，若并付鎮守衙門任其進止，非惟事體不便，恐鎮守一人

亦自擔當不起百五十年所未有。豈敢一旦增添。若天下鎮守比
例而行。則其所係。又不止一方而已。乃批出止便宜行事。餘如所
議。又陳俊之得罪也。瑾因以及漕運總兵官平江伯陳熊。以濕潤
米等項。賄遂至大獄。必欲寘之死地。東陽乃力諍之。瑾曰。熊所犯
罪重。不宜姑息。東陽曰。某誠姑息。但非姑息。陳熊乃姑息。陳瑄耳。
瑄在。太宗朝開濟寧河道。以通漕運。有大功。金書鐵券。子孫皆
免死。豈可盡革。傷天下武臣心。瑾曰。國初功臣。如常遇春。湯和。鄧
愈。輩。首戰之功。今其子孫已革罷。陳瑄不從。斬殺有功。當代豈足
深惜。東陽曰。漢高祖親定十八功臣位。以蕭何爲第一。蕭何不曾
斬殺。但因供給餽餉不絕。遂以爲萬世之功。蓋足食然後足兵。

因其勢而
机迫之故
易爲力

當時餉不繼雖百張良十韓信豈能助漢蕭何餽餉猶是一時爭
戰之日陳瑄通南北漕運每歲四百萬石至京師誠國家萬世之
利也瑾不答止革熊爵時上以久旱風霾兩降綸音命羣臣致
齋祭天地社稷山川仍敕兵部法司將逆軍強盜私鹽窩主鄰佑
克軍擺站者盡釋放枷號者卽時饒免強盜正犯再行審問徒流
以下減等發落東陽言臣等聞命欣躍至於感泣中外傳播歡聲
動地所以安人心回天意者端在於此尚有一二仰干天聽王府
逃較與逃軍同窩主鄰佑連累發遣克軍擺站并見問未經發遣
者乞矧例釋放傾使假銀偽造印信舉放私債較之強盜有間除
正犯外窩主鄰佑亦乞放免仍將傾使低銀正犯止矧本律問罪

犯罪克軍正犯已故家屬該發遣隨住者查有親男炤例發遣無
子婦人一應家屬乞免發遣已發遣者並行釋放死罪重囚奏訴
三次者本犯乞免加罪家屬免克軍婦人無夫者免配邊軍凡犯
罪家產沒官除謀逆以上重罪外其餘近例沒官者並免兩法司
錦衣衛見監死罪重囚除強盜已有旨其餘乞炤通年熟審事例
開奏定奪南京見監併枷號輕重罪囚亦炤在京近奉恩例一體
施行文武官罰米爲例若實係家貧不係故意遷延者乞再限三
月仍免加倍上納各處獲盜數多中不無扳指冤抑見問併續獲
者乞令各該捕盜等官用心研審務見贓仗失主併同行上道之
人明白擬奏如或輕信妄拿濫及無辜希圖陞職免罪者事發之

必討收遠
消息乃敢

日罪有所歸再紹正德年間問罪條例近該給事中屈銓奏准頒
行乞令三法司議擬歸一請自上裁永爲遵守上批答曰朕覽
卿所言皆有裨於治理具見爲國至意當悉從而行之會真藩之
變朝廷命將出師詔告天下內一款取回各處差出官較瑾不然
曰是要革行事衙門此係累朝舊例如何可革東陽曰舊例行事
衙門官較止在京城今差出四外聲勢烜赫驚疑天下姦詐之徒
因而矯托真僞莫辨近因累犯煩朝廷處分若真者取回則僞者
無自容矣因以天順元年舊例稿示之瑾乃語塞八月十三寧夏
獻俘既入東安門上親賜宴勞太監張永乘間出懷中玩珠劍
瑾十七事且言其事多不軌武宗震怒當夜遣人執瑾次日磔

今太監溫祥等持末疏至內閣讀畢徐問今當如何溫祥曰已收
逮矣東陽曰此聖政也天下望此久矣祥輩乃曰須傳旨行之東
陽乃援筆擬進上降旨罪瑾幾百餘言皆應死律末云劉瑾所
壞事情科道官指實來說翌日科道列劉瑾罪惡三十餘條乃下
瑾鎮撫司獄會鞠於午門前得其私製兵甲刻期起手罪狀明白
坐謀反律於是降旨極言罪狀特令凌遲三日諸被害者爭拾其
肉嚼之須臾而盡天下聞而快之是時藉瑾書籍得秦府末壽王
爲瑾慶壽詩序中間稱謂過於卑謫上怒甚欲降勅切責東陽
上疏曰自古治亂賊者正名定罪誅止其身昔光武誅叛賊王郎
得吏民交通文書數千章不一省視會諸將燒之曰令反側子自

安歷代相傳以爲盛事。當劉瑾專權亂政之時，假托朝廷威福，以劫天下生殺予奪，惟其所欲。中外臣民，誰不屈意待之？往來書信，禮儀雖於律法有碍，但因畏罪避禍，多不得已。情有可原，况王府懿親，尤宜優待，自非知情助叛，法不可赦者，其細故小過，亦須曲賜包容。若指論罪實，降勅切責，則凡有書信饋送者，不知其幾，傳聞驚駭，各不自安。或愧懼終身，或遂致失所，不可不爲之慮。今劉瑾已正典刑，乞聖明將此壽詞置之不問，并一應文書涉叛逆事情者，并行燒燬，使人心安帖，事體穩當。上以爲然，於是悉焚其往返文字，無延及者。逆瑾既誅，上以東陽有反正功，特進左柱國，蔭其從子兆蕃爲尚寶司丞。東陽復上疏言：臣誤蒙先帝及

陛下委托扶衰力疾強効馳驅比者劉瑾專權亂政備員禁近事體相關凡票本擬旨撰寫救書或駁下再三或徑自改竄或帶回私宅假手他人或遁出膳黃逼令落底真偽混淆無從辯白臣雖委曲匡持期於少濟而因循隱忍所損亦多荷蒙淵衷明見謂不干內閣恐玉毀楨中亦難辭責理宜罷黜上溫旨諭留且曰四五年來劉瑾恣爲蒙蔽卿委曲匡持朕已具悉宜安心辦事瑾亂政害人事件卽令各衙門逐一查革改正復上疏曰天下者祖宗之天下上天所付托生民所仰賴高皇帝櫛風沐雨十餘年而後定何其勞也文皇帝南征北伐定開詒謀亦二十餘年而後成何其難也列聖相承兢兢業業罔有怠荒先帝顧命惟欲

陛下蚤嗣大位。蚤成大婚。光前裕後。衍無疆之澤。聖慮所及。何其深且遠也。臣願念上天付託者重。思祖宗授受者隆。體生民仰賴者切。每於朝奏講讀之暇。安處官闈。薄施恩澤。起居以節。遊豫以時。保養天和。培植國本。則六氣莫能侵。百邪不敢近矣。不報工部奏言。京城內外工役浩繁。州邑坐派無遺。民財刻削殆盡。在處災傷。四方盜起。况京營軍士。摘撥做工。終歲不操。相率逃避。軍民俱困。乞將不亟工程暫止。東陽等言。工部所言固爲激切。內添蓋房屋一事。尤爲緊要。蓋自去年夏秋以來。外間傳聞。豹房內添蓋房屋。又聞豎立幡竿。似有創建寺祠之意。臣等切念寺觀乃異端之教。其間義理不暇深論。但官禁之體。與城市不同。自古及今。並

無禁中創建寺觀事。番僧人等往來混雜無賴之徒。因爲詐冒。萬一變生不測。難以關防其於事體所關不細。而財用之費耗軍民之困苦。又不足言矣。切見成化間。欲於內府建玉皇閣。憲宗皇帝因閣臣之言而止。弘治間。欲於近城造延壽塔。孝宗皇帝亦因閣臣之言而止。史冊書之以爲聖明美事。伏望將前項工程。卽賜停止。其餘不急之務。大加減節。不報七年。李東陽等又上疏曰。伏見去冬以來。京師地震有聲。霸州山陝福建雲南等處。相繼地震。周官燹理。不備其人。漢廷策免。亦有故事。臣等或親承顧命。或特被簡存。職在論思憂懼無地。且如講筵聖學所關也。臣等不能盡啓沃之功。蚤朝政令所出也。臣等不能在倍從之列。宗廟社稷。

神靈之所在。至尊嚴也。臣等不能執奔走之事。而歲時奠獻。但遣公侯宮殿門禁。天子之所居。至深密也。臣等不能知動止之詳。而晨昏出入。未聞警蹕。凡如此類。不敢盡言。卽今帑藏空虛。軍民窮困。流移不已。寇盜肆行。江西四川累歲用兵。山東河南南北直隸所至殘破。戕害將領。荼毒生靈。蓋自創業靖難以來。未嘗有此。臣等適當其責。罪無所逃。仰瀆威嚴。伏賜黜罷。尤望淵衷朗悟。如日中天。溫習舊聞。自親經史。視朝享獻。一復舊規。親信必恭謹之人。委任必忠良之士。嚴內外出入之防。別堂陛崇卑之分。動息有恒。飲膳有節。願養聖躬。茂隆國本。惟在聖心一轉移之間耳。疏入。不報。臣冠劉六衆至數十萬。初發畿甸。勢張甚。王師屯德州。惠安伯

張偉不敢出提督馬中錫以鄉黨墳墓所在恐爲所脇制倡爲招撫之議可禮張末以問東陽憤然曰此賊本朝廷編氓悖理犯法非夷狄比今攻破州縣拒敵官兵赤子遭其荼毒數千萬衆朝廷養兵百五十年用在今日無分寸效且方出師而以招撫爲計有血氣者宜痛心疾首而食不下咽也更有何說末等皆嘆曰終是老成之見議遂定旣而賊平以東陽等運籌定策陰一子錦衣衛世襲千戶東陽方言文墨之臣不當與矢石之功疏四上改廢文職六品再辭不允有獻密計者托言京軍不習戰陣欲調宣府邊軍三千人入衛京師而以京軍如數戍邊每歲春秋番換如班操例上遣司禮監谷大用至閣議東陽力辯以爲不可大用等謂

此有先入之言。牢不可破。盍姑試之。東陽曰。某等職在論思。與聞國計。知其不可。若勉強曲從。卽有後患。獻計者不知何在。而執筆者固存國事。一壞雖死。何贖往返。再日乃具揭帖。畧陳其不可。且言如以聖駕看牲在途。欲比常加意。竊見總兵鄒永見在滄州。宜令兵部密切行文。暨帶領邊軍近京住劄。事畢之日。仍令還鎮。庶事體停當。人心安靖。乃下兵部會議。兵部始以爲可行。及聞閣議。乃知衆論多未協者。覆議至再。皆云不可。而內意已定。司禮監文書官逼令擬票云。上坐乾清官門。必欲今夜批出。東陽等乃具題極言其不便。曰。京邊官軍各有分地。必有亟事。方可互相應援。今無事而動。一不便也。京軍備邊不習戰陣。難保必勝。恐傷國威。

二不便也。京軍出京。駭人耳目。傳聞各處。未免驚疑。三不便也。京軍在外。倚恃強勢。占住房屋。索要錢物。需索酒食。強買貨物。姦汙婦女。將官護短。而不肯禁。邊方受害。而不敢言。四不便也。邊軍在內。狎恩恃愛。傲睨軍民。蔑視官府。小則怠玩。大則違法治之。則或不能堪。縱之。則愈不可治。五不便也。遠近鄉井。拋棄骨肉。或風氣寒煖。之不相宜。或盤纏俱給。之不相續。六不便也。糧草之外。必有行糧。布花之外。必須賞賚。非緊急不得已之時。為糜費無窮。極之計。七不便也。往來交錯。口無寧息。倉卒之際。或變起於道途。厭倦之餘。或患生於肘腋。八不便也。示京營之虛空。見中國之單弱。九不便也。西北諸邊。見報聲息。唇齒之地。正須策應。脫有疎虞。咎將

誰歸十不便也凡此一事不便者有此數端今五府以爲不便六部等衙門以爲不便六科十三道皆以爲不便臣等以腹心之臣居輔導之地若阿諛委順勉強曲從是蒲朝之臣皆有爲國之心而臣等獨當誤國之罪萬死不能以塞責矣伏望聖明洞察特采人言稍俟從容務求至當寔宗社萬萬年無疆之福也所有前項事情臣等不敢別議翌日乃丙隆行之遂乞休賜之勅命備加褒獎仍庵其從子兆延爲中書舍人十一年卒於家壽七十贈太師謚文正所著有懷麓堂集服學記云子觀揚遂庵叔世麓堂稿云高積石至龍門至底杜春旺有川新洛日川垣易萬變而不加其所窮節二泉叙精稿云盛德嘉謨澤被海內如大將御戎不聞號令一節一庵無不如意嘆乎可謂知言矣子以爲弘治間海內外太和流行兵以不試爲強財以不蓄爲富刑以不用爲治伊誰之

力也君子是以知
文正之不可及也

太常氏曰世之病文正者謂其當內監持疏下閣時不與劉謝一
公同諍又玄貞觀之碑文稱頌逆瑾因而疑其洩言於瑾考之當
時欲免維此輩原未嘗密何待於洩也藉令文正為首揆而不諍
或以文正之不諍而敗事則脂韋之罪誠無所逃乃維陽寔首相
又以徐姚力諍即文正更加貶謫安見有益於事錄其後之調停
保公則知人各有見亦各有志矣故予以為在內閣爭論之時少
文正不中其罪而在細細流毒之日得一文正不輕於泰山益
累其進以今名此曲上之所易誦其跡以救世乃聖賢之所難論
人者必當以孔子為宗孔子曰殷有三仁焉孟子曰或遠或近或

不
能
不
言

守其剛介
之為愈甚
諒節通一
人有各擅
也

去或不去歸潔其身而已矣比于既諫微箕相繼而死何據於紂
惟去者不嫌於避禍奴者不嫌於受辱而後死者之心斯慰文正
生平操履端嚴不媿屋漏身死之後家無贏財其身又焉有不潔
哉易夬之四曰壯于頄有凶剋剛之謂也獨行遇雨若濡有愠九
畝文正之謂也

王端毅恕

此乃實用

王恕字宗貫陝之三原人魁偉高聳音吐如鐘博通諸經子史三十餘歲進士改翰林院庶吉士翰林治古文辭而恕不喜爲古文詞其學務以明體適用本之經術博極經濟而已以是不得留出爲大理寺左評事遷左寺副所獻決必麗情法人不敢干以私嘗條刑罰之不中者六事上之朝而議行之擢知揚州府揚淮之大都會恕以直道精心爲之屢辨疑獄吏民皆愛服歲再饑上疏請再賑度事已迫不待報而發倉廩且別市藥以施病者立資政書院集少年諸生其間延文行士爲之師太守以間按行召諸生哀示講說恂恂禮讓文事大振以考最超拜江西右布政使揚人挽

留之不得相率伐石勒其德政其在江西有便於民者毅然主之無少顧忌嶺寇有犯贛州者恕奉檄率師討平之轉河南左布政以公廉稱賦稅出納吏不能竄進都察院右副都御史撫治南陽襄荊諸府時以襄南地多山險秦越之民萃焉日剽攻殺掠而礦賊亦不時發特開府治而恕首爲草創事事經畧有成莫首獲南陽之爭礦稱兵者已會兵搗襄盜巢平之殲其魁釋脅從之衆又平湖廣劉千斤石和尚之亂旣捷而大將欲搜山盡取其首以徼功賞恕持不可念所從將卒必有乘間爲賊者乃下令曰擅殺一人卽抵死衆肅然無敢犯因榜諭流民各使復業後流民聚貨立生祠恕仍家繪一像又陳善後事宜一襄陽荊州三衛并夷陵千

戶所官軍正統十四年爲因摘調鎮遠靖州等衛官軍前去麓川等處征進致令邊城缺守苗賊出沒薺將荆襄等衛官軍調去彼處分作兩班輪流備禦隨後又將三班軍餘亦調前去令令頭班官軍紹舊前去備禦將二班三班官軍餘丁存留本處操守一襄陽府房縣僻在萬山之中離府八日之程所轄地方有歇馬大市螞蟥溪格兜坡潭坪馬腦關三坎峪梯兒崖頭沙河湯家河洞庭廟玉女廟長口榔口馬欄青峰壽陽柘木前坪後坪洪坪等處土地肥饒道路險阻各處流移人戶在彼潛住者不下萬數近者劉千斤等一起衆皆響應相從爲非先曾設立一千戶所在彼守禦節因差調各邊備禦征進并漕運去訖止留老弱不能防守且前

項地方溪水雖多灘浪峻急舟楫不通漕運艱難合將本所官軍盡數掣回操守其該所原發運糧官軍議於各縣另行招數撥補一襄陽府均州地當四方之中與竹山房縣上津鄖縣穀城光化相爲唇齒本州原設一千戶所一以守禦本地一以控制附近縣分末樂年間奉勅全存修理太和山宮觀查得本所寔有食糧正軍一千二百餘員名餘丁三千餘名雖有修理之名其實歇役者多合將正軍盡數令其在城操練其餘丁則輪班修理一襄陽府均州南漳穀城竹山鄖縣上津房縣等處荊州府當陽遠安等處各有千戶所守禦鄖縣上津竹山三處俱離均房二千戶所不遠穀城南漳離襄陽衛不遠當陽離夷陵千戶所不遠惟遠安縣西

北抵房縣千戶所五百餘里、西南抵夷陵千戶所二百八十里、東
南抵荊州三衛三百四十餘里、又離荊門、南漳、當陽等州縣俱各
寫遠、况本縣止有一里半、遇有盜賊生發、急無官軍抆援、查得已
革去荊州護衛官軍、見在荊州三衛帶管、令於內查屯田、近遠安
者、摘調一千戶所發去遠安縣、與民相兼修築城池、設立千戶所
衙門、守禦地方、如不足一所、就於別所奏撥、一襄陽府房縣、南漳、
穀城、襄陽四縣、荊州府當陽縣地方、接連陝西、四川、河南、疆域廣
闊、道路險阻、要害去處、因無巡司盤詰、以此各處流移人戶、逃軍
逃囚、僧道人等、往往來彼、或開山耕種、或結菴居住、停藏年久、聚
集為非、看得房縣板橋山、穀城縣石花街、南漳縣七里頭、襄陽縣

油枋灘當陽縣漳河口俱係緊要去處。每處各該設一巡簡司。炳
例銓官撥吏就於該縣僉點弓兵一百名令其常川盤詰除住種
年久附籍已定流民聽其本分生理外其不曾附籍者發回原籍
當差造作爲非者拏送官司治罪私自結菴僧道就將菴舍拆毀
有度牒者遞送原出家寺院識認住坐無度牒者解送本管官司
問罪還俗各處趁食流民僧道一應無文引之人俱不許擅入前
項山場一襄陽府均州竹山鄖陽上津南漳穀城棗陽光化宜城
荊州府當陽遠安等州縣在前因是土民不及里數俱係裁減衙
門一遇公差考滿輒委雜職署事耽誤實多合於州添設同知一
員於縣添設縣丞一員令其專一撫安人民緝捕盜賊防革姦弊

今日則湖
身高甚矣

俱奉旨允行。母憂歸。卽家起復。巡撫河南。以襄陽前功。遷左副都御史。境內苦霖苦旱。又苦蝗。大風晝晦。乃上疏乞罷。以謝豫人。因極言止營建。崇儉約。以回天意。詔不聽。罷。而所疏荒政甚詳。上爲之蠲賦有差。轉南京刑部左侍郎。父憂歸。服除。以刑部左侍郎治漕河。時河道淤阻。饒道不通。恕躬視上下。僉稽衆論。且奏揚州一帶河道。南臨大江。北抵長淮。別無泉源。止藉高郵邵伯等湖。所積雨水。接濟湖面。與河面相等。而河身比之湖身。頗高。每遇乾旱。湖水稍耗。則河輒爲之淺涸。不能行舟。若將河身比湖身。濬深三尺。則湖水自來。河水自深。雖遇乾旱。亦可無阻。又云高郵湖自杭家嘴至張家灣。南北三十餘里。俱係磚岸。每遇西風大作。波濤洶

五塘之利
是時已言
之

湧、損壞船隻、漂失錢糧、人命不可勝計。况前項堤岸之外地勢頗低，若再濬深三尺，濶十二丈，取土以爲外堤，就將內堤原有減水閘三座，改作通水橋洞，接引湖水於內行船，仍於外堤造減水閘三座，以節水利。雖遇風濤，亦無前患。併查雷公上下塘、勾城塘、陳公塘，俱係漢唐以來古跡，各有放水減水閘座。年久坍塌，遺址尙存。近來止是打造土埧，開水隨修隨塌，不能蓄積水利。若每塘修造板閘一座，減水閘三座，潦則減水，不能衝決；塘畔旱則放水，得以接濟運河。疏入俱允行之。又請禁馬快船，齎商貨縱橫郵道間，妨糧運。且上弭災數事，惓惓良心上。爲之下獨祖詔。時順德知府參末明，以毆公差人員，浙江布政使劉福等，以織造段匹不如

法降調等項發遣恕以事在革前不當使詔旨不信力言之改南京戶部復大有損益部事理如處置運糧除丁月糧查銷茶引令勲臣具印信公文關支祿米事事皆有條貫復改左副都御史巡撫雲南頗爲左遷朝議以雲南在萬里外西控諸夷南接交人而鎮守中貴橫甚借恕彈壓之恕單車移二童子以往先是朝廷遣使往安南皆錄廣西未有錄雲南者中貴人錢能乃使其麾下指揮郭景等以玉帶龍衣吳裝玩好馳驛謁安南王黎瀕安南王君臣駭愕久之欲因間啓途以襲滇乃報以異寶生金通犀象牙等物往返數四景等復與其國互市稱載歸恕廉得之遣騎追執景景迫投井死而悉錙鐻其從者下之獄沒入其賄飛章露効能通

外夷罪當死言昔交趾鎮守非人致一方陷沒騰衝啓霽致麓賊
叛逆今能私通安南禍且不測報聞錢能使使馳驛以黃賜鵠進
恕復上章極言明主不貴異物今萬里勞人而進一羽族微物恐
天下有以窺見上意因盡發能貪黷暴肆諸狀上不得已召
能歸安置南京而黔國公諸大帥以及土酋皆惴惴奉三尺官軍
土民皆還部業使人至夷方無敢索賂矣時方遣刑部郎中鍾蕃
勘錢能事忽有賁駕帖下蕃所者恕言舊例駕帖下諸司則用司
禮監印刑科號皇城各門關防今皆無之何以爲信設駕帖賜死
者其人將何如死之恐孤臣節不死恐違君命在雲南九閱月疏
二十上三品蒲九載進右都御史尋召掌南京都察院事往返衣

督各一。囊無緡毫。增未幾。參贊南京守備。還南京。兵部尚書參贊。如故。盡攝管將之占役者。一卒不得走私門。番使過龍江驛。嚴禁織作工。買非奉旨。毋得自爲互市。考選軍政。卽同事者。無敢干。頗不便。恕而適有與力。取中旨。改戶部尚書。兼左副都御史。巡撫南畿。兼總督糧餉。恕益日夜孜孜於職。下車首延耆碩。降色與談。民間利病。因而刺及。屬吏賢否。諸屬吏故已耳。恕名其墨。不可洗者。望風解印綬去。留者相濯磨。爭欲獻其長。以自效。以故恕不勞而治。首列諸事上請。一以江南諸郡運米至瓜淮。水次交兌。勞民傷財。不若加以過江。來令軍過江。苑運一以天下一切納貢賦者。苦於收取。過重。多至破家。乞嚴禁。章一以光祿寺歲供白粲之煩。而

槩以食工匠貧子請爲裁制一以蘇松所轄衛所官吏旗軍俸糧不供半歲請於起運淮揚倉米熔數存留又別派市物料織造絹絲及貢獻花木會賦請賜蠲省皆報可蘇州時有羨米請以六萬石補常州之夏稅又以補諸府戶口鹽鈔六百萬貫以官田賦太重減耗米十餘萬舊例應天鎮江太平寧國廣德官田減半徵而民田全免久之民田多歸豪家官田多歸下戶恕乃爲之捐益官田量減其耗民田稍增之公私便焉明年水災奏免秋糧數十萬草半之而周行賑貸其貧者至二百餘萬口吳人頌之以爲自設巡撫來幾一甲子獨恕與周忱忱以十八年恕不二年其久與暨不相當然忱彷彿姚元之恕則賢於宋璟矣時文華殿辦事上

林苑監錄事邵義以傳奉陞直隸蘇州府通判。恕言臣查得蘇州府原該通判三員一員管府事一員管糧一員管治農皆見任無缺。今陞邵義是爲額外冗員。官冗則事不歸一而民擾。且邵義原任錄事正九品也。依例止該陞正八品。今陞正六品。無乃有壞選法乎。選法壞則士無定志而奔競之風起。且邵義之爲錄事小官也。名寔未加於上下。今不繇吏部銓選而傳奉。聖旨陞授。開此路後將難止。傳奉漸廣。不惟侏祿乞隸耗國損民。將盡據天下之要地。恃寵妄爲正路。蔡蕪賢者難進。則郡縣之政日益非矣。中貴人杜福以中旨下常州取截江網。及刻繇觀音羅漢古跡。恕疏言帝王之學要在典謨訓誥及無逸旅獒。皆帝王脩身治國平天下

之道上不之取而取截江網者何瑣瑣也。佛像外道亦不足汙清
覽。既而中貴王敬挾其千戶王臣所謂王瘡子者以妖術取中旨。
齋御帑金併引鹽取市圖籍珍玩因而張皇聲勢搜刮富人財寶。
殆盡官府供億不貲人情洶洶。恕乃盡列其姦罪狀三劾奏之王。
敬亦誣奏恕因而株及常州守孫仁方未決而東廠中貴人尙銘。
亦發其狀。上始下敬錦衣獄。謫戍之併戍其黨十八人而梟王。
臣首於江南。遠近稱快。以是益歸心恕。又請罷內降官數人又以。
京師地震乞辭位不許。尋復爲南京兵部尙書。叅贊機務。時錢能。
復尙緣得同心。備南京與恕共事。然益心服恕。語人曰。王公大人。
也。吾惟有敬事而已。恕諗其少自抑損。坦待之卒無害。而恕以年。

老乞休不許滿九載加太子少保以秦晉饑言便宜十事刑部員外郎林俊疏論中貴人梁方與妖僧繼曉比而益大鎮國未昌等其言直忤旨下詔獄都督經歷張黼掾之亦下獄謫外恕言京師祀天地僅一壇祖宗暨先聖僅一廟而佛乃至於千餘寺者外也一寺立而移民居者且數百家費內帑數十萬金俊言當不宜罪宜特復其官因併復黼官上雖報聞而中不能無嫌以星變還俊黼南京恕因是益自信凡應詔者二十一建白者二十九多報可天下益服恕之直至朝事有所不可必曰王公胡不言也則又曰公疏且至矣而恕疏果至至爲謠曰兩京十二部獨有一王恕公卿大臣皆側目而上亦微厭之最後所言政令失信尤中

上諱會南京兵部右侍郎馬顯以病告忽附批落忽太子少保以
尚書致仕忽既歸名益高臺諫推薦無虛月庶吉士鄒智等抗章
言事極詆萬安劉吉而稱王忽彭韶疏入不報主事王純論忽忠
亮下純獄謫思南推官當是時天下無事內則宦戚外則閣部各
引私朋置之清顯及汪直李孜省內外交結得進退大臣大臣亦
多俛仰惟怨直節不撓上崩孝廟卽位先是在東宮時已聞忽
名至是宦官懷恩以忠直起自謫所首言忽於上言官亦交章薦
之卽家特召之命馳驛以來中途引疾乞休不許而改吏部尚書
入見卽加太子太保忽薦楊守陳彭韶張悅周經爲左右侍郎耿
裕何喬新倪岳皆引置執政忠諫久廢如王徽黃仲昭賀欽迂直

被抑如周瑛、祁順，並皆薦用，裁抑僥倖，褒獎名。無敢以私干者。劉吉在內閣，每持恕，恕直已不屈。會南科道劾吉，又言恕且老而賢，不當勞以繁劇，宜納之內閣備顧問。上報曰：朕用寒義王直故事，官恕吏部謀議無所不從，何必內閣也？劉吉深銜之。上時釋奠文廟，恕請加禮。於是孔子前獨用幣，改太牢，改獻爲奠。徽王請乞歸德等州地土得旨，差官會河南鎮巡官責誘所司覈實。恕奏言：臣仰窺聖意，蓋將待其報至。若軍民原起科者，仍給管業。若未起科者，悉以與王。事固明白，但軍民之家，人口豈無生息？若舊時徵糧地不多，而今人口生息者，倘將開墾，或續置未起科地，盡令割去，何以聊生？且陛下卽位以來，災異屢見，人心未安，爲宗

實錄明恕
暫止疑延
意實無他
傑等之言
過矣臣子
受君亦自
宜爾愛者
愈至責者
必行矣

室爲親臣者。正宜爲朝廷惜民固本。祈天求命。夫何以此存心者。少希求恩澤者多。臣聞徽王得地已不少。兼有本等食祿。凡吉凶之禮合用之物。又出特賜。其富貴視朝廷不甚遠。而顧與軍民爭尺寸之地哉。乞自今有乞恩澤地土者。一切報罷。則軍民無怨。而國家未安矣。上曰。空閒地。軍民占據者多。全不稽考。亦非法度。况流通所聚。難保無虞。以此遣官踏勘。非專爲王府也。宜悉朕此意。是時恕侍經筵。方酷暑。督上汗而盛服。疲不堪。請暫輟講於宮中。進學報許。始恕以直重天下。後進慕悅之。而上方開言路。各欲有所自見。其望恕重而責之深。至是御史湯鵬進士董傑都給事中韓重等。各疏論經筵日講。不宜以暑輟。恕非所宜言。而傑

尤激恕不懌待罪私第。上疏乞休。上曰：君臣之間，恩猶父子，各陳所見，以盡乃職，何嫌何疑？其亟出，勿避。恕乃復疏，露其意，謂人見朝廷待臣太重，責臣太深，欲臣盡取朝事更張之。如宋司馬光，毋論臣不敢望司馬光，今豈亦熙豐時也？縱有一二六卿分職，臣豈敢越而爲之？上復優詔留之，乃止。時上於奉宮內臣多所登進，又贈服色莊田。恕爭之曰：伏覩祖訓條章，內府各監局內官俱有定員，各有職掌。洪武末樂間，未嘗額外濫設。其太監等官非歷練老成，雖有聰明才俊，亦不輕授。近年以來，則不然矣。前者陛下將內官論年遞降，蓋矯往命，濫陞之弊欲復。祖宗之舊制也。近聞又陞一起內官，人數頗多，不知是前日遞降者，不知別

是一起也。前旣以爲濫而通降之，今以爲不濫而復陞之，舉措如此，其何以示天下。上異詞以報南京守備太監蔣琮與南京科道相訐奏劉吉恨前其嘗劾已，票旨給事中方向等貶謫殆盡。琮猶自如，恕言南京守備太監蔣琮與御史姜綰等訐奏失實，例俱有罪。今綰等降外，侍郎黃孔昭亦以勘事劾，琮乃獨蒙恩宥，人多不平。乞追還前旨，以消物議。上不允。又給事中周紘、御史張炳、南京教場點軍數少，不准被調守備官奏其罪。劉吉票旨令吏部調外任，恕執不可。吉仍票旨云：已從寬恕，復奏天下大事，賞與罰而已，實必當功，罰必當罪。此爲治之良法也。今不治失伍之罪，反責點操之官，後來何以使人哉。未允。臺諫交奏，恕言宜聽紘、炳

乃得改京任。時有工匠以蘆溝橋工乞陞。恕言：「官匠營造乃其職分。自成化初年以前，修河築堤並無陞官事例。至十九年以後，築蘆溝橋決口，恭愼夫人墳墓，大慈恩寺殿宇，始濫陞匠官。并欽天監、太醫院等衙門，日增月益，大壞名器。比因科道之言，一切罷去。識者以爲太平盛事。今一旦復濫陞如舊人，其謂何？」比者營先帝山陵，所役軍匠至四萬人，亦未嘗有陞職者。此役較之山陵不及二分之一。顧欲妄濫陞官，甚失輕重之序。況修城等役，今方並興。若俱炤例，其爲冗濫又復如前，豈不爲新政之累？」上從其言。御史湯鶴壽，州人也。前以經筵議恕，又嘗論閣臣歸過於上，無人臣義。會范安尹直去，鶴日夜酣呼曰：「小人退，君子進。」雖劉吉尚在。

不足忌也。吉乃使御史魏璋伺之。會壽州守劉槩以書稱之。引夢中見一人牽牛陷澤中。鴈手提牛角引之。而上以人牛象國姓。此國勢危而鴈安之也。璋遂以此劾之。下詔獄。欲坐槩妖言論斬。而鴈亦以誹謗妖言論罪。恕力辨其不然。上命姑緩之。迨法司議上槩。鴈皆得減死。陝西巡按御史李興有風裁。而微過刻。爲同事者所中。以多杖人死。當大辟。恕謂非故禁故勘。於法不當大辟。亦減從戍。初。司樂徐啓端已經革罷。尙書劉崧題稱本寺缺官供祀。乞復其官。恕議。陛下嗣位之初。首罷傳陞官員。奔競稍息。今劉崧欲將徐啓端復職食祿。是爲傳陞官員立赤幟也。若用一人。將數千百相率而來。豈勝煩擾。寢格不行。又徽王乞陞均州爲府。晉

王乞爲世子別設典膳又乞醫生王玉傳奉陞院判御馬太監陳
富傳奉親王奏討醫士張騎等二名恕力論止之修理河橋工竣
太監李廣乞陞工匠官四人冠帶者五人恕又上言陛下嗣承
大統之初中外臣民翕然愛戴者固繇祖宗德澤及人之深亦
繇陛下首頒詔旨革罷傳奉冗官驅逐妖僧邪士不受貢獻停
止織造裁省冗費數者有以動之也臣等受陛下大恩忝居銓
選之司若於用人得失漫不可否惟順旨而行竊恐陰壞大事失
天下心雖死何贖是以不避斧鉞之誅屢進逆耳之言無非欲匡
輔至治少盡臣職而已且如前者太監李興奏陞蘆溝橋管工副
使潘洛等陛下已納臣言特降賞賜今太監李廣奏將修城垣

冠帶官尚禮等量加俸級。陛下却降陞賞之旨，是功同而賞異也。臣等固不知李興之意有無不平，在他人必將復比例上請矣。況尚禮等多前時革罷傳奉官員，前日革之已得衆心，今日陞之豈不失衆心乎？又況革罷之官千百餘員，因尚禮等又得陞職，未免復尋蹊徑，夤緣求進，不知何以處之。欲不爲聖政之累難矣。且正統年間，營建宮殿，包砌京城等工，如彼其大，陞授匠官尚不越五六員。今此之役，較前功不及萬分之一，反陞如此之多，不亦異乎？不行。又言臣力竭矣。惟陛下慎之將來耳。上溫旨報聞。是時工役煩興，請乞相繼，恕罔不力言極諍，不暇計其允否也。壽寧伯張繼請給勲號，并誥券。恕言昔錢太后正位中宮五十年，錢承

宗始封伯，王太后正位中宮二十年，王源始封伯，皇后正位中宮
纔三年，卽蒙恩封伯。今文急有此請，恐人情驚愕，有累聖德，乞
遲數年以息人言。上不從。徐生者，太醫院諸醫也。傳陞院判，恕
執奏下吏部會禮部太醫院同御藥房太監選用，恕力爭。祖宗
未有吏部會內官推選官員例，成憲不可更。末流不可揅。上曰：
徐生善藥，與院判恕遂乞休，疏屢上。上曰：卿持正輔佐，朕心知
之，勿辭。旣而文華殿降革中書杜昌守奏請復職，恕又言：比因太
醫院院判徐生貢緣復用，臣等言之，科道言之，俱不見聽，以致文
華殿書辦中書舍人杜昌守輒敢劾。尤此御史滕祐，所以反覆懇
懇言之也。伏望將徐生杜昌守執送法司，明正其罪，庶紀綱不壞。

弊端可絕。若置而不論。則傳奉降革官員。又何憚而不爲奏擾哉。奏上得旨。杜昌守具奏煩擾。希求復職。本當執問。姑貸之。令仍舊供事。時御醫王玉自陳效勞春宮。乞陞職。吏部請逮問。得旨。王玉免送問。陞俸二級。後有奏擾者。送問不宥。於是恕言。陛下卽位之初。裁革冗官。太醫院堂上止留院使一員。院判二員。額外濫設者。俱降御醫供事。玉本以傳奉陞至院判。亦在降中。今又以自陳陞俸二級。陛下若聽臣等所言。將玉置之於理。是爲懲有罪。法之正也。免其送問。是爲宥有罪。猶之可也。今旣免其送問。又陞俸二級。是爲賞有罪矣。豈可乎哉。若臣等不言。後來復有乞陞奏擾者。却行執奏。其何以服彼心。亦何以服天下之心。欲天下不謂臣

等爲按臣得乎。伏望收回陞俸之命。令玉仍以舊職供事。庶不累
陛下初政之美。從之。總督兩廣都御史秦繼糾總兵安遠侯柳
景不法而爲景所誣與俱罷。恕復言柳景當追贓。聖恩免之矣。而
恩不及秦繼。是爲地方軍民之害者。可恕。而除地方軍民之害者
不可用。何以服人心乎。卒奏起繼爲戶部尚書。山西叛賊王良等
旣伏誅。或議除其黨千餘輩。恕以爲脇從宜免。議始定。九載考最。
授光祿大夫柱國。贈及五代。上念恕老大風雨雪免朝。又免午
朝。以疾告。輒遣中貴人存問。御醫視脉。牲米酒蔬相繼。而歲時鮮
異金綺之賜。與內閣輔臣埒。內批通政司經歷高祿爲本司叅議。
恕言祿出南科目。自能趨避。而祿太趨陞。非所以貴祿。幸以天下

之官待天下之士勿以親戚妨公議事乃止恕遇事輒言有不合
卽引疾求退上每溫言留恕內閣滋不悅謂恕好名時有建白
多謂業已行矣恕言天下事設有未常雖十易之不爲害若謂已
行無及則古之納諫如流者豈肯未行乎恕以爲不得其職連疏
乞休皆不許但執政擠忌日深明示阻抑其舉羅明丘薛則謂私
故舊票旨留邊方用舉太僕寺少卿白思明爲僉都巡撫延綏則
諷御史魏璋等劾其不協人望調外任知府甚至臺諫劾巡撫及
藩郡官俱票旨黜革不繇吏部定擬恕屢疏辨明求退則票旨云
不必深辨及亟去任執政丘濬又不悅之訕其好名時丘濬掌詹
事時亦擢太保而以禮部尚書故班恕下旣入直文淵閣兼

大學士恕尚持其吏部銜且先貴猶据其上潛意弗善也及是考察外察天下布按二司及府州縣等官年老有疾并罷輒不謹貪酷才力不及者共一千四百員又雜職一千一百三十五員請如例罷黜并調用上曰諸考退官俱炤舊例行其方面知府仍指陳老疾等項實跡以聞毋虛文泛言以致枉人府州以下有到任未及三年者亦通查具奏既而恕等各開具上請且言府州以下官勤慎盡職者固多貪鄙無用者不少貪鄙無用者留一日則民受一日之殃是必待三年而後黜之於彼則固當感激於民則未免怨嗟昔人有言一家哭何如一路哭此殃民誤事官雖年淺亦不可不黜也上曰人才難得事貴得實人貴改過祖宗愛惜

人才凡百官考滿初任再任有平常不稱者俱令復職必待完年然後黜降今或因一人無根之言而遂革其積勤所得之官使之泯然不敢伸理是豈治世所宜有爾等皆因習舊弊不能改正今姑從所開具者處之其方面知府年老未滿六十有疾不妨治事素行不謹在陞任之先及見任不謹罷輟無爲非本部訪有實跡或有巡撫巡按只是一處開報等其餘官員到任未及二年非老疾貪酷顯著者俱留治事恕因自陳年老病作請毀日至乞賜歸田里以全始終上曰卿朝廷老臣偶有疾宜善調理不允休致既而恕復申前請上曰卿引疾求退已有旨勉留不必固辭時考察官奏上請黜而中旨復留者九十餘員既而科道又交章請

黜遺漏及宜退復留者復命吏部指實跡恕詳疏各官考語及本部訪察者以聞得旨但憑攷語恐未爲實仍令烜所訪廣東熱政詹雨等事實具奏於是恕知言不見用且疑濟故以計窘之求去益力矣居無何太醫院院判劉文泰奏恕矯詐強悍妄行選補御醫吏目非故事及里居日托人作傳而鑲行之曰大司馬三原王公傳其疏詞不見行者皆曰不報以彰先帝拒諫之失自此伊周無人臣禮有旨令恕看詳回奏恕不懌意文泰受之丘濬且疏辯謂臣傳作於成化二十年而致仕乃在二十二年此非有怨於先帝者卽臣傳內所言皆足以昭先帝納諫之盛何名彰惡且文泰無賴小人其逞此機巧深刻之詞非老於文學陰謀詭計者不能

乞於午門面究文泰主使之人以正紀法遂下文泰錦衣獄獄具
謂文泰嘗謁丘濬語及恕傳濬謂此沽直諫君也傳若行有豪傑
聞之上罪當不小文泰自是心動具奏欲論恕以語故爲民御
史吳禎禎見內有尚書五子之歌等語因言待我舉奏爲先帝報
不平雖死不悔又爲之潤色其草而授之因請逮恕及濬禎面質
上爲左文泰秩而責恕賣直沽名宥之焚其傳草而罷濬禎不
究恕意不能平復上疏辨復不聽而恕自此屈矣於時懇疏乞休
至再三乃許之聽馳驛有司月給廩二石歲給夫二人不賜勅而
文泰心怏怏謂濬不能爲之地又二歲濬卒文泰往弔其夫人叱
之出曰爲若而使相公齟王公負不義名於天下何弔爲時人

快之在任凡四十五年所上者三千餘疏皆忠直剴切家居無恙
日玩大學諸書草石渠意見能發前賢所未發嘗自言我垂老理
會學問薦紳大夫過三原里者必屏呵從謁之再拜質疑恕應之
不少勑如是者十餘年而爲正德改元之歲恕九十矣 天子遣
行人齎手勅牢醢綵幣存問益月廩歲夫而諭之言恕乃復疏言
數事曰嚴軍法以肅邊境戒冗費以節財用重官爵以惜名器禁
僭侈以化民風存羨餘以備不虞給民業以均貧富又三年卒恕
飲食兼人至其日小減已閉戶獨坐忽有聲若雷白氣瀾漫入視
之瞑矣訃聞 上爲輟朝予祭英特超六官贈特進左柱國太師
諡端毅恕有五子十三孫多賢顯而少子承裕遂爲南京戶部尚

書有學行不墮其聲

太常氏曰。愚讀端毅疏稿。而知先哲之所以告君者矣。其言質而不文。其說直而不激。如家人父子之相告語。事明意盡。不益一詞。而忠誠懇惻。憂世愛主之意。洋溢其間。使讀之易曉。聽之易動。且其所言。皆當官盡職。未嘗有一言之出位。侵官。釣奇賢。直盜名。取寵者。豈若今世之漫衍支離。以闢靡巧。詆深文。以爲訐。藏機隱毒。以爭勝哉。是以前後三千餘疏。非關切主上。則催抑宦倖。卒未嘗以言取禍。雖繇主之聖明。亦端毅之就事論事。不文不激。得之也。說者謂其憂世之志。如希文。經世之才。如君實。直諫如長孺。惠愛如子產。信然哉。其爲冢宰。凡所獎拔。一一皆海內名流。而林之轉。

傳○奉○雖○卑○官○冗○秩○不○一○假○借○傳○曰○惟○賢○者○能○以○人○事○君○又○曰○惟○名○
與○器○不○以○假○人○斯○其○爲○真○家○宰○乎○

皇明朝世編卷之二終